

SAMUE I à II

Israe ñic jaŋerao sahačkopec à mitiopec wiac irec hata sifuckerâ fohâ Samue fuawec. Eme Samue e hata i â i mâmâc bâtiŋ-jofawec. Samue juhame Mumutara ñic jaŋere dameŋ tarawec, erâ ñicwofuŋ juju â guriŋ bapa gie irec dameŋ maickekewec. Israe ñic gurune gurune jaŋe dameŋ ira hâcne ââgo à maŋ mocjaha erâ juju i mocwâc mi juhuc fâuckembiŋ. Erâ micne tâmiric juhuc docke pârâc erâ jumbiŋ. Â taha bapa jaŋe wâc iŋuc jaha gie-jenic biagne mocwâc mi bahuc bâsifuckembiŋ. Jaŋerao mâsi iŋuc fuarâ foha Anutuzi Samue rowosâerâ giedâr mucneme Wofuŋte kiŋaŋŋic fârine juwec. Ehuc Israe ñic soŋaŋ-jopahuc mu bâtiŋ ejareme jaŋe Wofuŋzi hehesic-jenicté beheç-jopawec irec bujenic sâqoreme maŋ bâbârisie bâfuahuc qâpuc wiac fuŋne fuŋne bajumbiŋ i behepie Anutuzi mocwâc maic-jopawec. Erâ juku zâheç Israe ñic jaŋe ñicwofuŋ-jenic moc fuarâ soŋaŋ-jopaocte mupie mana-jareme Samuezi Saulo wokemaŋ ruacnerâ ñicwofuŋ âkendâŋne-jarewec. Irec Israe ñic jaŋerao ñicwofuŋ juju i Samuezi juha fuawec hâcne. Irec Samuere papia qizec I à II irec magnaŋ dâŋ à binaŋ forakac i Samue à Saulo erâ Dawidi jaŋere binaŋ sasawa.

Erâ zŋuc honenggopenen wâc: ñicwofuŋ juju fuŋkewec dameŋ ira Israe ñic jaŋerao porofete juju i iŋuc jaha fuŋkerâ fuawec. Samue e mumutara ñic erâ wâc porofete mâmâc juwec.

SAMUE I

Samue à Saulo jahere binaŋ

Gaŋ 1-3. Samue qie juju-ticnere binaŋ.

Gaŋ 4-6. Mumutara ñic Eli ere binaŋ, à zâzâfic katapare dâŋ.

Gaŋ 7. Samuezi mumutara ñic juhuc Israe ñic micne bajareme Filisa ñic jopambiŋ.

Gaŋ 8-15. Samue à Saulo jahere binaŋ.

Gaŋ 16-31. Samue à Dawidi jahere binaŋ.

Papiare dâŋ nengocne sâko i papia gâcnaŋ honenggopenen ijaha zira fuakac, kekziŋuc: Anuturao qohotahuc juju izi wiac biagne, à dâŋticne qatararâ juju izi ine sisipiric bâfua-nâreekac. I Wofuŋ e jahac taha bapa Eli dâŋ zŋuc âzâcneme fua taniŋkekac: “No araŋ banareenggopien jaŋere manape fefene eocmu, à araŋ mi banareenggopien jaŋere ine manape wawahane eocmu.” (Gaŋ 2:30)

Samue e Anutuzi mocjaha Wofuŋ Sâko-nâŋec jukac, iŋuc muhuc ñicwofuŋ jujure mâreteç manabâc ewec. (8:6-7) I mâreŋ ñicwofuŋ araŋ bajarehuc sambâŋ Wofuŋ râpeckenim mu muhuc iŋuc ewec. Anutu eki ine sifu ñic jaŋere dâŋ manaocte Samue âzâcnewec. (8:22) Mâc Anutüre manapie feha ñicwofuŋzi weniguc juhuc ñic soŋaŋ-jopame biânkeocmu irec dâŋ i jaza qâmoc eocte mutâcnecnewec. (2:7-10)

Samue fufua-ticnere binaŋ

1 Eferaim tiki mâreŋko Ramataim hae ŋewec irecnec ñic moc juwec zâŋene Elikana, e Zufuŋic jaŋere birionec, Jerohamte ŋokâ, à ŋosa-ticnere zâŋe ine Elihu, apa-ticnere zâŋe Tohu à apa ŋiric ŋuruc-ticne

Eferaim ȝic zâȝene Zufu hâcne. ²Ȟic e ȝonân jahec-ticne jajahec jupic. Ȟonân-ticne moc ere zâȝe Hana â moc ere zâȝe ine Penina. Penina e naru motec rocjopawec â Hana e ine arictac.

³Ehame ȝic e jara sâc Anutu Tâpiri Qunqasaȝ Wofuȝ mai ecnehuc taha bacneocte Silo haeo Elire ȝokâ Hofini â Pinehasi Wofuȝte taha bapa jupic ira fejujec. ⁴Elikana e taha bajujec 3oaȝ ira tahare wiac bâtâc barâ ȝâcne sâko ȝonân-ticne Penina â naru motecfâcne jare jujec. ⁵E Hanare boc ecnewec, erâ ine Wofuȝzi kogoc fufuare hata hebâzickecnewecte qowi dâkâne mocjaha sawa râcne jujec. ⁶Eme mare-ticnezi maȝbâiȝ ecneme zâic boc mana jujec. I Wofuȝzi kogoc fufuare hata hebâzickecnewecte iȝuc hâcne ejujec. ⁷Wiac i jara sâc fua jujec. Hana e damen sâc Wofuȝte ufuȝko fejujec i Peninazi aaric bâfuacne jujec. Irec Hana e kiorâ nânâ moc mi nâjujec. ⁸Iȝuc eme ȝowe-ticne Elikanazi âzâcne jujec, “Hana, go wemocte kiokomec? Â wemocte nânâ mi nâkomec? Erâ wemocte buge sâqorekac? No ȝokâ 10 fua-garenzapiȝ jaȝere sâc sirickerâ mi jugarekopac me?”

⁹Silo haeo nânâ opâ nâpie tarama Hana e faharerâ Wofuȝte taha ufuȝko fewec. Ehame taha bapa Eli e Wofuȝte taha ufuȝ irec motâc ȝifecnao ȝeȝeo ȝewec. ¹⁰Ehame Hana e zâic busâqoc sâko manarâ Wofuȝtao numuhuc kio sâqorewec. ¹¹Ehuc mumupaȝ moc kecziȝuc mupaȝkehuc muwec: “Anutu Tâpiri Qunqasaȝ Wofuȝ, go kiȝaȝ naruge nore fific guguriȝ i hone-jâmbâȝkerâ manasucnuc. Erâ nore mi nikecȝuha motec moc narecmuo ine bârisie-garepe juju damen-ticne foocmu sâc gohec juzejec. Ehame qizec susuc-ticne moc mi bâtâcnenzepieȝ.”

¹²Ȟokac e Wofuȝte maio zuhuckerâ iȝuc numume Elizi bipic-ticne qiriȝ qawec i sawa honewec. ¹³Hanazi saȝucko numuwecte dâȝticne moc mi manahuc mâc micbipic-ticnezi sawa qiriȝ qame Elizi ziȝuc manasuweg: E opâ sanaȝ âmbâȝ nânâ ȝokac moc. ¹⁴Iȝuc manasurâ ȝokac ziȝuc âzâcnewec: “Maȝsifuc ȝie zi mo damenȝko behecmu? Go waiȝ nânâ moc behezemec!” ¹⁵Hanazi ine dâȝ ziȝuc bâtikiecnewec: “Aricne, bombon-nane, no ȝokac zâic busâqochec. No waiȝ me opâ sanaȝ moc mi napac. No maȝnanere fuȝne Wofuȝtao mufuakopac. ¹⁶Go kiȝaȝ naruge nore manatec ȝokac sâqocne mi ezejec. No damen ȝonderȝ zi zâic busâqoc â maȝbahac-nane i mufuapac.” ¹⁷Iȝuc mume Elizi dâȝ ziȝuc bâtikiecnewec: “Go wamao rac. Eme Israere Anutuzi nunumugere fârine tahacȝuzejec.” ¹⁸Eme ȝokaczi muwec, “Kiȝaȝ naruge nore manatec sâckezejec.” Eme ȝokac e waha rarâ nânâ nâwec. Ehame zâȝe mai-ticne busâqoc hawari fowec i omaewec.

¹⁹Eme jaeȝ hae fureme furic uupicte faharerâ Wofuȝ mutenȝkembij. Iȝuc erâ Rama haeo ficȝenȝicko risiembij. Eme Elikanazi ȝonân-ticne Hanahec juhapire Wofuȝzi ȝokac e manasucnewec. ²⁰Eme ȝokac e motec moc kiweckerâ damen-ticne maickeme rowec, ehuc zâȝene Samue muwec. E ziȝuc muhuctecne iȝuc muwec: “No ere hâcne Wofuȝ numucnepo.”

²¹Eme Elikana â ȝokac naru motecfâcne jaeȝ jara sâc Wofuȝ taha bacne jumbieȝ iȝuc ehuc mumupaȝ-ticnere fârine bâfuaocte Silo haeo fembij. ²²Hana e ine ȝowe-ticne ziȝuc âzâcnerâ ȝewec: “Motec e soka sokahame izia jowape rarâ Wofuȝte maio fuarâ ira juhuc juzejec sanaȝ.” ²³Eme ȝowe-ticne Elikanazi ziȝuc âzâcnewec: “Wiac go ȝahac manatec sâckekac ireȝ sâcko ezemec. Woȝec juhuc motec gume bâsokac ecnezemec. Ehame Wofuȝzi sawa dâȝticne dopeckezejec.” Iȝuc mume ȝokac e ȝerâ motec

sokaocte wojec juhuc gume jowac ecnewec. ²⁴Gume jowac ehuc juha sokame jowa fewec. Ehuc bulimakao ģicne jara-ticne jahec â moc, erâ poroĝ uucne ĝâcne â waig zopo moc mâmâc rowec. Erâ ģokac e Silo haeo Wofunĝe ufun ģewec ira motec jowa fewec, motec e ine mi soka tarawec. ²⁵Eme jaĝe bulimakao ģicne i qarâ hezupie nengoc-ticnezi motec e Elirao jowa rawec. ²⁶Ehuc muwec, "O bomboĝ-nane, go jujâmbâĝkehanĝec ģokac no hâcne zira gore herirĝko domahuc Wofunĝ numucnepo. ²⁷No motec zirec hâcne numupo. Eme nunumu-nane i Wofunĝ manawec. ²⁸Irec no Wofunĝ râcnekopac. E juu damen-ģicne foocmu sâc Wofunĝtao juzeĝec." Eme jaĝe mâmâc Wofunĝ mutenĝ bâtenĝ ecnembinĝ.

Hanare mumutenĝ gae

- 2** Eme Hana e kecziĝuc muhuc numuwec:
 "Maĝnanezi Wofunĝ gorao bubian bâfuakac,
 tâpîri-nane i Wofunĝ gorao fojâmbâĝkekec.
 Go bâfiriecnukomec irec ĝeri ekopac,
 eha micnanezi kisâfâc-nane ĝâwie-jarekac.
- ²"Wofunĝ go ĝucne tirine moc mi jukac,
 go ĝucne moc mi jukac.
 Haroĝaĝ sanag moc Anutu-nâĝec
 go ĝucne moc mi jukac.
- ³Sahac fefe dâĝ jâmbâĝ mocwâc mi muzo,
 pepecdâĝ micĝenĝickonec mi wahazeĝec.
 Wofunĝ Anutu e hâcne mamana tara rune,
 eki ĝurĝ bame ĝiczi wiac ebac eengopienĝ.
- ⁴Ħic tâpîrihec jaĝere tepe motec bazukicne
 â tâpîri tâmiric jaĝe ine tâpîri qâricne hepîe huekac.
- ⁵Wiac bocjaha fojareekac
 jaĝe jaĝac nânâre kiĝaĝ qaengopienĝ,
 â nânâre hâmoĝuc juengopienĝ
 jaĝe nânâre hâhâmo i omae-jareekac.
 Hufiĝnezi kogoc 7 rocjopaekac
 â naru motec bocjaha jucneengopienĝ
 e ine behe qaisoc ecnekicne.
- ⁶Wofunĝi ĝic jopaekac, ehuc juu mocwâc bâfua-jareekac.
 E hâmoc haeo bacjopa hurâ mocwâc bâqârec-jopaekac.
- ⁷Wofunĝ e ĝic hapetac bacjopaekac
 erâ mafa sâko tahac-jopaekac.
 E bawahac-jopahuc bafec-jopaekac wâc.
- ⁸E hapetac jaĝe rufemaĝkonec bawefuc-jopaekac,
 ehuc harac huacbuĝne jaĝe fekicne jaĝehec ĝehuc
 eri qarawenĝe hendĝ rauckenĝte
 zafeonec bafaharec-jopaekac.
 Mârenĝ hobetene i Wofunĝe biĝe,
 eme irec faio hâcne mârenĝ sâko mârenĝ râewec fokac.
- ⁹"Wofunĝ e mume rerenĝfâc-ticne jaĝere kike soĝaĝkeekac
 â sâqocne bapa jaĝe ine behec-jopame

dapâc qisiric magnaô sipirickeengopiej.

Ŋic moc e jahacne tâpîri erâ mi juocmu.

¹⁰ Wofunġe kisâfâc jaġe Anutu Fekicnezi

sambânko parandanġ heme hâwic-jopaocmu.

Wofunġ e ġic sasawa jaġerao mumutara ġie bame

mârenġ sâcke-fâreocmu.

E ġicwofunġ-ticne tâpîri rânecocmu

â wokemaġ ruacnekicne-ticne ere tâpîri bafahareocmu.”

¹¹ Eme Elikana e Rama hae-ticnao risiewec, â motec e ine taha bapa Elire maġfunġo juhuc Wofunġ kiġaġ qacnewec.

Eli â wiacfâc-ticne jaġere findanġdân mukicne

¹² Eli ġokâ jahec-ticne jahe ġic hehesicne, jahe Wofunġ araġ moc mi bacnepic. ¹³ Ŋic jaġe taha banigġe fisihapie taha bapa jaġe mâsi zġuc ejumbienġ: Ŋic moczi bâzi rikeme qowizi du âtehame taha bapare kiġaġġiczi sarac micne jahec â moc barâ ware jujec. ¹⁴ Ehuc sarac i faġko me beġguo me kuzi sâkoo me hapecko râeme hume qowi âecke jujec. Eme saracmicco qowi fejujec i sasawa ine taha bapazi e jahacne biġe rojujec. Israe ġic sasawa Silo haeo fisi jumbienġ jaġerao mâsi i hâcne ejumbienġ. ¹⁵ Erâ i sawa mâcne, wokemaġ i Wofunġe biġe mi rike-fârehapie taha bapare kiġaġġiczi warerâ ġic taha bawec e zġuc âzâcnewec: “Taha bapare qowi zegoc zaocġe qârġicne narec. E kuzio rikekicne i goranec mi roocmu.” ¹⁶ “Wokemaġ zafâreme bocjaha rozo murâ rozemec,” ġiczi iġuc âzâcneme ine zġuc mujujec, “Aricne, zġuczia narezemec. Iġuc mi ecmuo ine no fâfâcnehec gowac ropemu.” ¹⁷ Ŋic jahe iġuc epiġe Wofunġi hehesic-jekic honeme ġemâcke-jâmbânġkewec. Ehame ġic jaġe Wofunġe tahare manapie wawahane ewec.

¹⁸ Samue e motec wârânġnezi taha bapare qoruc qaġqaġ erinehec jomaġâ Wofunġ kiġaġ qacnehuc juwec. ¹⁹ Ehame nengoc-ticnezi jara sâc taha ŋaġi faine bacnerâ ġowenehec taha banicġe fehuc rânec jujec. ²⁰ Eme Elizi Elikana â ġonân-ticne jambunġ-jofahuc zġuc mujujec: “Ŋokac ġo mârâc motecġe Wofunġ tahackementġe gorao naru motec zuhuckerâ fuanġepiej.” Iġuc jasame jahe hae-jekicko risie ġupirec.

²¹ Eme Wofunġi Hana ehâmocneme kiwechec erâ ġokâ jahec â moc â otâ jajahec iġuc rocġopawec. Ehame Samue e Wofunġe maio soka sananġ ewec.

²² Eli e ġuku ġicqizec jâmbânġ ehame ġokâ jahec-ticne jahe Israe ġic jaġerao wiac sasawa epic â tutumaġ qoruc boze motâcko kiġaġ ġie bajumbienġ ġokac i jaġehc ġupirec irec biġe manawec. ²³ Ehuc zġuc jasawec: “Ŋohe wemocġe mâsi kecigucne eekopirec? No ġic ġokac sasawa jaġeraonec eebapa-ġekic hehesicne irec biġe manakopac. ²⁴ Misac, ġokâ jahec-nane. Wofunġe ġicfâc jaġe biġe hehesicne i musawepie manaekopac.

²⁵ Ŋic moczi ġic moctao bahac bâfuaocmuo Anutuzi mufâsâeocmu â ġic moczi Wofunġtao bahac bâfuaocmuo ine mozi ere erâ numuocmu?” Erâ Wofunġ e jahe jofaocġe manasuweġe mamac-jekicġe dâġ moc mi manapic.

²⁶ Ehame Samue e soka sananġ eme Wofunġ â ġic jaġe hone aġac embiġ.

²⁷ Eme Anuture ġic moczi Elirao fisirâ zġuc âzâcnewec: “Wofunġ e zġuc mukac: ‘Israe ġic jaġe Aigita mârenġko Faraore rurumaġko juhapie apa

nosage fuacnepo. ²⁸ Ehuc no nahac Israe ñic guru sasawa jañeraonec taha bapa-nane erâ juhuc mai-naneo fuarâ taha bapa ñaqi rojuhuc alata-naneo bâzi rikerâ taha banarehuc juocte rowosâepo. Ehuc apa nosage e Israe ñic jañeraonec taha bâzi-nane i e jahac nâ bac eocte râcnepo. ²⁹ Eme go wemocte no nahac taha banarenigte mutâcne-jarepo taha bâzi-nane ira wâwânâñ ecnekomec? Ehuc Israe ñicfâc-nane jañere taha hone wosâc erâ nâ gapec ehuc arañ babanare i sirickerâ ñokâ jahecge arañ bajacteekic.' ³⁰ Irec Israere Wofuñ Anutu e ziguñ mutaniñkekac: 'Apagere garikiñ â go gahacne garikiñ jañe dameñ sâc kiñañ qanarenigte mupañkepo.' Erâ zi ine Wofuñzi ziguñ mutaniñkekac: 'No iñuc mocwâc mi epemu. No arañ banareengopieñ jañere manape fefene eocmu â arañ mi banareengopieñ jañere manape wawahane eocmu. ³¹ Manakic, dameñ moc mackeocmu ira gore tâpîrî â mamac jâmbângere tâpîrî i qâtâcnepemu. Eme gore garikiñko ñicrañqa moczi moc mi juocmu. ³² Eme no Israe wiac fofo dundun tahackepemu irec aaricguocmu. Â gore garikiñko ine ñicrañqa moczi moc mi jujâmbângkeocmu. ³³ Me no sifu ñic moc akickehuc alata-naneo kiñañ qaocte manacnepemuo ine zâñe-ticne mâteñkeme nânâ nâocte takickeocmu, â qâricfâc-ticne jañe fuarâ ñic ehuc hâmonigmu. ³⁴ Eme ñokâ jahecge Hofini â Pinehasi jaherao wiac fuaocmu izi gorao ma moc ezejec: Jahe mâmâc jaha zoañ mocjahao hâmonicmu. ³⁵ Ehame no nahac taha bapa micrereñhec moc âkendâñnepemu. Eme eki hâcne nore mañko â mamasuo dâñ fokac irec sâcko wiac ebac eocmu. Ehame no nahac garikiñfâc-ticne bâfuac-joparâ keteñ-jopahape e wokemañ ruacnekicne-nane ere maio juhuc juocmu sanañ. ³⁶ Ehame garikiñfâcge nâfocne juniñmu jañe siliwa me nânâre numucnenigte fisirâ ziguñ muniñmu: "Taha bapa jañere biri mocko zuhuc-nâpotec nânâ hungañne moc bâfuahuc junzepeneñ."'"

Wofuñzi Samue wiracnewec

3 Eme Samue motec e Elire mañfuñko juhuc Wofuñ kiñañ qacnewec. Erâ dameñ ira Wofuñte dâñ i riñkoa sawa fuame manakicne â mañbâwiñ wâc boc mi fuawec.

² Ehame Eli e dameñ ira zâñe-ticne mâteñkewecte sâcne mi fiwec. E fofo-ticnao sawa fowec. ³ Anuture lambezi mi hâpohame Samue e Wofuñte taha ufufuñko Anuture katapa ñewecko waha guñ fowec. ⁴ Fohame Wofuñzi Samue wiracnehuc muwec: "Samue, Samue." Eme Samuezi muwec, "No zi." ⁵ Iñuc murâ Elirao gasacke rarâ muwec: "Wira-naremec no hâcne zi." Mume Elizi muwec: "No mi wira-garepac, go risierâ mocwâc foc." Iñuc mume Samue e risierâ mocwâc fowec. ⁶ Fohame Wofuñzi mocwâc wiracnewec, "Samue." Wirame e faharerâ Elirao rarâ muwec, "Wira-naremec no hâcne zi." Mume Elizi muwec, "Motec-mae, no mi wirapac, go risierâ mocwâc foc." ⁷ Samue e ine Wofuñ biac mi mana tarawec â Wofuñte dâñzi wâc erao biac mi fua taniñkewec. ⁸ Eme Wofuñzi Samue wiracneme arec jahec â moc ewec. Eme fahare Elirao rarâ muwec, "Wira-naremec no hâcne zi." Wiwira iñuc fuame Elizi ziguñ mana tarawec: I Wofuñzi motec wiracnejec. ⁹ Irec Elizi Samue ziguñ âzâcnewec: "Rarâ foc. Ehame mocwâc wira-gareocmuo ine ziguñ muzemec: 'Wofuñ, dâñ mutec manape; kiñañ motecge no hazec râekopac!'" Iñuc mume Samue e rarâ fofo-ticnao waha fowec.

¹⁰ Eme Wofuŋ e fisirâ domahuc juwicnao wirawec iŋuc jaha wiracnehuc muwec: "Samue, Samue." Eme Samuezi muwec, "Go dâŋ mutec manape; kiŋaŋ motecge no hazec râekopac." ¹¹ Mume Wofuŋzi Samue ziŋuc âzâcnewec: "Damenŋ mi zoraha no Israe guruo wiac epe mananiŋmu sasawa jaŋere hazecko qaqazuocmu." ¹² Damenŋ i maickeme Eli â garikiŋfâc-ticne jaŋerao mâsi bazo mupo i fuŋkerâ baku batarapemu. ¹³ Eli e sâqocne irec biŋe i manawec hâcne, irec no garikiŋfâc-ticne mutara-jarehuc bâtiŋ-jopa sananŋkepemurâ zi hâcne mufuacnehucopac. E ŋokâ jahec-ticne jahe Anutu mana wahapire moc mi hecke-jactewec. ¹⁴ Irece no Eli garikiŋfâcne ziŋuc mupaŋke-jarepo: Eli garikiŋfâcne jaŋere sâqocne i bâzi me tahazi moc mi bâtâmire-jambânŋkeocmu."

¹⁵ Samue e fohame hae fureme Wofuŋte ficmotâc rowec. Erâ Samue e maŋbâwiŋ ecnewec i Eli âzâcneocne hâwickewec. ¹⁶ Eme Elizi Samue hefârerâ muwec, "Motec-nane, Samue." Eki muwec: "No zi." ¹⁷ Mume Elizi muwec, "Wofuŋ e wemo dâŋ gazajec? Go mi hesonŋke-narec. Dâŋ sasawa gazajec irecnec moc hesonŋkecmuo ine Anutuzi kinge râeme fozajec." ¹⁸ Irece Samue e wiac moc mi hesonŋkehuc mâmâc sasawa âzâcne-fârewec. Âzâcneme Elizi muwec, "E Wofuŋ, irec wiac i me i ezo murâ ezejec."

¹⁹ Wofuŋ e Samuehec juhame soka sanan ewec. Erâ dânticne dopeckeme moc mi wahawec. ²⁰ Ehame Israe guru sasawa, Daŋ mârenŋkonec raku Bere-Seba mârenŋko fisikac jaŋe Samuere ziŋuc manambiŋ: E Wofuŋte porofete moc erâ juocne dope hutuŋ ecnekicne. ²¹ Eme Wofuŋ e dânticnere sâcko Silo haeo Samue fuacne jujec.

Filisa ŋic jaŋe zâzâfic katapa jowac rombiŋ

4 Eme Samuere dâŋzi tâpirihec erâ Israe ŋic jaŋerao rafârewec.

Ehame Damenŋ ira Israe ŋic jaŋe Filisa ŋic jaŋehac zika qaniŋte rambiŋ. Ehuc Israe ŋic jaŋe Ebeneze haeo â Filisa ŋic jaŋe Afeke haeo iŋuc teuŋ âterâ fombiŋ. ² Fohapie Filisa ŋic jaŋe birickerâ Israe ŋic maic-jopapie qaqac embiŋ. Qaqac epie zikazi qârânŋkeme Filisa ŋic jaŋe Israe ŋic bawahac-joparâ ŋic 4 tausenŋ qâhâmoc-jopambiŋ. ³ Eme momori ŋic jaŋe teuŋko risiepie Israe sonan jaŋe mumbiŋ, "Wofuŋ e wemocne Filisa ŋic jaŋerao râec-nâpome bawahac-nâponŋopien? Nânâc Wofuŋte zâzâfic katapa Silo haeonec bawarepene Wofuŋzi ŋondenŋ-nânŋecko juhuc râsifâc-nânŋec jaŋere tâpirionec batarac-nâpozejec." ⁴ Iŋuc murâ ŋic sorec-jopapie Silo haeo rarâ Anutu Tâpiri Quŋqasaŋ Wofuŋ ere zâzâfic katapa bawa-rembiŋ. Wofuŋ e kerubim jaŋere faio ŋene juju ejujec. Eme Eli ŋokâ jahec-ticne Hofini â Pinehasi jahe Anutute zâzâfic katapahec mâmâc rapic.

⁵ Wofuŋte zâzâfic katapazi teuŋko fisime Israe ŋic jaŋe zengoma zeri ehuc anara sâko hepie mârenŋ heumanŋkehuc fowec. ⁶ Ehame Filisa ŋic jaŋe anara fânânŋ sâko i manarâ mumbiŋ, "Hebiraio ŋic jaŋere teuŋko anara sâko fuakac irec fugne weninuc?" Eme Wofuŋte katapazi teuŋko fisijec iŋuc manarâ ⁷ Filisa ŋic jaŋe hâwic-jopawec. Hâwic-jopame ziŋuc mumbiŋ: "Nemuŋ teuŋko fisijec, nânâc omaenŋgopenenŋ hâcne. Wiac iŋucne juwicnao moc mi fuawec. ⁸ Nânâc omae-jâmbânŋkengopenenŋ; nemu tâpirihec keci ere meonec mozi sâcne batarac-nâpoocmu? Nemu kecizi hâcne mârenŋ sawao Aigita ŋic joparâ âtenzanŋ-jopawec. ⁹ O Filisa ŋic, ŋone ŋic erâ hâbihec domaniŋ. Iŋuc mi eniŋmuo ine Hebiraio ŋic jaŋe ŋonŋere

kiŋaŋ qaengopienŋ iŋuc jaha ŋoŋe moc jaŋere kiŋaŋ qaniŋmu. Irec ŋoŋe ŋic erâ zika qanzepienŋ.”

¹⁰ Iŋuc murâ Filisa ŋic jaŋe zika qahuc Israe ŋic bawahac-jopapie wiserâ hae-jeŋic sâc rafârembiŋ. Eme boc bawahac-jopahuc Israe momori kikezi rarane 30 tausenŋ qâhâmoc-jopambiŋ. ¹¹ Erâ Anuture katapa jowac rohuc Eli ŋokâ jahec-ticne Hofini â Pinehasi hâmocne jofambiŋ.

¹² Ehame Benjaminŋte guruonec ŋic moc ŋaŋi qoruc-ticne suckekicne â qizec-ticne sohoŋ ruacnekicne e 30aŋ ijaha zikamaŋkonec wiserâ gasacke ra Silo hao fisiwec. ¹³ Fisihamo Eli e Anuture katapare maŋ kukumbuc ecneha Mizipa haere hatao hazec râehuc ŋeŋeo ŋewec. Ŋehame ŋic e fisirâ biŋedâŋ mume ŋic ŋokac sasawa kio wâuŋa embiŋ. ¹⁴ Eme Elizi ki fânâŋ sâko manarâ muwec, “Ki owa irec fuŋne weniuŋuc?” Eme ŋic e gasacke rarâ Eli wâc âzâcnawec. ¹⁵ Eme Eli e jara-ticne 98 bazume zâŋe-ticne mâteŋkewecte wiac mi zâŋitawec. ¹⁶ Eme ŋic e Eli ziŋuc âzâcnawec: “No hâcne zikaonec warekopac. No zikaonec wiserâ ware fisikopac.” Mume Elizi muwec, “Motec-nane, wiac weniuŋuc jaha fuajec?” ¹⁷ Wiome biŋedâŋ bafisiwec eki dâŋ ziŋuc bâtikiecnawec: “Israe ŋic jaŋe Filisa ŋic jaŋere erâ wisembienŋ. Eha râsi jaŋe ŋic bocjaha jopahuc ŋokâ jahecge Hofini â Pinehasi mâmâc jofapie hâmopirec. Ehame Anuture katapa i rombienŋ wâc.” ¹⁸ Anuture katapare biŋe muwec dameŋ ira Eli e ŋeŋeonec rândiŋkerâ haesac motâckopec râraŋe hurâ qawec. Ehuc ŋicraŋqa erâ ŋemâckewecte upene âke pirickerâ hâmowec. E Israe ŋic jaŋere mumutara ŋic juhame jara 40 tarawec.

¹⁹ Eme joŋao-ticne, Pinehasire ŋonâŋ hâcne, e kiwechec juwecte kogoc roro dameŋ-ticne qândâŋke-fârewec. E Anuture katapa rombiŋ â ŋowene â joŋao-ticne hâmopic irec biŋe manarâ gozi kime daperâ kogoc rowec. ²⁰ Eme hâmozo eha soŋaŋkembienŋ ŋokac i jaŋe ziŋuc âzâcnembienŋ: “Hâbige mi ŋeŋgoronŋeoc, go ŋokâ moc rokomec.” E ine dâŋjeŋic mu bâtikic mi ehuc mana takic ewec. ²¹ E ziŋuc muhuc kogocte zâŋe lkabodo muwec: “Anuture katapa rombiŋ irec â ŋowe joŋao jahec-nane jahere erâ eri qara-weŋzi Israe guruo râraŋnekac.” ²² Erâ mocwâc muwec, “Anuture katapa rokiŋere eri qarawenŋzi Israe guruo râraŋnekac.”

Wofunŋte zâzâfic katapazi Filisa mâreŋko juwec

5 Filisa ŋic jaŋe Anuture katapa rorâ Ebeneze haeonec Asidode hao reŋke rambiŋ. ² Erâ Anuture katapa barambiŋ i Dagoŋte ufuŋko baferâ Dagoŋ nemure qâŋ qâqâtâc domawec irec heririŋnao hepie ŋewec. ³ Ŋehame hae fureme Asidode hae rune jaŋe furic uupicte faharerâ honepie Dagoŋ nemure qâŋ qâqâtâc e Wofunŋte katapa ŋewec maŋfuŋnao rândiŋkerâ hetutuckerâ fowec. Eme jaŋe Dagoŋ nemure qâŋ qâqâtâc i rorâ ŋeŋe-ticnao mocwâc hepie ŋewec. ⁴ Izi hae mocwâc fureme furic uupicte faharerâ honepie Dagoŋ nemure qâŋ qâqâtâc e ombâŋne sawazi ŋeŋe-ticnao domawec â qizecne â mejahecne ine herickerâ Wofunŋte katapa ŋewec irec maŋfuŋnao mâreŋko fowec. ⁵ Irec hâcne dameŋ ziŋuczia Asidode hao taha bapa mecne â ŋic i me i Dagoŋ nemure ufuŋko feengopienŋzi Dagoŋte ŋeŋe bakicne i mi âte uaengopienŋ.

⁶ Eme Wofunŋ e meticnezi Asidode ŋic ŋokac bomac-jopahuc mume ironŋzi jopa bâzâic ejare-jâmbâŋkewec. Ehuc zuc ejareme Asidode hae â rârec

mâreŋ forawec i fusucma-fârembiŋ. ⁷Ehame Asidode hae rune jaŋe wiac fua rawec i honerâ zinguc mumbiŋ: "Anuture mezi nâŋe nâŋâcne â nemu-nâŋec Dagoŋ boc bomac-nâpokacte Israe ɣic jaŋere Anuture katapazi nâŋâcnao mi ɣezejec." ⁸Iɣuc murâ dâŋ râepie rame Filisa ɣic fekiecne sasawa jaŋe tumagne-fârepie zinguc jazambiŋ: "Nâŋâc Israe ɣic jaŋere Anuture katapa i weniɣuc enaŋmu?" Wiopie jaŋe dâŋ zinguc bâtikie-jarembiŋ: "Israe ɣic jaŋere Anuture katapa i Gati haeo barazo." Iɣuc murâ hae ira barambiŋ. ⁹Barapie Wofuŋ e hae i râsi boc ecnewec. Erâ hae irec ɣic ɣokac kâcɣene â piticne maŋ bâsifuc ejarerâ bâzâic-jopahuc mume ironzi sahaç-jenicko fua rawec. ¹⁰Irec jaŋe Anuture katapa i râepie Ekoron haeo ra fisime hae rune jaŋe honerâ hahagne bahuc mumbiŋ: "Jai, jaŋe Israe Anutu-jenickte katapa i nâŋe nâŋâcne â ɣicfâc-nâŋec nâŋe nâpoocte bawarengopieŋ." ¹¹Iɣuc murâ dâŋ râepie rame Filisa ɣic fekiecne sasawa jaŋe tumagnepie zinguc jazambiŋ: "Ŋoŋe Israe ɣic jaŋere Anuture katapa i nâŋe nâŋâcne â ɣicfâc-nâŋec nâŋe nâpozacte râepie hae mâreŋ-ticnao risieoc." Wofuŋ e hae irec ɣic bomac-jopahuc ima ɣie sâko bawec. ¹²Eme hae irec ɣic mi hâmombiŋ jaŋe ironzi jopame kio wâuŋa-jenickzi sawao fehuc fowec.

Filisa ɣic jaŋe Anuture zâzâfic katapa bârisiembîŋ

6 Wofuŋte katapazi Filisa ɣic jaŋere mâreŋko mosa 7 juwec. ²Eme Filisa ɣic jaŋe taha bapa â fanfangdâŋ mumu jaŋerao dâŋ zinguc râehuc mumbiŋ: "Nâŋâc Wofuŋte katapa i weniɣuc enaŋmu? Nâŋâc wemo wiachec râepene hae mâreŋ-ticnao risieocmu i nâzâniŋ." ³Mupie zinguc jazambiŋ: "Ŋoŋe Israe ɣic jaŋere Anuture katapa i bârisiehuc okacne kiŋte taha bacnenzepieŋ. Iɣuc epie ine ɣoŋerao bibiaŋ fuaocmu â Wofuŋte mezi wemocte ɣoŋerao mi râriekac irec fuŋne wâc mana-fâreniŋmu." ⁴Mupie jaŋe dâŋ zinguc bâtikie-jarembiŋ: "Kiŋte taha i wemo wiac bâtikiecnenaŋmu?" Iɣuc wiopie okacne zinguc jazambiŋ: "Filisa ɣic fekiecne zare-jenick sâc manahuc iron hawari golzi bakicne 5 â zuc hawari golzia bakicne 5 jaha râepie razejec. Wiac hâhâwicne izi hâcne ɣoŋe â fekiecnefâc-ɣenick rocɣopawec. ⁵Irec wiac fua-ɣarewec irec hawari jaha banzepieŋ, erâ mâreŋ zi imackembiŋ zuc i jaŋere hawari wâc banzepieŋ. Iɣuc erâ Israere Anutu e muac baafec ecnenzepieŋ. Iɣuc epie Anutuzi ɣaŋacne â nemufâc-ɣenick erâ mâreŋ-ɣenick sâcne ɣezic-ɣopaocmu mecne. ⁶Ŋoŋe wemocte Aigita ɣic â Farao maŋsanag embiŋ irec sâc eniŋmu? Anutu e mâsi ɣâreŋ fuŋne fuŋne ejarekume jaŋe Judaŋic râec-jopanie rambiŋ. ⁷Ajoc, keretac ɣâricne moc barâ susu bapa bulimakao jajahec sahaç furu kion mi râe-jactekicne jahe rocjofarâ keretac qeticke-jacteniŋ â motec jahec-jekic ine sapao bârisieç-jofaniŋ. ⁸Iɣuc erâ Wofuŋte katapa rorâ keretacko henzepieŋ. Erâ kiŋte taha wiac golzi bakicne Wofuŋ râcnezo engopieŋ i katapa piticne mocko râepie hume ɣifecnao hepie ɣezejec. Iɣuc efârerâ râepie hae mâreŋ-ticnao razejec. ⁹Erâ soŋaŋkehapie Bete-Semesi hae mâreŋ-ticnao raocmuo ine zinguc muzo: Anutuzi hâcne wiac hâhâwicne zi bâfua-nârekac. Â iɣuc mi fuaocmuo ine zinguc manazo: Anuture mezi mi nâpowec, wiac i mâc iɣuc fua-nârewec."

¹⁰Eme ɣic jaŋe iɣuc erâ susu bapa bulimakao jajahec i rocjofarâ keretac qeticke-jactembiŋ, â motecne jahe ine sapao râec-jofarâ motâc hejac-tembiŋ. ¹¹Ehuc Wofuŋte katapa â zuc hawari golzi bakicne i, erâ iron

hawari bakicne i mâmâc keretacko râembiŋ. ¹²Eme bulimakao jahe hata funkepic i mi qâsoriehuc dândâgne jaha Bete-Semesi haeopec owackehuc rapic. Eme Filisa ɲic fekiecne jahe bâjâpec-jofarâ raku Bete-Semesi haere mao fisimbiŋ. ¹³Eme Bete-Semesi haeonec jahe wânengko padi-jenig qa roro ehuc juhapie Wofunŋe katapazi fisime honerâ zeru embiŋ. ¹⁴Ehame keretaczi raku Bete-Semesi rune Josua ere gieu niniŋkerâ gewec, mâreŋ gonder ira ine qânâ sâko moc gewec. Eme jahe qânâ irec fainao jâczi keretac bakicne i hesuckerâ zoc izi bulimakao jajahec i hâcne Wofunŋ taha bâzi rikecnembiŋ. ¹⁵Ehame Lewiŋic jahe Wofunŋe katapa â golzi hawari wiac barâ guruckekicne katapa i rorâ qânâ sâko irec fainao hepie gewec. Eme zoaŋ ira Bete-Semesi hae rune jahe Wofunŋ taha bâzi rikecnembiŋ. ¹⁶Ehame Filisa ɲic fekiecne 5 jahe wiac i honerâ zoaŋ ijaha Ekoronŋ haeo risiembiŋ.

¹⁷Filisa ɲic jahe hae zɲuc jaŋere manasuhuc kinŋe taha Wofunŋ râcneniŋte golzi ironŋ hawari wâŋ wâŋ bambiŋ: Asidode, Gaza, Asikalonŋ, Gati â Ekoronŋ. ¹⁸Erâ wâc golzi zuc hawari bambiŋ i Filisa ɲic fekiecne 5 jahe ɲec juc embiŋ hae i jaŋere zare manasuhuc bambiŋ. Erâ hae gâcne sacsanaŋ-jenichec â hae piic piic gâcne sac tâmiric i jaŋere mâmâc bambiŋ hâcne. Eme Wofunŋe katapa bararâ fainao hembimbiŋ qânâ sâko i mumutaninŋ erâ Bete-Semesi rune Josua ere gieu ɲeweczi ɲekac jaha.

¹⁹Bete-Semesi haeonec Jekoniare qâricfâc jahe Wofunŋe katapao fipie huwecte Wofunzi ɲic 70 jopawec. Eme ɲic jahe Wofunzi guru-ɲenickonec ɲic bocjaha jopawecte ki busâqoc embiŋ. ²⁰Iguc erâ Bete-Semesi ɲic jahe mumbiŋ, "Anutu tirine zi ere maio mozi sâcne sanaŋkerâ domaocmu? Nâŋâc katapa zi weni jaŋerao sâcne râepene raocmu?" ²¹Iguc murâ Kiriati-Jearim haere ɲecjucfâc jaŋerao kinŋa sorec-jopahuc zɲuc mumbiŋ: "Filisa ɲic jahe Wofunŋe katapa bârisiembiŋ. Irece ɲone waha rorâ bahefâninŋ."

7 Iguc mupie Kiriati-Jearim hae rune jahe hurâ Wofunŋe katapa bafe Abinadare tikio gewec ira râembiŋ. Ehuc Abinadare ɲokâ Eleazazi Wofunŋe katapa i soŋaŋkeocce mufiriembimbiŋ. ²Wofunŋe katapa i Kiriati-Jearim haeo hepie damenŋ zoricea ɲehuc juwec. Eme jara 20 tarame Israe ɲic zengoma jaŋerao Wofunŋ bâbâjâpere qirinŋ piticne fuawec.

Samuezi Israe ɲic jaŋere mumutara ɲic juwec

³Eme Samuezi Israe guru zɲuc jazawec: "Ŋone maŋ hâcbuc jaha Wofunŋtao risiengopienŋko ine guru-ɲenickonec nemu jabane â Asitaroto nemure qâŋ qâqâtâc i behe-fârenzeŋpien. Iguc erâ maŋɲenig Wofunŋtao sawa râerâ e buc kinŋa qacnepie Filisa ɲic jaŋere meonec sâcne batara-c-ɲopaocmu." ⁴Iguc jazame Israe ɲic jahe Baali â Asitaroto nemu jahere qâŋ qâqâtâc wiac behe-fârerâ Wofunŋ sawa kinŋa qacnembiŋ.

⁵Eme Samuezi muwec, "Israe ɲic sasawa ɲone Mizipa haeo tumagne-fâreŋpie no ɲoneŋere erâ Wofunŋ numucneŋpemu." ⁶Iguc mume Israe ɲic jahe Mizipa haeo tumagne-fârembiŋ, ehuc opâ fiarâ Wofunŋe maio hesiembiŋ. Iguc erâ zoaŋ ira nânâ sowa juhuc sâqocne barâ Wofunŋ bunao bambiŋ i mufua-fârembiŋ. Eme Mizipa haeo hâcne Samuezi Israe ɲic jaŋerao mumutara gie bawec. ⁷Ehame Filisa ɲic jahe Israe ɲic Mizipa haeo tumagneŋembiŋ binŋe i manarâ Filisa ɲic fekiecne jahe râsi fisi-jarembiŋ. Eme

israe ñic jage biñe manarâ Filisa ñic jañere hâwic-jopawec. ⁸ Hâwic-jopame Samue zinguc âzâcnembiñ: "Go nâñere erâ Wofuñ Anutu-nâñec kiô wâwâsic eecne i mi behezemec. Iñuc etec e Filisa ñic jañere meonec batarac-nâpozejec." ⁹ Iñuc mupie Samuezi lama motecne susuonec moc rorâ hâcbuc jaha Wofuñ bâzi rikecnawec. Iñuc erâ Israe ñic jañere erâ Wofuñ kiô wâwâsic ecneme Wofuñzi nunumu-ticne manawec. ¹⁰ Samue e bâzi rikehuc juhame Filisa ñicjage Israe ñic jopanigte bembengko fisimbiñ. Eme Wofuñzi 3oañ ira dâñsâko eme quñ parandañ hehuc Filisa ñic mañ bâsifuc ejareme Israe ñic beheç-joparâ wisembiñ. ¹¹ Wisepie Israe ñic jage Mizipa haeonec faharerâ Filisa ñic jopa jâpec ejare raku Bete-Kara hae juwicnao fisimbiñ.

¹² Eme Samue e qânâ moc rorâ Mizipa â Jesana hae gonden-jekicko herâ zâgene Ebeneze muwec. I zinguc muhuc zâñe i muwec: "Wofuñzi mâreñ gonden zira hâcne gezic-nâpojec." ¹³ Eme Filisa ñic bawahac-jopambiñte Israe ñic jañere mâreñko mocwâc mi razimbiñ. Erâ wâc Samuere damengko Wofuñzi Filisa ñic bomac-jopawec. ¹⁴ Eme Filisa ñic jage Israe ñic jañere hae rombiñ, Ekorongkonec raku Gati haeo fisikac i Israe ñic jage mocwâc jowac rofârembiñ. Erâ hae i jañere mâreñ forawec i wâc iñuc jaha Filisa ñic jañeraonec mocwâc rombiñ. Ehame Israe ñic â Amori ñic jañerao wama fuarâ fowec.

¹⁵ Samue e mâreñko juju dameng-ticne fowec irec sâc Israe ñic jañere mumutara ñic juwec. ¹⁶ Ehuc jarane jarane Bete â Gilligali â Mizipa hae râreckerâ Israe ñic jañerao mumutara gie bahuc juwec. ¹⁷ Iñuc erâ Rama hae-ticnao mocwâc risie jujec. Ehuc ira wâc Israe ñic jañerao mumutara gie bajujec. Erâ ira Wofuñte alata moc bawec.

Israe ñic jage ñicwofuñte numumbiñ

8 Samue e ñicqizec jâmbân ehuc ñokâ jahecne ejacteme jahe Israe ñic jañerao mumutara gie bapic. ² Samue mârâc ñokâ-ticnere zâñe Joele, â ere faicnao fuawec ere zâñe ine Abia. Jahe Bere-Seba haeo mumutara gie bahuc jupic. ³ Eme ñokâ jahec-ticne jahe mamac-jekicte kike hata sâcne mi bâjânehuc monengte ejacteha ñic jañeraonec bâbâmiriñ monen rohuc jupic, ehuc gie bâsifuckepic.

⁴ Iñuc epire Israe sonañ jage roroc efârerâ Samuerao Rama haeo fisimbiñ. ⁵ Ehuc zinguc âzâcnembiñ: "Manakic, go ñicqizec ekomec, ehame ñokâ jahecge jahe gore kike hata sâcne mi bâjânepekopirec. Irec nâñe ñicguru gâcne ñicwofuñhec junggopien irec sâc jaha ñicwofuñ moc âkendâgne-nâretec sonañ-nâpoña junante mungopeneg." ⁶ Eme Samue e ñicwofuñzi sonañ-jopame juniñte mumbiñ irec maname mi sâckeme Wofuñ numucnewec. ⁷ Numucneme Wofuñzi Samue zinguc âzâcnawec: "Ñic jage wiac sasawa munggopien i mana-jarezemec. Jage go mi surecngunggopien, jage noni Wofuñ ejarekopacte no surecngunggopien hâcne. ⁸ Jage Aigita mâreñ-konec jowac-jopa wefuhape wiac enarembiñzi enare warehuc junggopien jaha. Jage no râpecnuhuc nemu gâcne kiñañ qajarembiñ. Ehuc jage no enarembiñ sâc ijaha go egarenggopien wâc. ⁹ Irec go dâñjeriñ manac. Mocjaha, undân jaza-jâmbânkerâ ñicwofuñzi weniguc juhuc sonañ-jopaocmu i mutâcne-jare-fârezemec."

¹⁰ Iñuc âzâcneñe Samuezi ñic ñokac ñicwofuñte numucnembiñ jage

Wofun̄te dân sasawa jaza-fârewec. ¹¹ Ehuc muwec, "Ŋicwofun̄ e hata zīguc âtehuc soṅaṅ-ṅopaocmu: E ṅokâfâc-ṅejic rocjoparâ keretacfâc-ticne soṅaṅkeniṅte â becâsicko ṅehuc keretacfâc-ticne bânie-jareniṅte âkendân-jopaocmu. ¹² Erâ momori guru 1 tausen̄ jaṅere micne â 50 jaṅere micne iṅuc âkendân-jopaocmu. Erâ gâcne mâreṅ qanzagnehuc ukic he sarac erâ fârīne qa roro eniṅte râec-jopaocmu â gâcne jaṅe ine zikare wiac â keretacte wiac baniṅte râec-jopaocmu. ¹³ Erâ wâc otâfâc-ṅejic iṅuc jaha rocjoparâ wiac âsu biaṅ bâbâmocke â zegoc bapa â poroṅ bapa râec-jopaocmu. ¹⁴ Erâ giegaṅ-ṅejic biagne jâmbân â waṅ gie â oliwa jufu-ṅejic i ṅowac rorâ kiṅaṅ qaqaṅfâc-ticne jareocmu. ¹⁵ Erâ wiac hândâgne irecnec 10-konec wân i ṅowac rorâ fekicne â kiṅaṅ qaqaṅfâc-ticne jareocmu. ¹⁶ E kiṅaṅ qaqaṅfâc-ṅejic ṅic â ṅokac, erâ bulimakao â donggîfâc-ṅejic biagne i ṅowac rorâ gie-ticnao râec-jopaocmu. ¹⁷ Erâ lama â noniṅfâc-ṅejic i 10-konec wân jaha ṅowac rome ṅoṅe kiṅaṅ qaqaṅfâc-ticne erâ juniṅmu. ¹⁸ Damer̄ i maickeocmu ira ṅoṅe ṅaṅac ṅicwofun̄ rowosâembiṅ ere takic-ṅopame Wofun̄ kio wâwâsic ecneniṅmu, ehame Wofun̄zi ine dânṅejic mi manaocmu."

¹⁹ Iṅuc jazame ṅic ṅokac jaṅe Samuere dân̄te takic-jopame zīguc mumbiṅ: "Aricne, nâṅe ṅicwofun̄ mocte rurumaṅko junan̄te enârekac. ²⁰ Ehuc ṅicguru gâcne jaṅere sâc erâ juhapene ṅicwofun̄zi soṅaṅ-nâpohuc bânie-nârêrâ zika giere guriṅ banârezejec." ²¹ Eme Samue e ṅic ṅokac jaṅeraonec dân̄ manawec irec sâc jâmbân Wofun̄ âzâcne-fârewec. ²² Âzâcne-fâreme Wofun̄zi Samue dân̄ kecziṅuc bâtikiecnewec: "Go dân̄ṅejic manarâ ṅicwofun̄ moc âkendân̄ne-jarec." Iṅuc âzâcneme Samue e Israe ṅic ṅokac râec-jopame hae-jejic sâc rafârembiṅ.

Anutuzi Saulo ṅicwofun̄ rowosâewec

9 Benjamiṅ guruo ṅic moc juwec zâṅene Kisi. E Abielere ṅokâ â ṅosa-ticne zâṅene Zeroro, â apa-ticnere zâṅe Bekorata â apa ṅiric guruc-ticnere zâṅe ine Afia. Kisi e ṅic mafa sâkohec juwec. ² Eme ere ṅokâ sahac hawari biaṅ moc juwec zâṅene Saulo. Israe guruo e iṅucne moc mi juwec. E ṅic gâcne sasawa jowaru-fârêrâ ṅic zoricne juwec.

³ Eme Saulo mamac-ticne Kisi ere dongi jaṅe sifuckembiṅ. Irec Kisizi ṅokâ-ticne Saulo zīguc âzâcnewec: "Go faharerâ kiṅaṅṅic moc jowatec rarâ dongi basac-jopan̄ic." ⁴ Iṅuc âzâcneme jahe faharerâ Eferaim tiki mâreṅ â Silisa mâreṅ i fotâcne-fârehuc basac-jopa-fârepic, ehuc moc mi bâfuac-jopapic. Erâ Salim mâreṅ fotâcne-fârehuc basac-jopapire arictac jaha ewec. Eme irecnec Benjamiṅ mâreṅ fotâcnehuc basac-jopa-fârepic wâc.

⁵ Eme Zufu mâreṅko fisirâ Saulozi kiṅaṅṅic-ticne māmâc jupic e zīguc âzâcnewec: "Waretec risienac. Mamac-nane e dongi jaṅere mana mezac ekaczi nâhâcnere erâ maṅ kukumbuc ezackohec." ⁶ Mume kiṅaṅṅiczi zīguc âzâcnewec: "Manakic, hae zira Anuture ṅic moc jukac. E ṅic jaṅe araṅ bacneṅgopieṅ. E dân̄ sasawa muekac i fârīnehec efâreekac. Irec nâhâc erao ranac. Eme eki hata jukoperec zirec fârīne sâcne nâsâocmu mecne." ⁷ Iṅuc mume Saulozi kiṅaṅṅic-ticne zīguc âzâcnewec: "Nâhâc ira ranacmuo ṅic e wemo wiac râcnenacmu? Henâhecko poroṅ fowec i omae-fârewec. Eme Anuture ṅic e taha wemo râcnenacmu? Zi wiac moc mi bajukoperec."

⁸ Iṅuc mume kiṅaṅṅiczi Saulo dân̄ zīguc bâtikiecnewec: "No siliwa dâkâne moc bajukopac zi. Irec wiac weniguc jaha enacte nâsâocmu ine Anuture

ɲic e i rācnepemu.” ⁹ Mârâc jaha Israe guruo ɲic moczi Anutu mu wioc êcneocte rahuc zɲɲuc mujujec: “Warepie findaɲɲân mumu ɲictao ranaɲ.” Â damaɲ zɲɲuczia porofete mujareengopieɲ jaɲe mârâc jaha ine findaɲɲân mumu ɲic mujare jumbieɲ. ¹⁰ Eme Saulozi kiɲaɲɲic-ticne zɲɲuc âzâcnewec: “Sâcne mukic, murâ waretec ranaɲ.” Iɲuc mume Anuture ɲic juwec hae ira rapic.

¹¹ Jahe haeo fisinict e heaɲko fehapiɲe ɲokac naru jaɲe opâ fianiɲte haeonec wahapie bâfuac-jopaɲâ zɲɲuc wio-jarepic: “Honeniɲ, findaɲɲân mumu ɲic e zira jukac me?” ¹² Iɲuc wiopieɲ ɲokac jaɲe dâɲ zɲɲuc bâtikie-jactembieɲ: “Ooc, e kecocni mac rakac, biac gasackenic. E ɲic ɲokac jaɲe furu mâreɲko taha bâzi wiac bâmockengopieɲte miɲecɲac hâcne hae zira fisiɲec. ¹³ E nânâ nâocte furu mâreɲko biac fezacte ɲohe haeo razirâ izia bâfuanic. ɲic ɲokac jaɲe Samuezi hâcne taha wiac jambuɲkeme nâniɲte ere woɲec ɲengopieɲ. Eki jambuɲkeme jaha ine hefârec-jopakicne jaɲe nâniɲmu. Irec biac rarâ bâfuanic.” ¹⁴ Eme jahe haeo fepic. Ferâ Samue e furu mâreɲko feocte jaheraopec warehame bâfuapic.

¹⁵ Eme Saulozi fisiwec zoaɲ irec juwicnao Wofuɲzi Samue fuacnerâ zɲɲuc âzâcnewec: ¹⁶ “No tomâcko damaɲ zɲɲucne Benjamiɲ mâreɲkonec ɲic moc gorao sorepe wareocmu. Eme goki Israe ɲicfâc-nane jaɲere micne bapa erâ juocte wokemaɲ ruacnezemec. Eme eki hâcne ɲicfâc-nane micne bajarehuc Filisa ɲic jaɲere meonec batarac-jopaocmu. ɲicfâc-nane jaɲe fific gugur-riɲko hâcne juhuc kio wâwâsic enarepie manakopac.” ¹⁷ Eme Samuezi Saulo bâfuame Wofuɲzi zɲɲuc âzâcnewec: “No ɲic ere hâcne gazapac. ɲic eki hâcne ɲicfâc-nane soɲaɲ-jopaocmu.” ¹⁸ Eme Saulozi haere sacmotâcko Samuere maɲfuɲko fisirâ zɲɲuc âzâcnewec: “Findaɲɲân mumu ɲic ere fic wena ɲekac i nowatuc.” ¹⁹ Mume Samuezi Saulo dâɲ zɲɲuc bâtikiecnahuc muwec: “Findaɲɲân mumu ɲic no zi hâcne.” Iɲuc murâ muwec, “ɲohe miɲecɲac nohec māmâc nânâ nânicmu irec furu mâreɲko bânierâ hefânic. Eme dâɲ bajukomec sâc irec okacne tomâcko gaza-fârerâ râec-ɲofape ranicmu. ²⁰ Zoaɲ gie bapa jahec â moc juwicnao dongi sifuckembieɲ i biac bâfuac-jopambieɲ, irec go manabâc boc mi ezemec. Israe ɲic jaɲerao wiac furi sâko forakac i go â mamacgere garikiɲfâc ɲoɲere biɲe eocmu hâcne.” ²¹ Mume Saulozi dâɲ zɲɲuc bâtikiecnahuc: “No Benjamiɲ ɲic, Israe kikefuɲ guru waha qaɲane moc irecnec hâcne. Erâ garikiɲfâc-nane jaɲe Benjamiɲ guruo ɲic wawahane jâmbâɲ juɲgopieɲ. Irec go wemocte dâɲ iɲucne nazakomec?”

²² Eme Samue e Saulo â kiɲaɲɲic-ticne rocɲofame ufuɲko ferâ ɲic 30 heririɲ hefârec-jopakicne nembieɲ ɲege irec micnao râec-jofame ɲepic.

²³ Eham e Samuezi zegocɲic zɲɲuc âzâcnewec: “Qowi garehuc râetec ɲeocte gazapac i bawarec.” ²⁴ Iɲuc âzâcneme zegocɲic e qowi ɲefacne i rorâ Saulore maɲfuɲko hewec. Iɲuc eme Samuezi muwec, “Qowi dâkâne zi gore biɲe râekicne. Tiwâ bâzi zirec mānasuhuc ɲic hefârec-jopapo damaɲ ira qowi zi gore biɲe râekicne hâcne, irec nâc.”

²⁵ Mume Saulo e zoaɲ ira Samuehec māmâc nânâ nâpic. Eme jaɲe furu mâreɲkonec haeo waharâ Samuezi Saulohec ficbupuo dâɲ dâɲ epieɲ taram e Saulo e ijaha fofa bacnembieɲko fowec. ²⁶ Hae fure pârackeme Saulo e ficbupuo guɲ jaha fohame Samuezi Saulo wiwickehuc muwec, “Faharec, eme râecɲupe rac.” Iɲuc mume Saulo e fahareme Samuehec māmâc hatao hurâ rapic.

²⁷ Raku hae mendângko fisirâ Samuezi Saulo zîruc âzâcnewec: "Kîng-
 ñicge ecnetec bânieoc." Mume îruc ewec. Eme Samuezi muwec, "Go
 piticne domatec Anuture dâg mufua-garepemu."

Samuezi Saulo wokemañ ruacnewec

10 Eme Samuezi wokemañ zopo rorâ Saulo qizec-tichao hoñkwec.
 Erâ muduckehuc muwec, "Wofunzi Israe ñicfâc-ticne micne bajarec-
 murâ wokemañ rua-garekac. Eme go Wofunze ñicfâc micne bajarehuc
 râsifâc-jenîc rârec rârec jurangopien jâgere meonec batarac-jopacmurâ
 wokemañ rua-garekac irec ma zîruc fua-gareocmu: ²Go miñecgac no



Samuezi Saulo wokemañ ruacnewec

behecnurâ rahuc Benjamiņ märeņko märeņ dâkâne moc zâņene Zeleza, Rahere zâņeruņ fokacko ira ģic jajahec bâfuac-jofatec zīguc gazanicmu: 'Dongi basac-jopa rameņ i bâfuac-jopakicne. Eme mamacge e dongi jaņere manabâc eweczi beherâ zi gore maņ kukumbuc ecneme zīguc mukac: "No motec-nanere wenīguc epemu?"' ³ Eme go irecnec ipec rarâ Taborore borinjâc fuņnao fisicmu. Eme ira ģic jahec â moc jaņe Anutu mai ecnezore Bete hao fenigte warehuc bâfuacguniņmu. Moc e lama motecne jahec â moc baocmu â moc e poroņ jahec â moc baocmu â moczi ine waļiņ zopo kâcqene moc baocmu. ⁴ Eme jaņe 'zoaņ bian' mugarehuc poroņ jajahec garepie sâcne rozemec. ⁵ Eme Anuture tiki, Filisa märeņ soņaņzi ģec juc eekac ira fisirâ porofete guru jaņe furu märeņkonec gita, wongâņ, mimi ģokac â kâriņqarģhec wahahuc findaņdâņ muhapie bâfuac-jopacmu. ⁶ Eme Wofuņte Mârozi basanangume jaņehc findaņdâņ muhuc ģic sâc moc jâmbâņ ecmu. ⁷ Ma i sasawa fua-gare-fâreocmu dameņ ira wiac i me i eene fuame ezemec. Anutu e gohec juocmu hâcne. ⁸ Eme go bânierâ Giligali hao hufâhaņtec no qowi bâzi â wama bâzi rikezore ijaha gorao hufâpemu. Go zoaņ ģie bapa 7 woņec juhaņtec noni fisirâ wiac wenīguc jaha ecmurâ gaza gowatuc ezepac."

⁹ Eme Saulo e Samue râpeckerâ razo ehame Anutuzi maņ mamanasu moc tahackewec. Ehame erao ma wiac ģâcne fua raocte mukicne i zoaņ ira fuacne-fârewec. ¹⁰ Eme jahe raku Gibeā hao fisihipire porofete guru jaņe ware bâfuac-jofambiņ. Bâfuac-jofapie Anuture Mârozi Saulo basanangkeme jaņerao zuhuckerâ findaņdâņ muwec. ¹¹ Eme juwicnao Saulo hone manac ecnembiņ ģic i jaņe Saulozi porofete jaņerao zuhuckerâ findaņdâņ muwec i honerâ nazaņ gazaņ erâ mumbiņ, "Kisi ģokâ-ticne wemo wiac mo fuacnewec? Saulo e porofete jaņerao zuhuckewec me?" ¹² Eme hae irec ģic moczi dâņ zīguc wiohuc bâtikie-jarewec: "Eme ģâcne jaņere mamac, e mo?" Irec qâqindaņ zīguc muhuc jumbiņ: "Saulo e porofete jaņerao zuhuckewec me?" ¹³ Eme Saulo e findaņdâņ mume tarame furu märeņko fewec.

¹⁴ Ehame mamac piic-ticnezi Saulo â kiņaņģic-ticne zīguc wio-jactewec: "Ķohe wena rapic?" Wiome Saulozi dâņ zīguc bâtikiecnewec: "Nâhe dongi basac-jopanacte rapeç. Eme basac-jopa-bipierâ Samuerao rapeç." ¹⁵ Iņuc mume mamac plic-ticnezi muwec, "Samuezi wenīguc gazajec i nazac." ¹⁶ Mume Saulozi mamac piic-ticne zīguc âzâcnewec: "E dongi bâfuac-jopakicne i fâretiņ jaha nâsâjec." Â Saulo e jahacne ģicwofuņ erâ juocte Samuezi muwec i ine hesoņkecnewec.

¹⁷ Eme Samue e Israe ģic hefârec-jopame Wofuņtao Mizipa hao tumagnembiņ. ¹⁸ Tumagnepie zīguc jazawec: "Israere Wofuņ Anutu e zīguc mukac: 'No hâcne Aigita ģic jaņere meonec batarac-ģopahuc Aigita märeņkonec jowac-ģopa wefupo. Erâ ģicwofuņ gurune gurune jaņe fific bacģopahapie sifu jaņere meonec wâc batarac-ģopapo. ¹⁹ Eme zi ine fific guguriņ â zâic busâqoc maņko juhapie bafic-ģopaekopac Anutu-ģeņic no hâcne behecnungopiņ. Ehuc zīguc mungopiņ: "Aricne, ģicwofuņ moc âkendâņne-nârezo." Irec ģoņe guru-ģeņic sâc Wofuņte maio birickeniņ.' "

²⁰ Eme Samue e Israe guru sasawa ejareme maņfuņnao tumagne-fârepie qâsâi qame Benjamiņte guru âke fuawec. ²¹ Eme Benjamiņ guru jaņe ģarikiņ-ģeņic sâc hefârec-joparâ qâsâi qame Matirire ģarikiņ âke fuawec. Eme Matirire ģarikiņ jaņe ģic buc buc hefârec-joparâ qâsâi qame Kisi

gokâ-ticne Saulo âke fuawec. Erâ e ira mi juwecte basa-bipiembij. ²²Irec jaje mocwâc Wofun mu wioc ecnehuc zinguc mumbij: "Ŋic e mocwâc risie wareocmu me?" Wiopie Wofunzi muwec, "E mafa guruo songkejec irec ira honenij." ²³Iguc mume jaje gasacke rarâ jowa warembij. Jowa warepie guru-jenicko domame ģic sasawa jaje ere qaweo sawa qafârembij, â eki ine jowaru-fârewec. ²⁴Eme Samuezi ģic ģokac zinguc jazawec: "Ŋonge Wofunzi ģic rowosâewec e honenij. Guru-jenicko ģic moc e igucne moc mi jujâmbâgkekac." Iguc jazame ģic ģokac jaje micne mic sâc musereckehuc mumbij, "Ŋicwofun e jurazihuc juzejec."

²⁵Eme Samue e ģicwofunzi ģie weniguc jaha baocmu i ģic ģokac mutâcne-jarewec. Eme dâģ i sasawa papiao qârenke-fârerâ Wofunte manfunko râeme fowec. Iguc erâ ģic râec-jopame hae-jenig sâc râwiġnembij. ²⁶Râwiġnepie Saulo e iguc jaha Gibeia hae-ticnao rawec. Rahame Anutuzi manjenig bâuntowec momori i jaje e bâjâpembij. ²⁷Ehame ģic kosane gâcne jaje zinguc mumbij: "Weniguc, ģic kecinucnezi sâcne ģezic-nâpoocmu me?" Iguc murâ qaisockehuc taha wioc moc mi râcnembij. Eme Saulo e irec dâģ moc m muhuc mâc juwec.

Saulozi Amogġic bawahac-jopawec

11 Eme Amog ģicwofun Nahasi e rarâ Jabesi-Gileade hae somâckewec. Iguc eme Jabesi haeonec jaje ģicwofun Nahasi zinguc âzâcnembij: "Nâġâc zâzâfic-nâġec moc bâfuapene fome kinġ qagarehuc junzepeneġ." ²Iguc mupie Amog ģicwofun Nahasi e zinguc jazawec: "Wiac zinguc ehuc ine ģonehec zâzâfic epemu: Zâġe-ġenig fâreopoc i ripo-fârezepac. Iguc ehuc Israe guru mimi bâfuacnezepac." ³Iguc mume Jabesi haere micne jaje dâģ zinguc bâtikiecnembij: "Go zoaġ ģie bapa 7 mana-nâretec dâģ râepene Israe mâreġ sâckerâ razejec. Eme ģic moczi mi ģezic-nâpoocmuo ine gore meo fefârenzepeneġ." ⁴Eme dâģ barambij ģic i jaje juku Saulore hae Gibeia ira fisirâ biġedâġ i mupie ģic ģokac jaje manarâ mâretec kiombij.

⁵Eme Saulo e ģieonec bulimakao ģicne jaġere râepunġko warehuc kifânâġ manarâ muwec, "Ŋic ģokac jaje wemo wiacz i weniguc ejareme kionġopienġ?" Iguc wiome jaje Jabesi haeonec jaġere biġedâġ i âzâcnembij. ⁶Âzâcnepie Anuture Mârozi basanaġkeme mâretec aaricke sâqorewec. ⁷Aarickeme bulimakao jajahec jofarâ hezume feme dâkâne dâkâne Israe mâreġ sâckerâ baranigte biġedâġ mumu ģic jaġere meo râehuc zinguc muwec: "Moc e Samuehec nâhe mi bâjâpec-nâfome ere bulimakaofâc jaje ijaha ejarezo." Eme Wofunte hâhâwiczi ģic ģokac jaġerao fusucmame quruġ herâ fahare-fârembij. ⁸Eme Bezeki haeo biric-jopame Israe ģic jaġere zare 300 tausen â Judanig jaje ine 30 tausen ģuc fuawec. ⁹Eme biġedâġ barâ fisimbij jaje zinguc jazambij: "Ŋonge Jabesi-Gileade haeonec zinguc jazanġepien: 'Tomâcko zoaġ zâzâġin ehame ģoġerao aakic fuaocmu.'" Eme biġedâġ mumu ģic jaje risierâ biġedâġ biġazapie Jabesi haeonec jaje manarâ bujenig biġekewec. ¹⁰Eme Jabesi haeonec jaje ģicwofun Nahasi zinguc âzâcnembij: "Nâġe tomâcko ģoġere meo fefârehapene ģoġe manangopien sâc enârenzepien." ¹¹Eme hae fureme Saulo e ģicfâc-ticne bâfuac-jopame guru jahec â moc embij. Guru jahec â moc epie rocjopame zoqachec jaha ġafe furec hehec-jekicko râsi jaġere teunġo fisirâ Amogġic hetâc qâtâc-jopakupie zoaġ zâzâġin ewec. Eme jumbij jaje siġ siperec qahuc wise-fârembij.

¹²Iguc fuame ñic ñokac jaŋe Samue zĩguc âzâcnembiŋ: "Weni jaŋe zĩguc mumbiŋ: 'Saulozi ñicwofuŋ sâcne junâreocmu me?' Ñic i jaŋe jowac-jopa warepie qâhâmoc-jopanaŋ." ¹³Iguc mupie Saulozi zĩguc jazawec: "Wofuŋzi miŋecgac Israe guruo aakic bâfuajecte zoaŋ zira ñic moc mi qâhâmozo." ¹⁴Iguc mume Samuezi ñic ñokac zĩguc jazawec: "Nâŋâc Giligali hao rârâ ira ñicwofuŋ-nâŋecte dâŋ mocwâc muhâmonzepeneŋ." ¹⁵Iguc mume ñic ñokac jaŋe zengoma Giligali hao rârâ ira Wofuŋte maio Saulozi ñicwofuŋ juhareocte âkendâgnembiŋ. Ehuc wama bâzi rikembiŋ. Iguc ehuc Saulo â Israe ñic jaŋe mâretéc zeri embiŋ.

Samuezi ñic ñokac dâŋ jazawec

12 Eme Samuezi Israe ñic sasawa zĩguc jazawec: "Manangopieŋ, no dâŋŋeŋic sasawa nazambiŋ i manarâ ñicwofuŋ moc âkendâŋne-ŋarepo. ²Eme zi ñicwofuŋ e ñoŋere micne bapa jukac hâcne. No ine ñicqizec â jaŋqâŋ-nanehec, â ñokâ jahec-nane jahe ñoŋehec mâmâc juŋgopieŋ. Erâ no motec-naneonecteaŋ ñoŋere micne juwarehuc jupozĩ jukopac. ³No zi hâcne domakopac. Irec nore dâŋ i me i moc bajũgopieŋko ine Wofuŋ â wokemaŋ ruac-ticne jahere maio mutaniŋkeniŋ. No ñic mocte bulimakao me dongi wiac moc ropo? Me ñic moc râsi ecnehuc ro waha âte moc ecnepo? Me wiac hehesicne ehuc tiŋtũgne epemurâ bâbâmiriŋ moneŋ narepie mocte meonec moc ropo me? Ñoŋe i mutaniŋke-nare-fârepie no mocwâc bârisie-ŋarepemu." ⁴Iguc mume jaŋe dâŋ zĩguc bâtikiecnembiŋ: "Go ñic i me i moc ro waha âte ecnehuc wiac kosa eecne me meticnaonec wiac jâjâoc ro i moc mi emeŋ." ⁵Jaŋe iguc mupie Samuezi zĩguc jazawec: "Ñoŋe zoaŋ zira Wofuŋ â wokemaŋ ruac-ticne jahere maio noraonec wiac moc mi bâfuangopieŋ irec jahe hâcne mumutaniŋ-nâŋec ekopirec." Eme jaŋe mumbiŋ, "Jahe hâcne mumutaniŋ ñic jahec-nâŋec."

⁶Mupie Samuezi ñic ñokac zĩguc jazawec: "Wofuŋ e Mose â Aroŋ âkendâŋ-jofarâ ejacteme apa ñosafâc-ŋeŋic micne bajarehapire Aigita mâreŋkonec wefumbiŋ. ⁷Irec fisi-fârepie Wofuŋzi ñoŋe â apa ñosafâc-ŋeŋic ñoŋerao eebapa biaŋ bâfua-ŋare wareekac irec muc manac enzepeneŋ. ⁸Jakobo â qâricfâc-ticne jaŋe Aigita mâreŋko fisimbiŋ, erâ ira juwefuhapie Aigita ñic jaŋe fific guguriŋ ejarepie apa ñosafâc-ŋeŋic jaŋe Wofuŋ kio wâwâsic ecnembiŋ. Ehame Wofuŋzi Mose â Aroŋ ejacteme jahe apa ñosafâc-ŋeŋic Aigita mâreŋkonec jowac-jopa wefupic. Erâ ejarepire mâreŋ zira hâcne fisirâ jumbiŋ. ⁹Eme jaŋe sifu Wofuŋ Anutu-ŋeŋicte niŋec-jopawec. Jaŋe Wofuŋte niŋec-jopame Wofuŋzi Hazoro ñicwofuŋ Jabiŋte momori guru irec micne bapa, zâŋene Sisera, ere meo râec-jopawec. Erâ wâc Filisa ñic jaŋere meo â Moabi ñicwofuŋte meo wâc râec-jopame jaŋehec zika gie bambiŋ. ¹⁰Jaŋe iguc ehuc Wofuŋ kio wâwâsic ecnehuc zĩguc mumbiŋ: 'Nâŋe Wofuŋ go râpecguhuc Baali â Asitaroto nemu kiŋaŋ qajarehuc sâqocne bamben, irec go sifu kisâfâc-nâŋec jaŋere meonec batarac-nâpotec kiŋaŋ qagarenzepeneŋ.' ¹¹Iguc mupie Wofuŋzi Jeru-Baali, Baraki, Jefita â Simsoŋ sorec-jopame jaŋe kisâfâc-ŋeŋic ñifec â ñifec jumbiŋ jaŋere meonec batarac-ŋopapie ñoŋe wamao juhâmombiŋ. ¹²Ehame Amon ñicwofuŋ Nahasizi ñoŋe râsi fisi-ŋareme honerâ Wofuŋ e Fekicne juŋare-bipieha zĩguc nazambiŋ: 'Aricne, sifu ñicwofuŋ moczi soŋaŋ-nâpozejec.' ¹³Eme ñicwofuŋ rowosâehuc numu-narembiŋ e hâcne zi

honenij. Wofunji e hâcne njcwofun-njenic juocte âkendâgne-njarewec. ¹⁴ Eme nje Wofun araj bacnehuc dânticne manarâ e sawa kija qacnehuc sâcmutâc dânticnere manrângen mi bâfuanijmuo, erâ nje â njcwofun soŋaj-njopaekac e mâmâc Wofun Anutu-njenic bâjâpehuc junijmuo ine sâckeocmu. ¹⁵ Me nje Wofun dânticne mi manahuc sâcmutâc dânticnere manrângen bâfuanijmuo ine Wofunje mezi nje â njcwofun-njenic njerao okac babazu gie baocmu. ¹⁶ Irec nje ninikerâ domahuc Wofunji mâsi hâhâwicne zâne fai-njenicko bâfuaocmu i honenzepien. ¹⁷ Damerj 3i padi qa roro damerj. Eme no Wofuntao mupe quj parandaj â hoe ejareme fisipie nje njanac njcwofun moc junareocte muhuc Wofunje zâne faio wiac hehesicne sâko bâfuambij i hone mana tarac enzepien.” ¹⁸ Samue e ijuc murâ Wofun wâsickeme Wofunji zoaj ira quj parandaj â hoe ejareme fisimbij. Ijuc fuame nj gokac jaje Wofun â Samue jahere araj mâretoc bambij.

¹⁹ Ehuc nj gokac jaje Samue zijuc âzâcnembij: “Kijanjicfâcge nâne hâmonzipenge nâgere erâ Wofun Anutuge numucnec. Nâne kijnâneg sasawa ira zuhuckerâ njcwofun moc junâreocte muhuc hehesic bâfuamberj hâcne.” ²⁰ Ijuc mupie Samuezi nj gokac zijuc jazawec: “Mi hâwic-njopaoc. Nje kij sasawa bâfuambij, erâ sifu Wofun mi râpeckehuc man hâcbuc jaha kija qacnenzepien. ²¹ Nje wiac omane jaje sâcne mi bafic-njopahuc nezic-njopanijmuo ijucne jajerao mi sinkenzepien. Wiac i jaje hâcne racne. ²² Wofun e zâne bige sâko-ticnere erâ maname sâckeme e jahacne njciguru-fâc moc bâfuac-njopawecte sâcne mi behec-njopa sanajkeocmu. ²³ No njgere erâ nunumu gie bapa i mocwâc zuhuckerâ mi bapemu ine Wofunji maname kinsâkohec eocmu. Irec no wiac fâretij â biagne i gaza njowatuc ehuc jupemu. ²⁴ Nje ine jaunj fârihec man hâcbuc jaha Wofun araj bacnehuc kija qacnehuc junzepien. Wofunji njerao mâsi qârenj hâhâwicne bâfuaekac irec hâcne manatâc qâtâc ehuc junzepien. ²⁵ Nje zuhuckerâ hehesicko huutuckenijmuo ine nje njanacne â njcwofun-njenic mâmâc ofan-njopazo.”

Filisa nj jajehec qaqac embij

13 Saulo e njcwofun juhame jara moc tarawec. Erâ zuhuckerâ Israe nj jajere njcwofun juhame jara jajahec ewec. ² Ehame Saulo e Israe nj 3 tausen rowosâec-jopawec. Eme 2 tausen jaje e jahacnehec Mikimasi hao â Bete tiki mârenko jumbij â 1 tausen jaje ine Jonataghec Benjamin mârenko Gibeao hao jumbij, â gâcne sâko jaje ine sorec-jopame hae-njenic sâc rafârembij. ³ Eme Jonatanzi Geba hao Filisa momori qâhâmoc-jopawec irec bige i Filisa nj jaje manambij. Eme Saulo e qen qame mârenj sâcke-fârerâ rame muwec, “Hebiraio nj nje mananij.” ⁴ Eme Israe nj jaje, Saulozi Filisa momori jopawec erâ Israe nj nâncne zâne bigezi Filisa nj jajerao wawahane ewec, bige ijuc manahuc hehefârec erâ Saulo bâfuanijte Giligali hao fisimbij.

⁵ Eme Filisa nj jaje keretac 30 tausen â becâsicko rara nj 6 tausen erâ momori guru dindij sâko hâwecmecko mongen fokac irec sâc jaje Israe nj jajehec qaqac enigte birickembij. Ehuc ferâ Betawen hae zoaj wewefu-ticnao, Mikimasi hao hâcne, ira teunj âtembij. ⁶ Eme Filisa momori jaje somâc-jopazo embij, ijuc honerâ Israe nj jaje qânâ hawecko â nombânjko â qânâunjo â zânerun gufukicnao erâ opâ nombân

rokichao songke-fârembing. ⁷Erâ wâc wiserâ Jordan opâ fotâcnerâ Gade â Gileade mârenko rambing. Â Saulo e ine Giligali haeo juha nje jaje qarac qarac qahuc erao fisimbing.

⁸Saulo e Samuere damen bakicne irec sâc 30an gie bapa 7 wonec juwec. Eme Samue e sifu Giligali haeo biac mi fisiwecte nje nokac jaje Saulo beherâ singsar qafârembing. ⁹Iguc honerâ Saulozi muwec, "Qowi bâzi â wama bâzi i norao bawarenin." Iguc murâ qowi bâzi rikewec. ¹⁰E qowi bâzi rikeme taraha izia Samuezi fisiwec. Fisime Saulozi bâfuarâ "30an biao" mucneocte rawec. ¹¹Eme Samuezi wioctewec: "Go wemo emec?" Mume Saulozi muwec: "No damen bakicne irec sâcno mi fisitec nje nokac jaje behecnurâ singsar gambien â Filisa nje jaje Mikimasi haeo birickembien i honerâ ziguc mupac: ¹²'No zi Wofun wira wâwâsic moc mi ecnehape Filisa nje jaje Giligali haeo râsi fisi-nâreninmu ine.' Iguc murâ sifu qowi bâzi rikepac." ¹³Iguc mume Samuezi ziguc âzâcnewec: "Go wiac mutucne emec. Wofun Anutugezi sâcmutâc dân gaza mutâc ewec i mi renkemec. Go renketec muzac Wofunzi Israe magnao uucmange basanangkeme ranqa ranqa fozac hâcne. ¹⁴Zi ine uucmangezi zuhuckerâ mi focmu. Wofun e manticnezi nje moc hone wosâc ewec. Go Wofunzi dân mutâcne-garewec i mi renkemente nje e hâcne Israe nje fâcne jajere micne juocte âkendân-newec." ¹⁵Eme Samue e Giligali haeonec faharerâ Benjaming mârenko Gibeaa hae newec ira fewec.

Eme Saulo e jahacnehec jumbien nje i jaje wosec-jopame zare-jenec 600 ewec. ¹⁶Eme Saulo e nokâ-ticne Jonatan erâ nje jahehac mâmâc jumbien jaje Benjaming mârenko Gibeaa hae newec ira neje juju embien. Ehame Filisa nje jaje Mikimasi haeo teun âtembing. ¹⁷Ehuc râsi fisi-jareniente guru jahec â moc embien. Ehuc guru moc jaje Ofira haeopec rahuc Suali mârenko fisimbing, ¹⁸â guru moc jaje Bete-Horon haeopec rambien, â guru moc jaje ine mâren burocnaopec Zeboim wânen irec faicnao ma fokac irapen rambien.

¹⁹Eme Israe mârenko aenzi wiac bapa nje moc mi juwec. I Filisa nje jaje Hebraio nje aka hejarembiente aenzi sându me zika wiac-jenec baniente hewâwânkembien hâcne. ²⁰Israe nje jaje giere wiac, kinon sapac-jenec zâmuniente Filisa nje jajerao sawa bara jumbien. ²¹Eme kinon sapac wiac zâmu-jarepie furine siliwa dâkâne jajahec râe jumbien, â râric me bulimakao jâjâpec-jopa aen dâkâne i zâmu bâpiaen ejarepie ine siliwa dâkâne 1 râe jumbien. ²²Irec zika fuawec 30an ira zika me sându wiac moc mi bajumbien, Saulo â nokâ-ticne Jonatan jahe ine fojactewec. ²³Eme Filisa nje jaje Mikimasi heân i songankeniente momori râec-jopambien.

14 30an mocko Saulo nokâ-ticne Jonatan e njemotec maro babaju-ticne ziguc âzâcnewec: "Waretec nâhâc tiki ocniug Filisa momori jun-gopien ira ranac." E iguc raocete irec dân mamac-ticne moc mi âzâcnewec.

²Saulo e damen ira Gibeaa hae mendânko binawec jâc funao boze-ticne newec ira neje juju ewec. Â nje 600 heririn jaje wâc ehac jumbien. ³Ehame Eli â Pinehasi jahere apa nosa Ahia e Ikabodore hahac Ahitubu ere nokâzi Silo haeo Wofunte taha bapa juhuc taha bapa naqi rojuwec. Ehame Jonatanzi rawec i nje moczi mi manawec. ⁴Eme Jonatanzi qânâ hârâc njefec â njefec domapic heân ira fisirâ fotâcne Filisa momori jajere teunjo raziocte gie sâko bawec. Eme qânâ hârâc moc irec zâne Boseze â mocte

zâne ine Sene. ⁵ Eme qânâ hârâc moc izi faicpec Mikimasi hae maickerâ fe domawec â moczi ine juwicpec Geba hae maickerâ domawec.

⁶ Eme Jonatanzi maro-ticne bajuwec ñicmotec e zîruc âzâcnewec: "Waretec nâhâc sahac tofa-jenîc mi hezucicne momori kecocni jaçerao ranac. Wofunzi nâhâcnere erâ sâcne mecne zika qaocmu. Wofun e ñic bocjaha me afecne jahehec ñejezic gie baocte mi quñkeocmu." ⁷ Eme ñicmotec maro babaju-ticne eki dân zîruc bâtikiecnnewec: "Manasu biric ekic sâc efârec. Manakic, go wiac manasukic sâc ecnu ijaha efârepemu." ⁸ Iñuc mume Jonatanzi zuhuckerâ zîruc âzâcnewec: "Manakic, nâhâc fotâcnerâ ñic jaçerao fisirâ fua-jarezeperec. ⁹ Fua-jarepere jaçe, 'Domakopirecko ijaha domahapire nâçe ñoherao fanag,' iñuc wiac moc munîgmuo ine nâhâc jaçere manfunko mi rahuc domanacmu mâreñ ñondeñ ijaha domazeperec. ¹⁰ Â jaçe, 'Nâçerao wefunic,' iñuc moc munîgmuo ine feranacmu. Jaçe Wofunzi nâhâcne meo râec-jopawec irec ma iñuc hâcne fuaocmu." ¹¹ Eme ñic jahe mâmâc jaha Filisa momori fua-jarepic. Fua-jarepic Filisa ñic jaçe honec-jofarâ mumbîg, "Honeniñ, Hebiraio ñic hawecko sonkerâ foengopienzi fuangopien." ¹² Iñuc murâ Jonatan â maro babaju-ticne jahe wira-jactehuc mumbîg, "Nâçerao zira wefupire wiac moc ñofatunag." Iñuc mupie Jonatanzi maro babaju-ticne zîruc âzâcnewec: "Ware napec, Wofunzi Israere meo râec-jopawec hâcne." ¹³ Iñuc murâ Jonatan e hârâcko mezi babarâ feme maro babaju-ticne e wâc bâjâpewec. Eme fe fisizo ehapiire Filisa ñic jaçe Jonatançe meo fefârembîg. Ehame maro babaju-ticne e wâc bâjâpewec jopawec. ¹⁴ Eme Jonatan â maro babaju-ticne jahe dameñ ira ñic zare-jenîc 20 herirîñ jopapiire ñic moczi mâreñ dâkâne mocko bokokoc takariñ bame foekac irec sâc forambîg. ¹⁵ Ehame momori guru zikao jumbîg jaçe â ñic ñokac guru sâko jaçerao hâhâwic sâko fuawec. Erâ momori teunگو râec-jopambîg â zika qahuc domambîg jaçe wâc hâwic-jopawec. Eme mâreñzi qiqiteckeme manjenîc gâckewec.

¹⁶ Ehame Benjamîñ mâreñko Gibeaa hae ñewec ira Saulore ñicfâc ruc bahuc ñembîg jaçe fipie rame Filisa ñic jaçe rândîñke qa ehuc tâtiepie honec-jopambîg. ¹⁷ Eme mo ñiczi ñondeñ-jenîcko mi juwec i fuaocte ñic wosec-jopaniñte Saulozi mujarewec. Eme iñuc erâ honepie Jonatan â maro babaju-ticne jaçe ira mi jupic. ¹⁸ Dameñ ira Anuture katapazi Israe ñic jahehec juwecte Saulozi Ahîa zîruc âzâcnewec: "Anuture katapa bawarezo."

¹⁹ Saulo e taha bapa dân âzâcnehuc juhame Filisa jaçere teunگو man gogoronzi boc qârâñkewec. Iñuc honerâ Saulozi taha bapa zîruc âzâcnewec: "Behetec ñeoc." ²⁰ Iñuc murâ Saulo e jahacne â ñicfâcne jaçe anara hehuc gasackerâ râsi jaçere teunگو rambîg. Ehuc honepie Filisa ñic jaçe qâsîfuc sâko ehuc jañaczia qaqac embîg. ²¹ Eme Hebiraio ñic gâcne Filisa ñic jahehec juwarembîg â teunگو wâc mâmâc jumbîg jaçe ñerisierâ Saulo â Jonatan jahehec jumbîg Israe ñic i jaçerao zuhuckembîg. ²² Ehame wâc Israe ñic tucne Eferaim tiki mâreñko sonkerâ jumbîg jaçe, Filisa ñic jaçe wisengopien, biñe i manarâ fahare guru sâko jaçerao zuhuckehuc zoqachec jaha Filisa ñic jopa jâpec ejarembîg. ²³ Eme 30añ ira Wofunzi Israe ñic ñezic-jopawec â zikazi ine Betawen hae jâururâ ocniñucnao rawec.

²⁴ Saulo e zîruc muhuc ñic ñokac jaçerao mumupañ râewecte Israe ñic jaçe boc betankebîg: "No râsîfâc-nane okacne mi jarehape 30añ zira ñic moczi nânâ nâocmu e sâwechec eocmu." Iñuc mume Israe ñic moczi nânâ moc mi nâhungankebîg. ²⁵ Eme Israe ñic jaçe kâte mocko rahuc mâreñko

baŋac fome honembij. ²⁶ Eme ɲic jaŋe kâte ira fisirâ honepie baŋac i qâŋnaonec wahahuc fowec. Ehame ɲic jaŋe mumupaŋte hâwic-jopawecte mo ɲiczi moc rorâ nazac. ²⁷ Jonataŋ e ine mamac-ticnezi ɲic dâŋ jazawec i mi manawec. Ehuc gunu-ticne bajuwec izi baŋac âke uarâ micticnao râewec. Iɲuc ehuc zâŋe mai-ticnezi boc fie ruruckewec. ²⁸ Ehame ɲic jaŋeraonec moczi zɲuc âzâcnewec: "Mamacgezi muac-nâpohuc zɲuc mujec: 'Moc e nânâ nâocmuo ine sâwecte biŋe eocmu.' " Iɲuc mujecte ɲic jaŋe nânâre hâmorâ betanke sâqorembij. ²⁹ Eme Jonataŋzi muwec, "Mamac-nane e ɲic sipiric-ɲopa-jâmbângekac. Honengopien, no baŋac piticne mac nâ honepac irec erâ zâŋe mai-nane fie ruruckekac. ³⁰ Zoan zira ɲic jaŋe râsifâc-ɲenic jaŋere nânâ wiac rombij i rambaŋko nanzapɲ muzac sâckezeac, eme Filisa ɲic afecne mi jopanzapen."

³¹ Eme Israe ɲic jaŋe Filisa ɲic Mikimasi haeonec jopa jâpec ejare raku Ajalon haeo fisimbij. Ehuc ɲic jaŋe boc betankekembij. ³² Irec Israe ɲic jaŋe râsi jaŋere lama â bulimakao wiac mâreŋ taniŋnao qarâ socnehec nâmbij. ³³ Iɲuc epie ɲic gâcne jaŋe Saulo zɲuc âzâcnembij: "Ŋic jaŋe Wofuŋ sindaŋ ecnehuc qowi socnehec nâŋgopien." Iɲuc âzâcnepie Saulozi muwec, "I bahac, irec picpac jaha qânâ sâko moc norao qârândiŋkepie wareoc." ³⁴ Iɲuc murâ zɲuc zuhuckerâ muwec: "Ŋone ɲic juranŋopien sâc rarâ jazapie lama â bulimakaofâc-ɲenic bacjopa fisinzeŋien. Eme moc e jahacne qowi i hezu rike nâc ezejec. Eme Wofuŋ sindaŋ ecnehuc qowi socnehec mi nânzeŋien." Irec ɲafeme ɲic jaŋe qowifâc-ɲenic bacjopa fisirâ mâreŋ ira hezu rike nâc embij. ³⁵ Iɲuc ehapie Saulozi fuŋkerâ Wofuŋte alata moc bawec.

³⁶ Ehuc Saulozi muwec, "Nânâc ɲafeo hurâ Filisa ɲic jopahuc mafa wiac-ɲenic jowac ropene hae furezejec. Ŋic moc mi akic-jopa-jâmbânkenzeŋien." E ɲuc mume ɲic jaŋe dâŋ zɲuc bâtikiecnembij: "Wiac manatec sâckekac sâc ezo." Jaŋe iɲuc mupie taha bapazi muwec, "Nânâc qanaŋ zira Wofuŋ mai ecnenan." ³⁷ Eme Saulozi Wofuŋ mu wioc ecnehuc muwec, "No Filisa ɲic sâcne râsi fisi-jarepemu me? Go Israe ɲic nâŋere meo sâcne râec-jopacmu me?" Eme dameŋ ira Wofuŋzi dâŋ okacne moc mi bâtikiecnewec. ³⁸ Eme Saulozi muwec, "Israe micne sasawa ɲone mai fua-fârepie bahac wena fokac i bâfuanzeŋien. ³⁹ Wofuŋ e jujâmbânkehuc Israe ɲezickeekacte bahac i ɲokâ-nane Jonataŋtao fokacko hâmo-jâmbânkezejec." Eme sifu ɲic jaŋeraonec moczi micticnao moc mi rowec. ⁴⁰ Eme Saulozi Israe ɲic zɲuc jazawec: "Ŋone ɲifec â no â ɲokâ-nane Jonataŋ nâhe ɲifec, iɲuc domanzeŋien." E ɲuc mume ɲic jaŋe dâŋ zɲuc bâtikiecnembij: "Wiac manatec sâckekac sâc ezo." ⁴¹ Iɲuc mupie Saulozi Israe Wofuŋ Anutu zɲuc numucnewec: "O Israere Wofuŋ Anutu, go wemocte dameŋ zi kiŋaŋɲicge no dâŋ okacne mi bâtikie-narekomec? O Israere Wofuŋ Anutu, kiŋ i no nahacnao me ɲokâ-nane Jonataŋtao fokacko ine irec ma moc fuazejec â Israe ɲicfâcge jaŋerao fokacko ine ma moc fuazejec." Iɲuc mume qâsâi qapie Jonataŋ â Saulo jahe âke fuac-jofawec, â ɲic jaŋe ine kiŋfâsâc embij. ⁴² Eme Saulozi muwec, "Zi ine no â ɲokâ-nane nâhere qâsâi qazo." Eme iɲuc epie Jonataŋ âke fuawec.

⁴³ Eme Saulozi Jonataŋ zɲuc âzâcnewec: "Go wemo wiac emec i nazac." Mume Jonataŋzi dâŋ zɲuc bâtikiecnewec: "Jâmbornac, no gunu-nane bajupac irec botânŋezi baŋac piticne âke uarâ nâ honepac. No hâmo pemurâ zi domakopac. ⁴⁴ Iɲuc mume Saulo e Jonataŋzi hâmoocote mupaŋke-

-jâmbânkwec. ⁴⁵ Ehamê nîc jangê Saulo zînguc âzâcnembîng: "Jonatan e Israe manao bâbâfirîe gie sâko bahuc domajeczi jâmbomac hâmoocmu me? Jonatan e zoan zira Anutuhec zikao domajec, irec Wofun e jujâmbân-kekacte Jonatante qizec susuc mocjaha mac moczi mârenko moc mi wahazejec." Eme nîc jangê Jonatan nezickembîngte mi hâmowec. ⁴⁶ Eme Saulo e Filisa nîc jopa jâpec ejareocte muwec i beherâ hae-ticnao risiewec. Ehamê Filisa nîc jangê wâc hae mâren-jenjicko rafârembîng.

⁴⁷ Saulo e Israe nîc jangere nîcwofun juwec damen ira kisâfâc-ticne nîcguru zînguczi nîfec â nîfec jumbîng jangê râsi ejare-fârewec: Moabi, Amon â Edom nîcguru erâ Zoba nîcwofun â Filisa nîc. E ira me ira rawec sâc imac-jopa-jâmbânkwec. ⁴⁸ E Ameleke nîc tâpiri-ticne jowatuhuc bawahac-joparâ Israe nîc ba imac ejarembîng jangere meonec batarac-jopawec.

⁴⁹ Eme Saulo gokâfâc-ticne jangere zânge ine zînguc: Jonatan, Isiwî â Malikisua. Â otâ jahece jahere zânge ine hahac-ticne Meraba â qoticne Mikali. ⁵⁰ Â Saulo gonân-ticnere zânge ine Ahinoam. E Ahimazire otâ. Â momorifâc-ticne jangere micne ere zânge ine Abene. E Saulo mamac piic-ticne Nera ere gokâ. ⁵¹ Kisi, Saulore mamac, â Abene mamac-ticne Nera jahe ine Abiele ere gokâ jahec jupic.

⁵² Saulore damenjo Filisa nîc jangehêc qaqac ee i gemâcnea fowec. Irek Saulo e nîc tâpirihêc â hâhâwic tâmiric jangê sasawa rocjoparâ e jahacnao zuhuc-jopawec.

Saulozi qaqatara bâfuawec

15 Samuezi Saulo zînguc âzâcnewec: "Wokeman rua-garehuc Israe nîcfâc-ticne jangere nîcwofun âkendângupemurâ Wofunzi no hâcne sorecnuwec. Irek go Wofun dânticnere hazec râezemec. ² Anutu Tâpiri Qunqasan Wofun e zînguc mukac: 'No Israe nîc jangê Aigita mârenkonec wefuhapie Ameleke nîc jangê râsi ejarembîng irec tofa bazuzo manahuc jukopac. ³ Irek go rarâ Ameleke nîc zengoma jopahuc wiac-jenîc sipiricke-fârezemec. Go nîc me gokac, naru motec kâcqe ne â susuonec, erâ lama bulimakao â kamele erâ dongîfâc-jenîc moc mi akic-jopahuc zengoma jopa-fârezemec.'"

⁴ Inguc âzâcneme Saulozi nîc hefârec-joparâ Telaim haeo wosec-jopame Israe nîc kikezi rarane jangê 200 tausen embîng, â Judanîc jangê 10 tausen embîng. ⁵ Eme Saulo e Ameleke hae mocko fisirâ wânengko somâ râerâ fowec. ⁶ Fohuc Kenîngic jangere dâng râehuc zînguc muwec: "Djone Ameleke nîc beheç-joparâ wahanîng. No jangê jopahuc njone mâmâc njopazipore biac faharenîng. Israe nîc jangê Aigita mârenkonec wefuhapie njone âgo ejarembîng." Inguc muhuc jazame Kenîngic jangê Ameleke nîc beheç-joparâ rambîng. ⁷ Jangê rahapie Saulozi Ameleke nîc Hawila haeo funkerâ jopa jopa raku Aigita mâren zoan wewefu-ticnao Suru hae njewec ira fisiwec. ⁸ Ehuc Ameleke nîc jangere nîcwofun Agage e qâricne rowec â nîcfâc-ticne ine zikazi jopa miziewec. ⁹ Eme Saulo â nîcfâcne jangê nîcwofun Agage akickehuc lama bulimakao â dongi kâcqe ne me piticne wokeman sâkohec i wâc akic-jopambîng. Â wiac tâpiri tâmiric hone sungîng eene ine zengoma omaec-jopambîng.

¹⁰ Ehamê Wofunte dângzi Samuerao zînguc fisiwec: ¹¹ "No Saulo nîcwofun âkendângnepo irec busâqoc manakopac. E râpecnuhuc sâcmutâc dângnane qâsuakac." Inguc mume Samue e busâqoc sâko manarâ nafe zora i Wofun

kio wâwâsic ecnewec. ¹²Eme hae fureme Samuezi Saulo bâfuaocete uupictea faharewec. Fahareme zîguc âzâcnembiŋ: "Saulo e Karamele tikio fisirâ maticne âkendâgnehuc fotâcne Giligali haeo hujec." ¹³Eme Samue e Saulorao ra fisime âzâcne muwec, "Wofunŋe jambunŋ faigao fezejec. No ine Wofunŋe mumupaŋ dâŋ reŋkepac." ¹⁴Mume Samuezi muwec, "Eme lamare owazi hazec-naeo qaqazukac â bulimakao marac fânân tinac manakopac i wemo?" ¹⁵Mume Saulozi muwec, "I Ameleke ŋic jaŋeraonec bacjopa warembienŋ, ŋic jaŋe lama bulimakao biane moc moc Wofunŋe Anutuge taha bâzi rikecneninŋe bâwosâec-joparâ akic-jopambienŋ, gâcne sâko imac-jopapene omatac fuajec." ¹⁶Eme Samuezi Saulo âzâcnewec, "Go dâŋ beheç, ehame Wofunŋi ŋafe zira dâŋ nazajec i gazape." Mume muwec, "Muc."

¹⁷Eme Samuezi muwec, "Gahacne manatec pitiwaha Israe kikefunŋe gurune gurune jaŋere jâcne mi ekomec me? Wofunŋe e Israe ŋic jaŋere ŋicwofunŋe jucmurâ wokemaŋ rua-garewec i!" ¹⁸Erâ giedâŋ moc mugarehuc zîguc muwec: "Go rarâ sâqocne bapa, Ameleke ŋic hâcne, jopaku jopa miziezemec." ¹⁹Eme Wofunŋe dâŋ i wemocte mi reŋkemec? Wemocte râsi jaŋere wiac bâuahuc Wofunŋi wiac hone gâpâreekac i emec?" ²⁰Iŋuc mume Saulozi Samue zîgucâzâcnewec: "No Wofunŋe dâŋ reŋkehuc gie munarewec i bapac, no Ameleke ŋic jaŋere ŋicwofunŋe Agage barâ warepac, no Ameleke ŋic jopa miziepac." ²¹Ehame ŋic jaŋe ine râsi jaŋere wiac imacke-fârezo mukicne irecneç lama â bulimakao biane moc moc akic-jopambienŋ, ine Wofunŋe Anutuge Giligali haeo taha bacnezo muhuc embienŋ." ²²Eme Samuezi muwec,

"Wofunŋe e bâzi ririkecnere â taha babacnere aŋac focnekac,
aŋac izi dâŋticne rerenkere aŋac irec sâc ekac me?

Mâcne, dâŋ rerenzi taha bapa jâuru-fârekac,
â hazec hâriczi lama ŋicnere wokemaŋ sirickekac.

²³Dâŋ qaqatara i hafec qanŋec irec sâc jaha ekac,
â maŋ rânŋenzi hehesicte â nemuqân babajure sâc ekac.
Goki Wofunŋe dâŋ qikiŋnemec,

irec eki qikiŋguhuc ŋicwofunŋe gie gowac rokac."

²⁴Eme Saulozi Samue âzâcne muwec, "No Wofunŋe mumupaŋ â gore dâŋ huckehuc kiŋ bahac bâfuapac, i ŋic jaŋere hâwicneme dâŋjenŋic reŋke-pacte iŋuc epac." ²⁵Eme zi numu-garekopac, kiŋnane beherâ waretec risienac, eme Wofunŋe taha nunumu ecnepe." ²⁶Mume Samuezi âzâcnewec, "No gohec mi risiepemu, go Wofunŋe dâŋ qikiŋnemecte eki go qikiŋguhuc Israe ŋicguru jaŋere ŋicwofunŋe mocwâc juu i gowac rokac." ²⁷Samue e iŋuc murâ raocte forisiehame Saulozi ŋaqi-ticne tofanao rohame suckewec." ²⁸Eme Samuezi zîguc âzâcnewec: "Zoanŋ zira Wofunŋi Israere uucmaŋ i gore meonec bârâriekac. Erâ ŋic biane moc gore sâc sirickekac e râcneocmu." ²⁹Erâ Israere Tâpiri Qunqasaŋ Rune e eeatuc me maŋ bâbârisie i mi focnekac. E ŋic aricne, irec wemocko magne risieocmu." ³⁰Eme Saulozi muwec, "No bahac bâfuapac, erâ ine sifu ŋicfâc-nane soganfâc-jenŋic jaŋere maio â Israere maio mana-naretec sâckeme nohec risienac. Erâ no Wofunŋe Anutuge numu hefârec ecnezepac." ³¹Eme Samuezi Saulo bâjâpeme rapic. Erâ Saulozi Wofunŋe numu hefârec ecnewec." ³²Eme Samuezi muwec, "Ameleke ŋicwofunŋe Agage e zira norao jowa wareniŋ." Iŋuc mume Agagezi hâhâwic tâmiric Samuerao fisiwec. Ehuc

muwec, "Hamoc hâtâne e rârâgne-jâmbâgkekac." ³³ E iğuc mume Samuezi muwec, "Žikagezi ɣokac qâric tâmiric hufiğne bacjopawecte nengocge e ɣokac jağere ɣondenko qâric tâmiric jaha juzejec." Iğuc murâ Samuezi Giligali hao Wofunṭe maio Agage hetâc qâtâcneme fewec.

³⁴ Eme Saulo e Gibeaa hae-ticnao rawec â Samue e wâc Rama hao risiewec. ³⁵ Eme Samue e Saulo mocwâc mi hohone juhame Saulore hâmoc dameɣ maickewec. Erâ sifu Samue e Saulore ki mamakuc ewec. Ehuc Wofunṭe e Saulo Israe ɣic jağere ɣicwofunṭe âkendâğnewec irec busâqoc manawec.

Samuezi Dawidi wokemaɣ ruacnewec

16 Wofunṭi Samue žiğuc âžâcnewec: "Saulo e noni Israe ɣic jağere ɣicwofunṭe mi juocte hone sungiğ ecnepo, irec go wemocte dameɣ zora ere busâqoc manahuc jukomec? Go bulimakao žuğena o wokemaɣ qoğiğketec hume rac. Nô Betelehem ɣic Isairao sorecğukopac. No nahac ɣokâfâc-ticne jağere ɣondenkonec ɣicwofunṭe moc rowosâepo." ² Eme Samuezi muwec, "No weniguc rapemu? Rape Saulozi biğe manarâ nuocmu." Mume Wofunṭi muwec, "Go bulimakao motecne moc rorâ rahuc žiğuc muzemec: 'No Wofunṭe taha bacnepemurâ warekopac.' ³ Erâ taha bacmu dameɣ ira Isai wâc hefârezemec. Eme no ira wiac weniguc ecnu i gowatupemu. Erâ ɣic moc gowatupe nore biğe wokemaɣ ruacnezemec." ⁴ Eme Samue e Wofunṭi mutâcnecnewec irec sâc erâ Betelehem hao ra fisiwec. Ra fisiwe hao irec soğaɣ jağe hâwic-jopame žocnehec era o fisirâ mumbiğ, "Go wemocte warekomec? Wiac sasawa sâcne me?" ⁵ Wiopie Samuezi muwec, "Sâcne. No Wofunṭe taha bacnepemurâ warekopac. Ŋoğe maɣ saħac-ɣeɣic emasãkerâ nohec taha bazo ranã." Eme Samue e Isai â ɣokâfâc-ticne jağerao eemasãğ gie barâ taha banigte hefârec-jopawec.

⁶ Eme jağe fisiapie Samuezi Eliaba honerâ žiğuc manasuweg: "Wofunṭe maio fuakac ɣic ži hâcne ɣicwofunṭe juocte wokemaɣ ruacnezo." ⁷ Ehame Wofunṭi Samue žiğuc âžâcnewec: "Go saħac hawari-ticne â žoğora-ticnere sawa boc mi fic. No ere mi enarekac. Wofunṭe no ɣiczi honeekac iğuc mi honeekopac. Ŋiczi saħac hohone sawa â Wofunṭe noni ine maɣ hohone."

⁸ Eme Isaizi Abinada hefârehuc ecneme Samuerao fuawec. Fuame Samuezi muwec, "Wofunṭe ži wâc mi rowosâewec." ⁹ E iğuc mume saizi Sama ecneme Samuere maio fuame muwec, "Wofunṭi e wâc mi rowosâewec."

¹⁰ Eme Isai e ɣokâfâcne 7 jağe ejareme Samuerao fua-fârembiğ. Eme Samuezi Isai žiğuc âžâcnewec: "Wofunṭi keci jağe mi rowosâec-jopawec."

¹¹ Erâ Isai žiğuc muhuc wiocnewec: "Ŋokâfâcge ži sawa me?" Mume Isaizi muwec, "Žâhec motec jâmbân e jukac, erâ e ine lama soğaɣ-jopahuc jukac." E iğuc mume Samuezi žiğuc âžâcnewec: "Kiğaɣ sorec-jopatec ra jowa wareniğ. Eki žira fisiwe jaha waha ɣenağmu."

¹² Eme Isaizi kiğaɣ sorec-jopame ra jowa warembiğ. Dawidi e žağe mai-ticne â saħac hawari-ticne i biagne jâmbân. Eme Wofunṭi muwec, "Ajoc, ɣic ži hâcne wokemaɣ ruacnec."

¹³ Eme Samuezi wokemaɣ žuğe i rorâ hahacfac-ticne jağe honehapie Dawidi ruacnewec. Ehame Wofunṭe Mârozi dameɣ ira hâcne funkerâ tâpirihe c nengoc ɣesiğ ecnewec. Eme Samue e faharerâ Rama hao risiewec.

Dawidizi Saulore maio gita qahuc juwec

¹⁴ Ehamé Wofunje Mârozi Saulo beheme Wofunji mâro sâqocne moc manacneme damej sâc ba imac ecnehuc juwec. ¹⁵ Iguc ecnehuc jume kiŋaŋ qaqaŋâc-ticne jaŋe ziŋuc âzâcnembiŋ: “Manakic, zi Anutuzi mâro sâqocne moc ecneme eki ba imac egarehuc jukac. ¹⁶ Irec bombon-nâŋec, go kiŋaŋ qaqaŋâcge jingopenenŋ zi nâŋe enâretéc gita qaqa saric ŋic moc bâfuanâŋte babasa gie banzepenenŋ. Eme Anuturaonec mâro sâqocnezi gorao fuame ŋic eki gita qame go mîcwâc biangkecmu.” ¹⁷ Iguc mupie Saulozi kiŋaŋ qaqaŋâc-ticne ziŋuc jazawec: “Ŋoŋe ŋic moc gita qaqa saric e bâfua-narerâ norao jowa wareniŋ.” ¹⁸ E iguc mume kiŋaŋ qaqaŋâc-ticne jaŋeraonec ŋic moczi dân ziŋuc bâtikiecnawec: “Manakic, no Betelehem ŋic moc zâŋene Isai ere ŋokâ moc honeekopac. Ŋic e gita qaqa saric. E ŋic tâpirihec â zikafac, e dân mumu-ticne i biangne, erâ wâc sahaç hawari-ticne biangne. Erâ Wofunji ehec jukac wâc.” ¹⁹ Irec Saulozi Isairao kiŋaŋ sorec-jopahuc muwec, “Ŋokâge Dawidi lama soŋaŋ-jopahuc juekac e râe-naretec wareoc.” ²⁰ Eme Isai e dongi moc rorâ poroŋ â waiŋ zopo moc, erâ noniŋ motecne moc, iguc ŋokâ-ticne Dawidizi Saulorao baraocte râewec. ²¹ Eme Dawidi e Saulorao fisirâ kiŋaŋ gie-ticne funkewec. Ehamé Saulozi ere boc ecneme maro babaju-ticne erâ juwec. ²² Eme Saulozi Isai dân râecnehuc ziŋuc muwec: “Dawidi e norao juzejec. No ere mâretéc aŋacnu sâqorekac.” ²³ Eme damej sâc Anutuzi mâro sâqocne ecneme Saulorao fuame Dawidizi gita-ticne rorâ qajuŋec. Iguc eme mâro sâqocnezi Saulo beheme mana aŋac ehuc biangne juwec.

Dawidizi Goliata qawec

17 Filisa ŋic jaŋe momorifâc-jenŋic rocjoparâ Juda mârenko Soko haeo tumagnembiŋ. Ehuc Efe-Damim mârenko Soko â Azeka hae ŋepic jahere ŋondenko teuŋ âtembiŋ. ² Ehamé Saulo â Israe ŋic jaŋe wâc iguc jaha tumagnerâ Ela wânenko teuŋ âtembiŋ. Ehuc Filisa ŋic jaŋehec zika qaninŋte zawiemiŋ. ³ Eme Filisa ŋic jaŋe tiki ŋifec â Israe ŋic jaŋe tiki ŋifec iguc jumbiŋ, â ŋonden-jenŋicko ine opâwâc fowec. ⁴ Ehamé Gati haeonec momori ŋic zorice zora moc, zâŋene Goliata, e Filisa ŋic jaŋere teuŋ-konec warewec. E zoçora-ticne i 9 fit jâuruwec. ⁵ E duticne herâ juwec i aenŋ bâbâronzi bakicne â maro-ticne i aenŋ bâbâronzia bakicne. Eme irec ŋemâc i aenŋ bâbâronŋ dâkâne 5 tausenŋ irec sâc. ⁶ Erâ kike-ticnere foŋ i aenŋ bâbâronzia bakicne â sându-ticne hâpowec i wâc aenŋ bâbâronzi bakicne. ⁷ Sându irec kikene i meombânŋ igucne, â micticne i aenŋzi bakicnere ŋemâc-ticnezi 600 ewec. Eme maro babaju-ticnezi bâniecnawec. ⁸ Eme Goliata e domahuc Israe momori owacke-jarehuc muwec, “Ŋoŋe wemocte zika qaninŋte warembienŋ? No Filisa ŋic, â ŋoŋe Saulore kiŋaŋ qaqaŋâc. Irec ŋoŋe ŋaŋac ŋic moc bâwosâepie norao wahaoc. ⁹ Eme nâhe qaqaç ehuc eki sâcne nuocmuo ine nâŋe ŋoŋere kiŋaŋ qaqaŋâc enzepenenŋ. Â noni zoqaç erâ e bawahahuc qâhâmpemuo ine ŋoŋe nâŋere kiŋaŋ qaqaŋâc ehuc kiŋaŋ qanârenzepienŋ.” ¹⁰ Erâ zuhuckerâ muwec, “No zoaŋ zira hâcne Israe momori ŋoŋe hesuac-ŋopakopac, ŋoŋe ŋic moc râe-narepie wahame nohec qaqaç enac.” ¹¹ Mume Saulo â Israe ŋicfâcne jaŋe Filisa ŋiczi dân muwec i manarâ mâretéc hâwic-jopame qurutuambiŋ.

¹² Efarata ŋic moc juwec zâŋene Isai, e Juda mârenko Betelehem hae

gewec irecnec, gokâfâcne 8 jumbig, eme moc i Dawidi hâcne. Eme Saulore damenjo Isai e jara bocjaha bazurâ njicqizec ewec. ¹³ Eme gokâfâc-ticne mârâc fufua jahec â moc jaje Saulo bâjâperâ zikao rambig. Eme gokâfâcne jahec â moc zikao rambig jaje fuambig sâc ine zinguc: Eliaba, Abirada â Sama. ¹⁴ Dawidi e motec zâcne jâmbân â mârâc motec jahec â moc jaje ine Saulo bâjâpembig. ¹⁵ Dawidi e ine Saulohec juhuc mamac-ticnere lamafâc sojan-jopaocte Betelehem haeo rac warec ehuc juwec. ¹⁶ Eme Filisa njic e sojan gie bapa 40 irec magnao gafe sojan mai fuarâ doma jujec.


¹⁷ Eme Isaizi gokâ-ticne Dawidi zinguc âzâcnewec: "Hahacfâcge jajere jacgon zegoc zakicne he moc â poron 10 zi rorâ bâruj jaha teuj-jenicko rac. ¹⁸ Erâ wâc bulimakao susure wokemañ râqâcne fon 10 zi micne-jenicta barazemec. Ehuc hahacfâcge honec-jopac, jaje sâcne jungopien me mâcne i hone manac erâ ware nazatec manazepac."

¹⁹ Eme Saulo â Dawidire hahacfâc, erâ Israe momori sasawa jaje Ela wânênko juhuc Filisa njic jagehec qaqac embig. ²⁰ Eham Isaizi mutâcne newec irec sâcko Dawidi e furic uupicte faharerâ mamacnere lamafâc i sojan moctao guruc-joparâ nânâ bâmokekicne i rorâ rawec. Raku momori jaje zikao raniñte ajara hehuc faharepie teujko fisiwec. ²¹ Eham Israe njic â Filisa njic jaje njic â njic birickembig. ²² Eme Dawidi e wiac bajuwec i nânâ mafa sojan juwec erao guruckerâ hahacfâcne bubian dân jazocte birickerâ domambig jajerao gasackerâ rawec. ²³ Rarâ jagehec dân dân ehuc domahame Filisa njic Gati haeonec, momori sâko zâgene Goliata e Filisa jajere guruonec faharerâ mai domahuc dân muwec ijaha muhame Dawidizi manawec.

²⁴ Eme Israe momori jaje njic e honerâ boc hâwic-jopame wise-fârembig. ²⁵ Ehuc mumbig, "Njic keci honengopien, e sojanne sojanne fahare domarâ Israe njic hesuac-nâpo-jâmbânkeekac. Eme moc e njic keci qaocmu e njicwofunzi wiac bafehuc tahackerâ otâ-ticne wâc râcneocmu. Ehuc wiacfâc-ticne jaje Israe guruo sahac taha wiac mi râehuc mât junigte mana-jareocmu." ²⁶ Iguc mupie Dawidizi njic gâcne ehac domambig jaje zinguc wio-jarewec: "Filisa njic keci qahuc Israe guruo mimi qaqa fuakac i bârârieocmu njic igucne e weniguc ecnezo? Filisa njic sahac tofa-ticnao mi hezucicne e wenigucne irec Anutu jujune ere momori guru hesuac-nâpoekac?" ²⁷ Dawidi e iguc mume njic jaje dân bâbâni mumbig ijaha bâtikiecnahuc mumbig, "Njic keci qaocmu e iguc hâcne ecnezo."

²⁸ Eham Dawidizi njic dân jazahame mârâc hahac-ticne Eliaba e manarâ mâretec aarickeme zinguc âzâcnewec: "Go wemocte wahamec? Erâ lama jahec mac jaje mâren burocnao mozi sojan-jopahame beheç-joparâ wahamec? Go manje sâqocnezi weniguc mankehuc wahamec i manakopac. Go zika honecmurâ sawa wahamec hâcne." ²⁹ E iguc mume Dawidizi muwec, "No wemo wiac epac, no dân sawa mupac." ³⁰ Iguc muhuc râpeckerâ moctao forisierâ dân âzâcneme njic jaje dân ijaha bâtikiecnembig.

³¹ Eme Dawidizi dân muwec i jaje mana-fârerâ Saulo binan bacnembig. Eme eki Dawidi hefârewec. ³² Eme Dawidizi Saulo zinguc âzâcnewec: "Go manje mi wahaoc, no rarâ Filisa njic keci qapemu." ³³ Iguc mume Saulo e Dawidi dân zinguc bâtikiecnewec: "Go rarâ Filisa njic e sâcne mi qacmu, go motec qârî â e ine motec-ticnao zika qaku magne ewec." ³⁴ Iguc mume



Qowi momori moc zâne bea

Dawidizi dâŋ zîguc bâtikiecnawec: "Bombon-nane, no mamac-nanere lama sonaŋ juekopac. Ehuc laioŋ me bea moczi sapao fisirâ lama motecne moc rorâ wiseme ³⁵ no jâperâ qowi i micticnaonec batararâ bârisieekopac. Iguc ehape no nahacnao risieme meczâwâ-ticnao rorâ qâhâmoekopac. ³⁶ Laioŋ me bea jaŋe iguc hâcne ehuc qâhâmoc-jopaekopac kigangicge no Filisa ȝic sahac tofa-ticnao mi hezucicne keci e Anutu jujune ere momori guru boc musoriŋ-nâpokacte laioŋ â bea ecneekopac sâc ijaha ecnepemu." ³⁷ Dawidi e iguc murâ zuhuckerâ muwec, "Wofuŋ e laioŋ â bea jahere me zârâickonec bataracnuekaczi Filisa ȝic keci ere meonec sâcne bataracnuocmu wâc." Iguc mume Saulozi zîguc âzâcnawec: "Sâcne rac. Eme Wofuŋzi baficguzejec." ³⁸ Iguc murâ e jahacne maruku hecneme huwec, erâ aej bâbâronzi du bakicne i hecneme huwec wâc. Erâ aejzi ȝaqi bakicne i mâmâc hecneme huwec. ³⁹ Erâ irec fainao zika-ticne râcnawec. Eme Dawidi e wiac igucne moc mi bajuwecte wiac izi kimâmâckewec. Eme irec Saulo zîguc âzâcnawec: "No wiac zi mi bajuekopacte ihec sâcne mi rapemu." Iguc murâ hetara-fârewec. ⁴⁰ Ehuc gunu-ticne rorâ hu opâonec qânâ jomicne memoc wosâerâ ro heticnao ȝiewec. Erâ tacbaŋ-ticne barâ Filisa ȝic maickehuc rawec.

⁴¹ Rame Filisa ȝic e iguc jaha maro babaju-ticnezi bâniecnehame Dawidi maickehuc warewec. ⁴² Ehuc zâŋe fime wareme Dawidi honerâ manacneme wahawec, wiac e motec qârî, erâ sahac bâroŋ â kereŋ bareȝne. ⁴³ Eme Filisa ȝic e Dawidi âzâcne muwec, "No qâto me, irec norao qaruchec warekic?" Erâ nemu-ticnere zâŋe muhuc Dawidi sâwecdâŋ âzâcnawec. ⁴⁴ Erâ moc zîguc âzâcnawec: "Waretec biucge sawa wipe â qowi mimicne jarepe nâniŋ." ⁴⁵ Eme Dawidizi Filisa ȝic âzâcnawec, "Go sâqe zora â damu â tubachec warekomec, no ine Tâpiri Quŋqasaŋ Wofuŋ, erâ Israe momori guru, musoriŋ-jopamec hâcne, jaŋere Anutu ere zâŋeo fâkopac.

⁴⁶ Miñecgac Wofuñzi nore meo râecguocmu, eme noni qârândingurâ qizecge hetâcnepemu, erâ 30aŋ kec3ira Filisa momori guru qâŋqâŋfâc-jen3ic sawa wipe â kâte qâto mimicne micjen3icko râec-jopapemu, eme mâreŋ sâc 3ic jaŋe Israe kikefuŋ Anutu jujarekac i mana-fâren3epien. ⁴⁷ Erâ wâc tumañnerâ jungopieŋ 3ic sasawa 3i jaŋe 3iŋuc honen3epien: Wofuŋ e damu 3ika tâmiric râsi sâcne jopaocmu, 3ikao sasanaj â dodocke i Wofuŋte meo fokacte eki menâŋecko râec-jopaocmu.”



Dawidi â Goliata

⁴⁸ Eme Filisa 3ic e Dawidi bâfuaocte wareme Dawidizi Filisa 3ic maickehuc 3ikare tomao gasacke rawec. ⁴⁹ Erâ mene kânŋ-ticnao esorierâ qânâ moc rorâ tacbaŋ game ra Filisa 3ic mainao hewec, herâ mai siecne hen3añneme waha qarâ bufofac fowec.

⁵⁰ Ine Dawidi e Filisa 3ic tacbaŋ â qânâzi qârândingkerâ hâmocne qawec hâcne, menao 3ika moc mi fohame. ⁵¹ Erâ ine gasacke rarâ Filisa 3ic maŋfuŋnao fisirâ sâqe zora-ticne becsahackonec unuckerâ âke hâmorâ qizec-ticne hetâcnewec. Filisa 3ic jaŋe ine kâc3ene-jen3ic arictac eme honerâ hâwic wisembiŋ. ⁵² Ehame Israe 3ic â Judaŋic jaŋe fahare aŋara

hehuc jopa jâpec ejare raku Gati hao fisirâ fotâcne raku Ekoron hao haere sacmotâcko fisimbin. Eme Filisa nîc jopakicne jagere qânqân i Saraim haoeonec funkerâ fohapie raku Gati â Ekoron hao fisiwec. ⁵³ Eme Israe nîc jage risierâ râsi jagere teun hetâtiehuc wiac gâcne fiuc bawisembin. ⁵⁴ Eme Dawidizi Goliatare qizec i Jerusalemko barawec â zikare wiac-ticne ine e jahacne bozeo beheme newec.

⁵⁵ Saulo e Dawidizi Filisa nîc qaocte rame honerâ momori jagere micne zâgene Abene e zîruc wioonec: "Abene, nîcmotec keci more motec?" Iñuc wiome Abenezi muwec, "Nîcwofun-nane, no wâc mi manakopac." ⁵⁶ Mume nîcwofunzi muwec, "Nîcmotec e more motec i mu wio etec fuaoc." ⁵⁷ Eme Dawidi e Filisa nîc qarâ qizec-ticne rorâ risieame Abenezi Saulorao jowa rawec. ⁵⁸ Rame Saulozi wioonec muwec, "Kogoc, go more motec?" Wioonec Dawidizi dâñ zîruc bâtikieonec, "No Betelehem haoeonec kîqanîcge Isaire ñokâ."

Jonatanzi Dawidhec zâzâfic epic

18 Eme Dawidi e Saulo dâñ iñuc âzâcne taram Jonatanzi Dawidire ecneme manîcne erea boc domawec. ² Saulozi iñuc honerâ zoan ira sakareme juhuc mamac-ticnerao mocwâc mi risiewec. ³ Jonatan â Dawidi jage jahacnere boc eactewec irec sâc manzi zâzâfic ehuc hehezakiec epic. ⁴ Ehuc Jonatanzi ñaqi rojuwec i hetarâ Dawidi râcnewec. Erâ maruku â zika â tepe â umbika-ticne i mâmâc râcnewec. ⁵ Eme Saulozi Dawidi zikao ira me ira soreme rajuc i fârinehec ejuc. Iñuc eme honerâ Saulozi momori jagere micne âkendânewec. Âkendânewe nîc omane jage ere manapie sâckewec â Saulore fekicnefâc jage wâc iñuc jaha manapie sâckewec.

Saulozi Dawidi kisâ ecnewec

⁶ Dawidizi Goliata qarâ hao risieame momori jage wâc hao risiembin. Risieapie ñokac jage Israe hae sâc irecne warembin. Ehuc gae wowo ñokac jage zeri ehuc wongân-jenîc qahuc gae woworâ nîcwofun Saulo bâfuanîge rambin. ⁷ Ehuc ñokac jage bubianko gae zîruc hembin:

"Saulozi nîc 1 tausen jopawec
â Dawidizi ine 10 tausen jopawec."

⁸ Eme Saulo e irec mâretac aarickewec â dâñ izi erao mi sâckewec. Eme zîruc muwec: "Jage Dawidizi nîc 10 tausen jopawec mungopien â nore mungopien, e 1 tausen sawa jopawec. Eme zi nîcwofun âkendâneninîmu hâcne." ⁹ Iñuc murâ zoan ira hâcne funkerâ Dawidi kisâ ecnehuc hone jâjâ-pehuc juwec.

¹⁰ Eame hae fureme Anutuzi mâro sâqocne moc ecneme Saulo sakionkewec. Iñuc ecneme manîcne sifuckeme ficticnao dâñ kosa barasa wosewec. Dawidi e zoagne zoagne ejuc iñuc jaha gita-ticne qahame wiac iñuc hâcne fuawec. Saulo e ine sându-ticne barâ gewec. ¹¹ Eme Saulo e sându i zîruc muhuc wickewec: "No Dawidi sâpeo âke kindenepe domazejec." Muhuc wickewec. Eme Dawidizi bâricneame arec jajahec ewec.

¹² Wofun e Saulohec juweci e beherâ Dawidi dope hutun ecnewec i honerâ Saulozi Dawidire hâwickewec. ¹³ Ire ficticnaonec bârârierâ momori

1 tausêj jaŕere micne âkendâŕnewec. Iŕuc ecneme Dawidi e rarâ ȝic micne bajarewec. ¹⁴ Micne bajareha Wofunȝi bafickeme wiac sasawa ewec i rnoc mi ririwec. ¹⁵ Dawidi e wiac sasawa eme sâcke-fârewec i Saulozi honerâ ere mâretêc hâwicke sâqorewec. ¹⁶ Eme Israe ȝic â Judaȝic jaŕe ine Dawidizi zikao micne bajarerâ bânie-jarehuc juwec irec erea boc ejarewec.

¹⁷ Eme Saulozi Dawidi ȝiŕuc âzâcnêwec: “Ȝi mârâc otâ-nane Meraba e hâcne ȝonânȝe eocte garepemu. Mâc, go ine nore erâ hâbi hâro jaha juhuc zika qazemec.” Saulo e ȝiŕuc maŕkehuc dâŕ i muwec: “No sifu mi qazepac, Filisa ȝic jaŕe sâcne qanȝepieȝ.” ¹⁸ Mume Dawidizi dâŕ kecȝiŕuc bâtikiecnêwec: “No mo ȝic fekiecne â mamac-nanere garikiŕfâc jaŕe Israe magnaŕ zâŕe biȝehêc wena juŕȝopieȝ irec noni ȝicwofunȝe kimo epemu?” ¹⁹ Eme Saulore otâ Meraba e Dawidi râcnenȝapiȝ dameŕko ine rorâ Maholati ȝic moc zâŕene Aderiele e râcnembieȝ.

²⁰ Ehame Saulo otâ-ticne moc zâŕene Mikali e Dawidire magne domawec. Eme i Saulo mufuacnêpie maname sâckewec. ²¹ Ehuc ȝiŕuc maŕkewec: “No e râcnepe eki bitiȝ-ticne eme Filisa ȝic jaŕe qanȝepieȝ.” Irec Saulozi mocwâc Dawidi ȝiŕuc âzâcnêwec: “Go kimo-nane.” ²² Iŕuc murâ kiŕaȝ qaqaŕâcne ȝiŕuc jazawec: “Ȧȝe ȝâmbuŕko Dawidi ȝiŕuc âzâcneniȝ: ‘Manakic, ȝicwofuȝ e gore maname sâckekac â kiŕaȝ qaqaŕâcne nâŕe wâc gore boc enârekac. Irec go ȝicwofunȝe kimo ezemec.’ ” ²³ Eme Saulore kiŕaȝ qaqaŕâcne jaŕe dâŕ i Dawidi âzâcnembieȝ. Âzâcnêpie dâŕ ȝiŕuc bâtikie-jarewec: “Ȧȝe manapie ȝicwofunȝe otâ roro i wiac afecne êkac me? I ȝic hapetac â waha qaqane no iŕucnezi sâcne eene me?” ²⁴ E iŕuc mume Saulore kiŕaȝ qaqaŕâcne jaŕe Saulorao risierâ Dawidizi dâŕ muwec i âzâcnembieȝ. ²⁵ Âzâcnêpie Saulozi dâŕ ȝiŕuc bâtikie-jarewec: “Dawidi ȝiŕuc âzâcneniȝ: Ȧicwofuȝ e râsifâc-ticne okacne jarehuc Filisa ȝic 100 jaŕere sahaç tofa masunezi ȝokac furi eocte sawa manasukac.” Saulo e Dawidi qaisockehuc Filisa ȝic jaŕere meo hâmoocne manasuweç hâcne. ²⁶ Eme Saulo kiŕaȝ qaqaŕâcne jaŕe Saulozi dâŕ muwec i Dawidi binâȝ bacnembieȝ. Binâȝ bacnêpie mâsi iŕuc ehuc ȝicwofunȝe otâ rozo irec maname sâckewec. Eme dameȝ bakicne irec juwicnaŕ ²⁷ Dawidi e ȝicfâc-ticne jaŕehêc rarâ Filisa ȝic 200 joparâ sahaç tofa-ȝeȝicte masune i bawarerâ ȝicwofunȝe kimo eocte wosecnêwec. Iŕuc eme Saulozi otâ-ticne Mikali râcnêwec. ²⁸ Erâ ine Saulo e Wofunȝi Dawidiheç juwec â otâ-ticne Mikalizi Dawidirea boc ecnêwec iŕuc hone manac erâ ²⁹ Dawidire mâretêc hâwicke sâqorewec. Hâwicke sâqoreme Saulo e Dawidi râsi sanaȝ ecnêwec.

³⁰ Eme Filisa ȝic fekiecne jaŕe Israe ȝic jaŕehêc qaqaç eniȝte rajumbieȝ. Rapie sâc Dawidi e Saulore ȝicfâc ȝâcne siric-jopahuc Filisa ȝic mâretêc jopâ jâpêc ejare juȝec. E iŕuc ehuc zâŕe biȝe sâkoheç ewec.

Saulozi Dawidi qaocte basahuc juwec

19 Saulo e ȝokâ-ticne Jonataȝ â kiŕaȝ qaqaŕâcne jaŕe Dawidi qaniȝte jazawec. Erâ ine Saulo ȝokâ-ticne Jonataȝ e Dawidire boc ecnêwec. ² Irec Jonataȝzi Dawidi ȝiŕuc âzâcnêwec: “Mamac-nane e ȝuocte ³ Eme no mamac-nane ȝâtepe goki jucmu ira fanacmu. Ehuc gore erâ mamac-nane dâŕ binâȝ ecnepemu. Eme dâŕ i me i bâfuapemuȝ gazapemu.” ⁴ Eme Jonataȝ e Dawidi mumbianȝehuc mamac-ticne ȝiŕuc âzâcnêwec: “Ȧicwofuȝ, go kiŕaȝȝicȝe Dawidirao bahac mi bâfuazemec, wemocte, e gorao bahac moc mi bâfuawec, erâ wâc kiŕaȝ bianȝe

qagarewec. ⁵E juju-ticne qaisockehuc Filisa ñic qâhâmwec. Ehame Wofunzi Israe ñic bafic-jopahuc bubian sâko bâfua-jarewec. Eme go wiac i honehuc zeri emen. Ehuc wemocte funje tâmiricko Dawidi qahuc socticne hongehuc bahac bâfuazo mukic?" ⁶Eme Saulo e Jonatanje dâñ manarâ Wofunje zâgeo qetickehuc Dawidizi mi hâmocte mupangkewec. ⁷Irec Jonatan e Dawidi hefârerâ dâñ sasawa i mufuacne-fârewec. Inuc ecnerâ mamac-ticnerao jowa rame gie-ticnao mocwâc zuhuckerâ juwec.

⁸Juku zika mocwâc fuame Dawidizi Filisa ñic jagehec qaqac enigte rawec. Ehuc râsi mâretec jopame wisembiñ. ⁹Eme Dawidi e gita-ticne qahuc ñewec â Saulo e ine ficticnao sându-ticne barâ ñehame Wofunzi mâro sâqocne ecneme ere mangko huwec. ¹⁰Eme Saulozi Dawidi sâpeo âke kindegneocne manasuhuc sându-ticne wickehame Dawidizi bâricneme ra sâpeo kindegnerâ domawec. Inuc eme honerâ Dawidi e wisewec.

¹¹Ehame hae fureme Saulozi Dawidi qaocne manasuhuc kinañ qaqafâcne ejareme ra Dawidire fic somâckembiñ. Inuc epie ñonân-ticne Mikalizi Dawidi zinguc âzâcnawec: "Go ñafe zira jujuge mi ñezickecmuo ine tomâcko hâmocmu." ¹²Inuc murâ Mikalizi ñowe-ticne qâqâtâc katanjo râeme hurâ wisewec. ¹³Wiseme Mikalizi qân qâqâtâc moc rorâ fofoo râeme foha noniñ kanzanjezi fofo bakicne i rongânkopec râerâ bilankezi rufacnewec. ¹⁴Eme Saulozi Dawidi ronigte kinañ sorec-jopame ra fisipie Mikalizi zinguc jazawec: "E huc bame fokac." ¹⁵Eme Saulozi Dawidi honenigte kinaññic mocwâc sorec-jopahuc zinguc jazawec: "Fofo-ticnehec mâmâc rorâ bawarepie qape." ¹⁶Inuc jazame kinaññic jañe Dawidire ficko razirâ qân qâqâtâc fofoo fowec â noniñ kanzanzi fofo bakicne rongânkopec foha nonembiñ. ¹⁷Irec Saulozi Mikali zinguc âzâcnawec: "Go wemocte eatucnuhuc râsi-nane ecnetec wisejec?" Inuc mume Mikalizi dâñ zinguc bâtikiecnawec: "E keczinguc nazajec irec epac, 'Guzipore baficnutech wisepe.'"

¹⁸Eme Dawidi e wiserâ raku Samuero Rama hao fisiwec. Ehuc Saulozi wiac ecnewec irec binañ bacne-fârewec. Eme e â Samue jahe rarâ Naioti hao jupic. ¹⁹Ehame ñic gâcne jañe Saulo zinguc âzâcnembiñ: "Manakic, Dawidi e Naioti hao jukac." ²⁰Inuc mupie manarâ kinaññic sorec-jopame Dawidi ronigte rambiñ. Raku ra fisirâ Samuezi porofete guru micne bajareme findandân muhuc juhapie honec-jopambiñ. Honec-jopapie Wofunje Mârozi ñai-jenicko heme jañe wâc jañerao zuhuckerâ findandân mumbiñ. ²¹Eme irec biñe âzâcnepie manarâ Saulozi kinaññic gâcne sorec-jopame jañe wâc rarâ jañerao zuhuckerâ findandân jaha mumbiñ. Inuc epie Saulo e harierâ kinaññic mocwâc sorec-jopame jañe rarâ inuc jaha findandân mumbiñ. ²²Eme zâhec Saulo e jahac Rama hao rawec. Raku opâ nombân sâko Seku hao ñewec ira fisiwec. Ehuc wiowec, "Samue â Dawidi jahe wena jukopirec?" Wiome ñic jañe zinguc âzâcnembiñ: "Jahe Rama dâkâne moc zâgene Naioti ira jukopirec." ²³Inuc âzâcnepie irecnec fotâcnerâ Naioti hao raocte rawec. Rahame Anuture Mârozi inuc jaha ecneme hatao rahuc rahuc findandân mumurâ raku Naioti hao fisiwec. ²⁴Erâ e jahacne ñaqi qoruc wiac-ticne bâsuckerâ Samuere mangfunjo findandân muwec. Ehuc zoañ zorâ â ñafe zora biuctac fowec. Inuc ewecte ñic jañe zinguc mujumbiñ: "Saulo e wâc porofete jañerao zuhuckewec me?"

Dawidi â Jonatan jahe ââgo fârine jupic

20 Eme Dawidi e Rama haeoa Naioti hae newec irecnec wiserâ Jonatan-tao fisirâ muwec, "No wemo wiac moc epo? No wemo kiŋ hurepo? Mamacge e wemo wiac epe sâqorewec irec nuocte manasuekac?" ² Iguc mume Jonatanzi dâŋ zīguc bătikiecnewec: "Anutuzi manakac, go mi hâmocmu. Mamac-nane e no mi nazahuc wiac i me i moc mi ejâmbâŋkeocmu. Mamac e wiac igucne eocte wemocko hesoŋke-narezac. No dâŋ keci mi mana zakiekopac." ³ E iguc mume Dawidizi dâŋ zīguc bătikiecnewec: "Go nore boc egarekac i mamacgezi mana-jâmbâŋkekac. Ehuc zīguc manasuekac: 'Jonatan wiac zi mi manazejec, wiac igucnezi busâqoc bâfuacnezackohec.' Erâ zi Wofuŋ â go jujâmbâŋkekopirec ŋohere maio zīguc manapaŋkekopac: Hâmoczi bâmbegnukac." ⁴ Iguc mume Jonatanzi zīguc âzâcnewec: "Wiac i me i mutec gore erâ epemu." ⁵ Jonatan e iguc mume Dawidizi zīguc âzâcnewec: "Manakic, tomâcko mosa furune wahacmu. Eme no ira ŋicwofuŋhec nânâ nâpe biankezac. Erâ sifu râecnutec ra soŋkerâ juhape zoaŋ gie bapa jahec â moc irec ŋafe maickezejec. ⁶ Ehame mamacgezi teboo basacnurâ mume zīguc âzâcnezemec: 'Dawidi e damen bemberne sawa Betelehem hae-ticnao jurâ risieocte numu-narejec. Ira hâcne jara sâc Dawidire garikinŋac jaŋere taha bâzi fuaekac i.' ⁷ Eme e, 'Sâcne, bianŋe,' iguc muocmuo ine norao sâckeocmu, me aarickeme dâŋ kosa woseme ine zīguc mana tarazemec: E wiac hâhâwicne ecneocte maname fokac. ⁸ Bombon-nane, nâhâc Wofuŋte maio zâzâfic sananŋe epec, irec manŋe mi betanŋeoc. No kiŋhec ekopacko wemocte mamacgerao bacnu racmu, go gahac qâhâmocnuc." ⁹ Iguc mume Jonatanzi muwec, "No mamac-nanezi guocte manŋehuc jukac i manarâ muzac wemocko hesoŋke-garezapo. I Anutuzi manaha mukopac." ¹⁰ Eme Dawidizi Jonatan zīguc âzâcnewec: "Mamacgezi dâŋ zocnehec egareocmuo ine mozi nazaocmu?" ¹¹ Iguc mume Jonatanzi Dawidi zīguc âzâcnewec: "Waretec gieo ranac." Iguc mume jahe mâmâc jaha gieo rapic.

¹² Ehuc Jonatanzi Dawidi zīguc âzâcnewec: "No Israere Wofuŋ Anutu ere maio mupaŋke-garepe: No tomâcko damen zīgucne mamac-nane mu wioc ecnepe arec jahec â moc eocmu, eme eki go akicguocte manasukac i mutaniŋke-jâmbâŋkeocmuo ine kiŋaŋ sorec-jopape ware gazapie manazemec. ¹³ Me mamac-nane guocte muhame noni ŋezicguhuc egarepe mi wisecmuo ine Wofuŋzi irec okacne i mocwâc bâmâmâckehuc no enarezejec. Wofuŋzi mamac-nanehec juwec irec sâc jaha gohec juzejec. ¹⁴ No mi hâmpemuo ine Wofuŋzi ââgo jujure sâc munâctekac irec sâc enarezemec. ¹⁵ Â no hâmpemuo ine eehâmoge i wiacfâc-nane jaŋerao wâc fohuc juzejec sananŋ. Eme Wofuŋzi Dawidire kisâfâc mâren zirecnec bâsirowec-jopaocmuo ine ¹⁶ Jonatanŋe zâŋezi Dawidire wiacfâc jaŋerao mi râranzezejec. Â Dawidire râsifâc jaŋe ine Wofuŋzi okacne jarezejec." ¹⁷ Iguc muhuc Jonatan e magne Dawidirea domawec i muburockewec. E jahacnere ecnewec irec sâc jaha Dawidire ecnewec.

¹⁸ Eme Jonatan e Dawidi zīguc âzâcnewec: "Tomâcko mosa furune wahacmu. Eme go ira mi jucmu irec nânâ teboo gore ŋeŋe i tacne fome basacguniŋmu. ¹⁹ Go zoaŋ gie bapa jahec â moc eme Ezele qânâ gekacko mârâc tiwâ bâzi fuame soŋkemen ira picpac jaha rarâ soŋkezemec. ²⁰ Ehame no ma moc ira me ira qâtâcnekopac tinac tepe motec jahec â moc irapac qâtâcnepe fâocmu. ²¹ Ehuc ŋicmotec moc tepe motec i roocte

sorehuc zīguc âzâcnepemu: 'Go rarâ tepe motec i bâfuac. Tepe motec i zīgucpec ira honerâ roc.' Iguc mupe manarâ fuazemec. Ira wiac moc mi fua-gareocmu i manapaṅkekopac. ²²Me ṅicmotec e zīguc âzâcnepemu: 'Tepe motec i ocniṅuc ira,' iguc mupe manarâ Wofunzi sorecguocmure wizezemec. ²³Eme zâzâfic epec irec mumutaniṅ i Wofunzi ranqa ranqa junâctezejec."

²⁴Eme Dawidi e ra kâteo soṅkerâ juwec. E ira juhame mosa furune wahame ṅicwofuṅ e nânâ nâocte teboo waha ṅewec. ²⁵Ṇicwofuṅ e ṅeṅe-ticne sâpeopec ṅewecte ira ṅejujec, eme ira hâcne waha ṅewec. Ehame Jonataṅ e ṅifec domawec â Abenezi ine Saulore gâjoṅko ṅewec. Â Dawidire ṅejezi ine tacne ṅewec.

²⁶Eme Saulo e zoaṅ ira dâṅ moc mi muwec. E zīguc manasuweg hâcne: Dawidirao wiac i me i fuawec, me pectâc jâmbâṅ wâc mi mecne jukacte iguc ekac. ²⁷Eme hae fureme Dawidire ṅejezi tacne jaha ṅewec. Irec Saulozi ṅokâ-ticne Jonataṅ wiocnehuc muwec, "Isaire ṅokâ e fuṅne wenigucte jacne mecne â miṅecgac mecne nânâre mi warejec?" ²⁸Iguc wiocneme Jonataṅzi Saulo dâṅ zīguc bâtikiecnewec: "Dawidi e Betelehem hao raocte manacnepemurâ numu-narejec. ²⁹Ehuc zīguc mujec: Manahan rape, soctofafâc-nane jaṅe hae sâkoo tiwâ bâzi rikengopieṅ, ehuc hahac-nanezi rapemurâ munarejec. Irec honecnutec âgoge ekopacko behecnutec rarâ hahacfâc-nane honec-jopape. Irec Dawidi e ṅicwofuṅ gore teboo mi warejec i fuṅne igucte hacne."

³⁰Eme Saulozi Jonataṅ mana gâpârecnerâ muwec, "Ṇokac kosane â fecbâsicne eraonec fuakicne go, no fuṅnege mi manakopac me? Go Isaire ṅokâ âgo egareocte rowosâemeṅ i go gahacnao â neggocgere qâric fufua mimi foecte hâcne. ³¹Isaire ṅokâzi mâreṅko juhame go gahacne mi juhâmocmu â ṅicwofuṅ ṅejege mi ṅesanaṅkeocmu. Irec go kiṅaṅ soretec ra rorâ norao bawareniṅ, e hâmocte biṅe ekac." ³²Eme Jonataṅzi mamac-ticne Saulo dâṅ zīguc bâtikiecnecnerâ muwec: "E wemocte qâhâmozo? Wemo wiac moc ejecte?" ³³Eme Saulozi âeckeocte sându wickecnewec. Iguc eme Jonataṅzi zīguc hone tarawec: Mamac-nanezi Dawidi qaocte mana sananṅekac. ³⁴Irec Jonataṅ aaricke sâqoreme teboonec fahare rawec, ehuc mosare zoaṅ namba 2 ira nânâ moc mi nâwec. Wiac mamac-ticnezi Dawidi ṅic maio bawahawecte busâqoc mana utuckewec i!

³⁵Hae fureme Jonataṅzi uupictea gieo Dawidihec muc manac epicko rawec, ehuc motec piticne moc jowame mâmâc rapic. ³⁶Erâ motec-ticne hâcne âzâcnewec, "Gasacke rarâ tepe motec qâtâcnepe fâocmu sâc roze-mec." Motec e gasacke rahame tepe qâtâcneme motec huckehuc jâururâ rawec. ³⁷Eme motec e Jonataṅzi tepe qâtâcneme rawec i fowec ira ra fisime Jonataṅzi motec hâcne wiracne muwec, "Tepe motec ocniṅuc rajec fokac i." ³⁸Erâ zuhuckerâ wira muwec, "Uneṅ boc mi juhuc biac warec." Eme Jonataṅte motec e tepe nuse-fârerâ bombon-ticnerao barâ warewec.

³⁹Wiac ekicne irec fuṅne moteczi mi manawec, Jonataṅ â Dawidi jahe buc manapic. ⁴⁰Eme Jonataṅ e tepe wiac-ticne motec râcnehuc âzâcne muwec, "Wiac zi hao bafec." ⁴¹Motec e rahame izia Dawidi e qânâ guru râpenao foweckonec faharerâ ware zâṅe mainezi mâreṅko hetutuckewec. Erâ arec jahec â moc fodapewec. Eme jahe mumuduc erâ kikioc epic, eku Dawidi bune uruweg. ⁴²Eme Jonataṅzi Dawidi zīguc âzâcnewec: "Go wamao razemec, nâhâc dâṅ murâ Wofunṅe maio mupaṅkepac, dâṅ i Wofuṅ e jahac nâhâcnao â qâricfâc-nâhec jaṅerao soṅaṅke rahuc juzejec sananṅ." Eme

Dawidi e fahare rawec, â Jonatanzi haeo risie fewec.

Dawidi e Saulore hâwickeme wisewec

21 Eme Dawidi e wiserâ raku Nobo haeo taha bapa Ahimelectao fisime eki faharerâ Dawidi zîguc muhuc wiocnewec: "Go wemocte buc warekic?" ²Mume Dawidizi dâŋ zîguc bâtikiecnawec: "Ŋicwofuŋ e hata jukopac zîrec sorecnuhuc zîguc muwec: 'Go wemo wiacte sorecgukopac â wemo dâŋ jaha gazahuc sorecgukopac i ŋic moc mi jazazemec.' Eme haeonec faharehuc ŋicmotecfâc-nane jajehec hae mocko bâbâfua enaŋte dameŋ babac embeŋ. ³Irec go wemo wiac jaha fogarekac? Go poroŋ memoc narec, me fogarekac sâc narec." ⁴Mume taha bapazi Dawidi dâŋ zîguc bâtikiecnawec: "No poroŋ omane i moc mi fonarekac, poroŋ furu mukicne i sawa ine fonarekac." Erâ zuhuckerâ muwec, "Ŋicmotecfâcge jaje ŋokac dic bajareengopieŋ me?" ⁵E iguc mume Dawidizi dâŋ zîguc bâtikiecnawec: "Nâŋe faharembenkonectean juhapene zoaŋ gie bapa jahec â moc zi ŋokac jaje râpec-jopa-jâmbângekicne. Irec ŋicmotec jaje qaqacne jurgopieŋ. Wemonea moc zuhuckerâ qaqackezo?" ⁶Iguc mume taha bapazi poroŋ gâcne mi focnewecte ŋic ŋokac jowatuhuc râekicne poroŋ tirine i hâcne rorâ râcnawec. Poroŋ qâricne râe jumbieŋ dameŋ ira ine ranqane i Wofuŋte maionec bârârie jumbieŋ.

⁷Ehame zoaŋ ira wâc Saulore kiŋaŋ qaqafâc jaŋeraonec Edomŋic moc zâŋene Doege e ecnepie Wofuŋte maioa juwec. E Saulo lama soŋaŋfâc-ticne jaŋere micne.

⁸Eme Dawidizi Ahimelec zîguc muhuc wiocnewec: "Go sându me zika wiac moc mai jaha fogarekac me? No ŋicwofuŋte gie zizi fâronehec ewecte sându me zika wiac moc mi rorâ warepo hâcne." ⁹Mume taha bapazi muwec, "Go gahac Ela wânengko Filisa ŋic Goliata qameŋ ere zika sawa qoruczi foŋkekicne taha bapa ŋaŋi râpenao domakac. Zikare wiac moc zira moc mi fokac, i sawa hâcne. Eme go i rozo mukicko roc." Mume Dawidizi muwec, "Eme narec, zika igucne moczi moc mi bajukac."

¹⁰Eme zoaŋ ira Dawidizi Saulore hâwickeme wiserâ Gati ŋicwofuŋ Akisirao rawec. ¹¹Rame Akisire kiŋaŋ qaqafâc jaje honerâ ŋicwofuŋ zîguc âzâcnembig: "Zi Dawidi jâmbân, mâreŋ zîrec ŋicwofuŋ hâcne. Ŋokac jaje ere hâcne gae zîguc hehuc wombiŋ:

'Saulozi ŋic 1 tausen jopawec

â Dawidizi ine 10 tausen jopawec.'

¹²Eme Dawidi e dâŋ mumbiŋ i maŋkerâ manatâc qâtâc ehuc Gati ŋicwofuŋ Akisire hâwicke sâqorewec. ¹³Hâwicke sâqoreme jaŋere maio eebapa-ticne herisieme mutuc matacne hawari ewec. Erâ haere sacmotâcko qâreŋ wiac bame micopâ-ticnezi mecâwâ-ticnao qâniniperâ wahawec. ¹⁴Iguc eme honerâ Akisizi kiŋaŋ qaqafâcne zîguc jazawec: "Honeniŋ, ŋic zi mutucne, ŋoŋe wemocte jowa warembieŋ? ¹⁵No ŋic igucne basac-jopakopac me, irec ŋoŋe ŋic zi mâsi igucne eocte norao jowa warembieŋ? Ŋic igucnezi nore ficko mi juzejec."

22 Eme Dawidi e hae i beherâ wise ra Adulam qânâ hawecko soŋkerâ juwec. Ira jume hahacfâcne â mamac-ticnere wiacfâc jaje bige manarâ erao rambiŋ. ²Ehame ŋic wiac izi me izi bâmâmâc-jopawec â tofa fojarewec â wiac irec me irec manapie mi sâckewec jaje erao tumaŋne-

-fârepie eki micne-jergic juwec. Ɖic 400 heririj ehac jumbij.

³ Eme Dawidi e irecnec Moabi mârenko hae moc ɣewec zâgene Mizipe ira rawec. Ehuc mârenj irec ɣicwofunj zɣuc muhuc wâsickewec: "Anutuzi norao gie weniguc jaha baocmu irec wonec mana-naretec nengoc mamac jahec-nane gorao râec-jofape juzepirec." ⁴ Iguc murâ Moabi ɣicwofunƣtao râec-jofame jahe Dawidizi hae sanagko ɣene juju ewec damej irec sâc ɣicwofunƣhec jujupirec. ⁵ Ehome porofete Gadezi Dawidi zɣuc âzâcnewec: "Go hae sanagkoa boc mi juc, beherâ Juda mârenko rac." Iguc âzâcneme Dawidi e hae sanaj i beherâ Hareta kâte mârenko rawec.

Saulozi Nobo haeonec taha bapa jopawec

⁶ Dawidi â ɣicfâcne jaje bâfuac-jopakicne, biɣedâj iguc Gibeaa haeo Saulorao fisiwec. Â Saulo e ine sându-ticne barâ tikitonko kasaj kasaj jâc nâkumucnao ɣehame ɣinaj qaqafâcne jaje rârec bârârec doma rambij. ⁷ Eme irec zɣuc jazawec: "Benjaminj ɣic, ɣone hazec râenij: Ɖone Isai ɣokâ-ticnezi waij gie â giegaj gâcne ɣare-fâreocte egarekac me? Erâ wâc ɣone sasawa momori 1 tausenj â 100 jajere micne âkendâj-ɣopaocmu me?" ⁸ Eme irec hâcne ɣone râsi enare-fârengopienj. Ɖokâ-nanezi Isai ɣoka-ticnehec maj mocjaha epic i ɣoneaonec moczi moc mi naza-jâmbâjkewec. Me ɣoneaonec moczi nore busâqoc manarâ ɣokâ-nanezi no nahacne ɣinaj qaqa ecneme somâcnuhuc jukac i wâc mi mufua-narembij." ⁹ Iguc mume Edomɣic moc zâgene Doege e Saulore ɣinaj qaqafâc jajehec domahuc dâj zɣuc bâtikiecnewec: "No Isai ɣokâ-ticne e Nobo haeo Ahitubu ɣokâ-ticne zâgene Ahimelec erao fisime honepo." ¹⁰ Eme Ahimeleczi ere erâ Wofun mu wioc ecnehuc hatere nâsij â Filisa ɣic Goliatere zika iguc râcnewec."

¹¹ Iguc mume ɣicwofunƣi taha bapa Ahimelec â wiacfâcne taha bapa sasawa Nobo haeo jumbij jajerao ɣinaj sorec-jopame rarâ ejarepie ɣicwofunƣtao fisi fua-fârembij. ¹² Fua-fârepie Saulozi muwec, "Ahitubu ɣokâ-ticne go hazec râec." Mume Ahimeleczi muwec, "Sâcne, bomboj-nane." ¹³ Mume Saulozi âzâcnewec, "Go Isai ɣokâ-ticne ɣohe wemocte râsi enarekopirec? Go ere erâ Anutu mu wioc ecnehuc nânâ â zika râcnemej. Eme e irec damej zi râsi enarerâ somâcnuhuc jukac." ¹⁴ E iguc mume Ahimelec dâj zɣuc bâtikiecnewec: "Ɖinaj qaqafâcge jajeraonec mozi Dawidire sâc juhuc ɣicwofunƣe kimo jukac? Erâ e ɣic omane mâcne, ɣinaj qaqafâcge jajerao zuhucketec gie fekicnao jukac." ¹⁵ Irece no ere erâ Anutu mu wioc ecnepe sâqorewec me? Aricne, irec ɣicwofun go ɣinajɣicge no â garikij-fâc-nane nâje mangâj dâj mi munârezemec. Ɖinajɣicge no dâj sasawa mukomec i pitic siɣsiɣne moc mi mana hugganƣe-jâmbâjkekopac." ¹⁶ Mume ɣicwofunƣi muwec, "Ahimelec, go gahacne â ɣicfâcge sasawa ɣone hâmo-jâmbâjkenigmu." ¹⁷ Iguc murâ momori funfunfâcne gâjonɣnao domambij jaje zɣuc jazawec: "Ajoc, Wofunƣe taha bapa jopanij. Dawidihec hehezakiec ehuc wisewec i mana-bipiehuc sifu mi mufua-narembij." Eme ɣicwofunƣe ɣinaj qaqafâc jaje Wofunƣe taha bapa jopanijte mejenjic ɣemâckewec. ¹⁸ Jaje iguc epic ɣicwofunƣi Edomɣic zâgene Doege e zɣuc âzâcnewec: "Doege, goki faharerâ taha bapa jopac." Iguc mume Doegezi zoaj ira taha bapa 85 ɣaqi qanqan rojumbij jaje qâhâmoc-jopawec. ¹⁹ Ehuc taha bapa jajere hae i zikazi imackewec. Erâ ɣic ɣokac, naru motec â kogoc geune, erâ dongi â lama bulimakao wiac i

zikazi jopa miziewec.

²⁰ Eham Ahitubu nokâ-ticne Ahimelecte nokâ mocjaha, zâjene Abiata e wiserâ Dawidirao rawec. ²¹ Rarâ Dawidi binar bacnehuc Saulozi Wofunje taha bapa qâhâmoc-jopawec i âzâcnewec. ²² Âzâcneme Dawidizi Abiata zinguc muhuc âzâcnewec: "Edomgic Doege e damen ira ijaha juwecte biac zinguc manapo: E Saulo âzâcne-jâmbângkeocmu. No wiacfâcge janere juju i rofe zorangko râepo. ²³ Irec go nohec zira juc, mi hâwicguoc. Jujuge gowac roocte manasuhuc basacgukac e nore juju wâc mâmâc nowac roocte basacnukac jaha. Go nohec zira sahac furu sâcne jucmu."

Dawidi e Keila hao â mârenj burocnao juwec

23 Juku gic gâcne jage Dawidi zinguc âzâcnembij: "Manakic, Filisa gic jage Keila hao zika qahuc padi rowangfic-jenickonec padi jowac rongopierj." ² Inguc mupie manarâ Dawidi e Wofun mu wloc ecnehuc muwec, "No sâcne rarâ Filisa gic jopapemu me?" Mume Wofunzi Dawidi zinguc âzâcnewec: "Ajoc, go rarâ Filisa gic jopahuc Keila hao rezickek." ³ Eham Dawidire gicfâc jage zinguc âzâcnembij: "Manakic, Juda mârenjko zira hâwic-nâpoekac, eme Keila hao rarâ Filisa momori guru zikare fânoc hejarenangmuo ine wiac hâhâwicne fua-nâreocmu." ⁴ Jage inguc mupie Dawidizi Wofun mocwâc mu wloc ecneme Wofunzi muwec, "Ajoc, go faharerâ Keila hao huc. No Filisa gic gore meo râec-jopapemu hâcne." ⁵ Wofunzi inguc mume Dawidi â gicfâcne jage Keila hao rarâ Filisa gic jagehec qaqac erâ mâretec imac-jopahuc bulimakaofâc-jenig jowac rorâ bacjopa wisembij. Dawidi e inguc ehuc Keila hao rune batarac-jopawec.

⁶ Eme Ahimelec nokâ-ticne Abiata e taha bapa ngâq rorâ wiserâ Keila hao Dawidirao ra fisiwec: ⁷ Eham gic gâcne jage Dawidizi Keila hao fisiwec irec birje i Saulo âzâcnembij. Âzâcnepie Saulozi muwec, "Anutuzi menaneo râekac. E jahac hao sacsana-gicnehec ira razime hata zickekne-kac hâcne." ⁸ Inguc murâ Keila hao hurâ Dawidi â gicfâcne somâc-jopahuc



Hae moc qânâsac-ticnehec

jopanigte gic hefârec-jopawec. ⁹ Eme Dawidi e Saulozi wiac hehesicne ecneocte mankehuc juwec i manarâ taha bapa Abiatazi taha bapa gaci bafisiocte âzâcnewec. ¹⁰ Erâ Wofuŋ numucnehuc muwec, "O Israere Wofuŋ Anutu, kiŋagŋicge no Saulozi Keila haeo warerâ nore erâ hae zi bâsiro-weocte mankehuc jukac irec biŋe manakopac. ¹¹ Eme Keila hae rune jaŋe dockerâ ere meo râecnuniŋmu me? Saulo e biŋe-ticne manakopac iŋuc jâmbâŋ wareocmu me? O Israere Wofuŋ Anutu, no kiŋagŋicgezi numu-garekopte nazac." Dawidi e iŋuc numume Wofuŋzi muwec, "E ware-jâmbâŋkeocmu." ¹² Iŋuc mume Dawidizi Wofuŋ ziŋuc muhuc wiocnewec: "Keila hae rune jaŋe dockehuc no nahacne â gicfâc-nane nâŋe Saulore meo râec-nâponiŋmu me?" Mume Wofuŋzi muwec, "Jaŋe dockerâ erao râec-guniŋmu hâcne." ¹³ Iŋuc mume Dawidi â gicfâcne 600 heririŋ jumbiŋ jaŋe faharerâ Keila hae beherâ ŋe qatara jumbiŋ. Ehame Saulo e Dawidizi Keila hae beherâ wisewec biŋe i manarâ raocte muwec i behewec. ¹⁴ Eme Dawidi e mâreŋ burocnao raku 3ifi tiki mâreŋte hae sanagko ŋeŋe juju ewec. Ehame Saulozi qaocte damen sâc basahame sifu Anutuzi mi manacnewec.

¹⁵ Dawidi e Saulozi qâhâmoocte fisiwec i mana tarawec. Eme Dawidi e 3ifi mâreŋ burocnao Horesa haeo juwec. ¹⁶ E ira juhame Saulo ŋokâ-ticne Jonatanzi Anuture zâŋeo iqickerâ mu keten ecnewec. ¹⁷ Ehuc muwec, "Mi hâwicguoc, mamac-nanezi go mi bâfuacguocmu. Go Israere gicwofuŋ erâ juhanŋe no gore wahamicne erâ gâjongao juzokopac. Mamac-nane Saulo e wiac zi manakac wâc." ¹⁸ Eme jahe Wofuŋte maio zâzâfic sanagne epic. Ehuc Dawidi e Horesa haeo juhame Jonatanzi hae-ticnao risiewec.

¹⁹ Eme 3ifiŋic jaŋe Gibe a haeo Saulorao rarâ ziŋuc muhuc âzâcnembij: "Dawidi e nâŋerao Hakila tiki mâreŋko Jesimoniŋ hae juwicnao Horesa mâreŋko ira hae sanagko soŋkerâ jukac. ²⁰ O gicwofuŋ, mangezi muocmu sâc picpac jaha wahac. Eme nâŋe gore meo râenagmu." ²¹ Iŋuc mupie Saulozi muwec, "Wofuŋzi jambuŋ-ŋopazejec. Ŋoŋe sowine nore busâqoc managopien. ²² E eeatuc gic sâric, iŋuc mupie manakopac, irec ŋoŋe zi rarâ mu wioc ejâmbâŋkehuc wena jaha jukac â mozi honeme jukac i mâmâc mananiŋ. ²³ Ŋoŋe rarâ ŋonden wenimoira jâmbâŋ soŋkerâ jukac i hone-fârêrâ dâŋ fârinea barâ warezepien. Eme no ŋoŋehac fârâ mâreŋ ijaha jukacko Judanŋ gurune gurune jaŋerao basapemu." ²⁴ Eme jaŋe 3ifi mâreŋko bânierâ rambiŋ.

Eme Dawidi â gicfâcne jaŋe Jesimoniŋ hae juwicpec Maon mâreŋ burocnao jumbiŋ. ²⁵ Ehame Saulo â gicfâcne jaŋe basaku bâfuanigte rambiŋ. Rapi Dawidizi manarâ Maon mâreŋ burocnao qorac moc ŋewec ira ra soŋkerâ juwec. Eme Saulo e iŋuc manarâ Dawidi jâperâ Maon mâreŋ burocnao rawec. ²⁶ Rarâ Saulo e tiki gifechnao juhame Dawidi â gicfâcne jaŋe tiki gifechnao jumbiŋ. Eme Saulo â gicfâcne jaŋe Dawidi â gicfâcne rocjopanigte orâŋ-jopapie Dawidizi wiseocte fâro jaha ewec. ²⁷ Ehame kiŋagŋic moczi Saulorao rarâ ziŋuc muwec: "Go bâruŋ jaha warec, Filisa gic jaŋe mâreŋ-nâŋecko râsi fisiŋgopien." ²⁸ Eme Saulo e Dawidi jâpeocte muwec i beherâ Filisa gic jopaocte rawec. Eme mâreŋ ŋonden irec zâŋe Rârâwiŋ Qorac mujumbien. ²⁹ Eme Dawidi e irecnec rarâ Engedi hae sanagko ŋeŋe juju ewec.

Dawidizi Engedi qânâ hawecko Saulo akickewec

24 Saulo e Filisa ñic jopa jâpec ejareku risiehame zinguc âzâcnembiñ: "Manakic, Dawidi e Eggedi mâreñ burocnao jukac." ² Ñguc mupie manarâ Saulozi Israe guruonec ñic zikafac 3 tausen bâwosâec-joparâ micne bajareme Dawidi â ñicfâcne basac-jopaniñte Kâte Noniñ jañere Qorac ira rambiñ. ³ Raku lama sapa mocko fisimbiñ, eme irec herirignao hawec moc fowec. Eme Saulo e ira ho fâzi eocte raziwec. Ehame Dawidi â ñicfâcne jañe hawec fâhâgnao jâmbâñ songerâ ñembiñ. ⁴ Ñehuc ñicfâcne jañe Dawidi zinguc âzâcnembiñ: "Wofuñ e mupañkehuc wiac eocte muwec irec dameñ zi hâcne maiccekac, e kisâge megao râekac hâcne. Irece go gahac manakic sâc ecnec." Ñguc mupie Dawidi e faharerâ kamic kamic jaha rarâ Saulore ñaqi tofane bâtâcnewec. ⁵ Eme Dawidi e Saulore ñaqi tofane bâtâcnewec irec mañezi mâretece tutuc qacnewec. ⁶ Ehuc ñicfâcne zinguc jazawec: "Wofuñ e bombon-nane wokemañ ruacnewecte wiac ñucne ecnepe maname mi sâckeocmu. E Wofuñzi wokemañ ruacnewec hâcne." ⁷ Dawidi e ñicfâcne dâñ ñguc jazahuc Saulo qaniñte mi mana-jarewec. Eme Saulo e faharerâ hawec beherâ hata-ticne zuhuckerâ rawec.

⁸ Ehame Dawidi e wâc ñguc jaha faharerâ qânâ haweckonec wefurâ Saulo wiracnehuc muwec, "Ñicwofuñ-nane." Eme Saulozi forisie firâ honeme Dawidi e dapecnehuc zâñe maine mâreñko hetutuckewec. ⁹ Dawidi e ñguc erâ Saulo zinguc âzâcnewec: "Go ñic jañe dâñ zinguc muñgopien irec wemocte hazec râekic: 'Manakic, Dawidi e sipiricguocte basacguhuc jukac.'" ¹⁰ Manakic, miñecgac zoañ zira Wofuñzi qânâ hawecko menaneo râecgujec i honekic hâcne. Eme gâcne jañe gupemurâ fotarie-narepie sifu akicgupac. Ehuc zinguc mupac: "E Wofuñzi wokemañ ruacnewecte menanezi bombon-nane mi bâuazepac." ¹¹ O bombon-nane, ñaqige susucne badomakopac zi honec. I no nahac bâtâcnepac, erâ sifu mi gupac. Eme izi hâcne zinguc gowatuzejec: No ba imac egarezore me sipiricguzore moc mi mañkehuc jukopac, erâ wâc wiac hehesicne moc mi egarepo. Ehame go ine mañgânko nûcmurâ basacnuhuc jukomec. ¹² Irece Wofuñzi nâhâcne dâñ fârine muzejec. Erâ Wofuñzia nore erâ okacne gareocte wiac moc muocmuo ine menanezi sifu mi bâuacguzepac. ¹³ Muqâqin dâñ ranqane moc zinguc muengopien: 'Sâqocne bapazi sâqocne bâfuaengopien.' Â noni ine sifu menanezi mi bâuacguzepac. ¹⁴ Israere ñicwofuñ e mo qa jâpec ecnehuc jukac? Go wemo wiac qa jâpec ecnehuc jukic? Qâto hâmocne moc, me fitic moc qa jâpec ecnehuc jukic me? ¹⁵ Wofuñ e nâhâcne dâñ fârine mutarazejec. Ehuc fuñne-nane mana-hâmorâ nore dâñ muhuc gore meonec bataracnuzejec."

¹⁶ Dawidi e dâñ i Saulo âzâcne-fâreme Saulozi muwec, "I Dawidi ñokâ-nane go gahac jâmbâñ me?" Ñguc murâ owa ruruckehuc kiowec. ¹⁷ Ehuc muwec, "Go siricnuhuc wiac etignerâ eekic. No wiac hehesicne egarehape go ine wiac biagne bâtikie-narekomec. ¹⁸ Erâ zoañ zira Wofuñzi megao râecnume mi nuhuc wiac biagne enareme i mutanigkekomec. ¹⁹ Mo ñiczi kisâ-ticne bâfuarâ beheme saha furu raocmu? Eme zoañ zira wiac biagne enaremece irece Wofuñzi katucne garezejec. ²⁰ Eme zi goki ñicwofuñ jucmu â Israere uucmañzi gore meo fosanangkeocmu i manapañkekopac. ²¹ Eme go qâricfâc-nane mi bâsirowec-jopacmurâ â zâñe biñe-nane i mamac-nanere garikinñac jañerao wâc mi bârârâñnecmurâ Wofuñtao qetick-ehuc mujomire-narec." ²² E ñguc mume Dawidizi irec sâcko Saulo

mujomirecnewec. Eme Saulo e hae-ticnao risiehame Dawidi â njicfâcne jaje hae sananjo ferâ jumbij.

Dawidi â Abigai jahere binaj

25 Juku Samue hâmore Israe njic jaje tumagnerâ ki mamakuc ehuc Rama haeo ficticnao jaha duckembij. Eme Dawidi e faharerâ Paraj mârenj burocnao huwec. ² Eme Maon mârenjo njic moc juwec, e giegar-ticne i Karamele haeo fowec. Erâ e lama bulimakao guru sâkohec juwec. E lamafâc-ticne 3 tausenj jucnembij â noninjâcne ine 1 tausenj domacnembij. Eme e Karamele haeo lama kanzaj bââtâcnehuc juwec. ³ Njic ere zaje Nabali â nonân-ticnere Abigai. Abigai e sahac hawari-ticne bianje â mamanahec juwec, â howe-ticne Nabali e ine Kalebere soçtofa, erâ e njic zâzâicne â manjoc-ticne bemberne. ⁴ Eme Dawidi e mârenj burocnao juhuc zijuc mupie manawec: Nabali e lama kanzaj bââtâcnehuc jukac. ⁵ Injuc manarâ njicfâc-ticne janeraonec 10 sorec-jopahuc zijuc jazawec: "Njone Karamele haeo ferâ Nabali bâfuarâ nore bubian dâj âzâcnenzepienj. ⁶ Ehuc zijuc munzepienj: 'Go gahacne â wiacfâcge erâ wiacte wiac fogarekac sasawa nonjerao wama â mazuc mâriri fofodundun jaha fozejec. ⁷ Go lama kanzaj bââtâcnekomec injuc mupie manakopac. Eme lama sonanjfâcge jaje jucne mac nâjehec jumbij, ehame nâje mi bâzâic-jopambenj. Jaje nâjehec damenj zora Karamele hae mârenjo juhapie wiac moc mi sifucke-jarewec. ⁸ I njicfâcge wio-jaretec sâcne gazanijmu. Irec go njicfâc-nane uruc zuhuc jaha rocjopazemec. Nâje damenj bianjo warengopenente go kijnanjicfâcge â motecge Dawidi nâje wiac fogarekac sâc nârec.'"

⁹ Eme Dawidire njicfâc jaje Nabalirao fisirâ dâj i âzâcne-fârerâ wonjec domambij. ¹⁰ Eme Nabalizi Dawidire njicfâc dâj zijuc bâtikie-jarewec: "Dawidi e mo? Isaire nokâ e mo? Dâmenj zi kijnaj qaja jaje bombonjâc-jenij râpec-jopa-fârengopienj. ¹¹ No lama kanzaj bâbâtâc-fâc-nane janjere poronj, opâ â qowi bâmockepac i wemocko mârenj mi manakopackonec warembienj njone njarepemu." ¹² Injuc mume Dawidire njicfâc jaje risierâ dâj sasawa muwec i Dawidi âzâcnembij. ¹³ Âzâcnepie zijuc jazawec: "Njone zika-njenij rofârenij." Eme njic jaje zika-jenij rofârepie Dawidi e jahacne wâc injuc jaha zika-ticne rowec. Eme njic 200 jaje mafa sonanj njehapie 400 jaje Dawidi bâjâpepie rambij.

¹⁴ Ehame njicmotec moczi Nabali nonân-ticne Abigai zijuc âzâcnewec: "Manakic, Dawidi e bombonj-nâjactao wiac moczi janj piticne bacjopaocte kijnaj sorec-jopame fisipie owacke-jarejec. ¹⁵ Njic i jaje bianje jâmbân enârembij. Nâje jajehec kâteo jumbenj damenj ira wiac i me i basahuc hume sererenj me zâic busâqoc i mi bâfuambenj. ¹⁶ Nâje jajehec lama sonanj-jopahuc jumbenj ira jaje hâcne njafeo â zoanjo sac sapa bianj enârehapie jumbenj. ¹⁷ Irec go dâj zi manarâ wiac weninjuc jaha ecnu i mana wosâc ec. Zi wiac hâhâwicnezi bombonj-nâjec â wiacfâcne nâjâcnao fuaocce manasupie fokac. Bombonj-nâjec e ine manjoc-ticnehec, irec moczi dâj sâcne mi âzâcneocmu."

¹⁸ Injuc âzâcneme Abigaizi bârunj jaha poronj 200 â wajj zopo jajahec, erâ lama hezukicne 5 â jacgonj fanfanjekicne gâcne, erâ wajj hândâj kerejne makenehec 100 â jâmbô hândânzi poronj bakicne 200 injuc rorâ dongio râwec. ¹⁹ Injuc erâ njicmotecfâcne zijuc jazawec: "Njone barâ bâniehapie zâhec fâpe." E wiac ewec i howe-ticne Nabali moc mi âzâcnewec. ²⁰ Eme

gokac e dongi-ticnao ferâ ñehuc raku tiki râpenao huame Dawidi â ñicfâcne warepie bâfuac-jopawec. ²¹ Dawidi e zîguc muhuctecne faharewec: "Nâñe mâreñ burocnao mangân jaha ñic ere wiac songañkehapene wiac moc mi sifuckecnewec. Eme e wiac biannere okacne hehesic bâtikie-narekac." ²² Dawidi e iguc muhuc zîguc mupañkewec: "No hae fureme jañeraonec ñic moc hetiripe juocmuo ine Anutuzi okacne bâmâmâckehuc enarezejec."

²³ Eme Abigaizi Dawidi honerâ bâruñ jaha dongionece waharâ dapecnehuc zâñe mai-ticne mâreñko hetutuckewec. ²⁴ Ehuc kikefugnao fodaperâ muwec, "Bombon-nane, kiñ i nore biñe ezejec. Kiñañ qaqage no mana-naretec dâñ muhape bombon-nane go mâc manazemec. ²⁵ Bombon-nane, go magzocñic Nabalire manatec fârine mi ezejec. E zâñe-ticnezi mukac irec sâcko hâcne juekac, zâñe-ticne 'Mutuc', eme irec eebapa-ticnezi mutucnea efârekac. Bombon, go ñic sorec-jopameñ i no nahac mi honec-jopapo. ²⁶ Bombon-nane, Wofunje maio â gore maio mujâmbâñkekopac: Aaricgere okacne jarehuc soc kosa hohonke i Wofunzi qatara-garewec. Eme kisâfâcge mecne â omaetec honecguzo ejarekac jañe mecne Nabalire sâc efârenzeñie. ²⁷ Eme bombon-nane, kiñañ qaqage noni taha bawarepac zi ñicfâcge jarezemec. ²⁸ Bombon-nane, kiñañ qaqage nore kiñ beheç. Go Wofunje zika gie bameñte Wofunzi garikinñâcge basanañ-jopame juranzongopieñ. Go juhañte wiac mimicnezi mi maicguzejec. ²⁹ Ñic i me izi jâpecguhuc qâhâmcguzo eocmu ine Wofun Anutugezi jujuge fosâockehuc e jahacne zeñañko râezejec, â jujuge sipirickezo engopieñ jañere juju ine tacbañko qânâ râehuc qapene raekac iguc ezejec. ³⁰ Eme Wofunzi mupañke-garewec irec sâcko wiac biagne egarehuc Israe ñic jañere micne bapa âkendânguocmu. ³¹ Eme bombon-nane, go gahac okacne kosa jarenzan me funje tâmiricko soc honkenzan irec manasurâ busâqoc â buzâic fua-garezac. Zi ine mi fua-garezejec. Eme juku Wofunzi bombon-nane go ehâmo-areme kiñañ qaqa nore mac manasuzemec."

³² Iguc mume Dawidizi Abigai dâñ zîguc bâtikiecnawec: "Israere Wofun Anutuzi miñecgac sorecgume ware bâfuacnukicte e mumbiankezo. ³³ Erâ mamasasu biagne i mumbiankezo, â go soc honkehuc kiñhec ezipore â aaric-nanere fârine bâfuazipore aka henaremete mumbianguzo wâc. ³⁴ Erâ Israere Wofun Anutu e jukacte mi bâzâicgupemurâ muacnuwec. Go fâro erâ norao mi fisinzan muzac ine hae fureme Nabalire ficko ñic mocjaha mac moc mi mujâmbâñkezac." ³⁵ Dawidi e iguc murâ Abigaizi wiac sasawa bafisiwec i rowec. Ehuc zîguc âzâcnawec: "Go wamao ficgao razemec. No dâñge manahuc kio wâwâsicgere sâcko mana-garekopac."

³⁶ Eme Abigai e risierâ Nabalirao fisiwec. Ehuc honeme Nabali e ficticnao ñicwofunje tiwâ bâzi qaqane tinac e jahacne tiwâ bâzi sâko qame fisiwec. Eme opâ sanañ boc nâwecte zeri sâko bâfuawec. Eme e risierâ wiac ebac ewec irec biñe i ñowe-ticne biac mi âzâcnawec, hae fureme sawa ine âzâcnawec. ³⁷ Hae fureme wañte tâpiri fâre wahame gonân-ticnezi dâñ sasawa i Nabali binañ bacne-fârewec. Eme manñicne gâckeme qânâ tinac erâ fowec. ³⁸ Ehame zoañ gie bapa 10 tarame Wofunzi Nabali qame hâmowec.

³⁹ Eme Dawidi e Nabali hâmowec irec biñe manarâ zîguc muwec: "Wofun e jahac mumusorinñte okacne Nabali bâtinnekac, ehuc kiñaññic-ticne no bahac bâfuazipore aka henarewec, irec e mumbiankezo. Wofun e Nabalire hehesic sasawa i bâtikieme e jahacne faio fekac." Iguc murâ Abigaizi

nonân-ticne ezac me mâcne, irec wiocnenigte Dawidizi kiñaj sorec-jopame rambij. ⁴⁰ Raku Karamele hao Abigairao fisirâ zinguc âzâcnembij: "Dawidi e jowacgupene rarâ nonân-ticne ecmurâ sorec-nâpojec." ⁴¹ Iguc âzâcnepie faharerâ dapehuc zâñe mai-ticne mâreñko hetutuckehuc muwec, "Kiñaj naru-ñejic no kiñaj qaqa moc erâ juhuc bombon-nanere kiñaj qaqañac jañere kike zuzurere sâc ekopac." ⁴² Iguc murâ Abigai e picpac jaha faharerâ dongi faio feme kiñaj narufâcne 5 jañe qâtepie rambij. E Dawidire kiñajñic bâjâpec-joparâ raku fisirâ Dawidire nonân ewec.

⁴³ Dawidi e Jesere haonec ñokac moc zâñene Ahinoam e wâc iguc jaha nonân-ticne rowec. Eme jahe mâmâc jaha nonân jahec-ticne epic. ⁴⁴ Â nonân-ticne moc, zâñene Mikali, e mamac-ticne Saulo e jahac rorâ Laisi ñokâ-ticne Palati, Galim hao juwec, e râcnawec.

Dawidizi 3ifi hao Saulo akickewec

26 Eme 3ifiñic jañe Gibeao hao Saulorao fisirâ zinguc mumbij: "Dawidi e Jesimog faicnao Hakila tikio sonkerâ jukac." ² Iguc mupie manarâ Saulo e faharerâ ñic 3 tausenj bâwosâec-joparâ micne bajarehuc 3ifi mâreñ burocnao Dawidi basaocte mocwâc huwec. ³ Ehuc Jesimog faicnao Hakila tikire hata heririgko teuj âterâ fowec. Â Dawidi e ine mâreñ burocnao zuhuckerâ juwec. Eme Saulozi jâperâ mâreñ burocnao ware fisime honewec. ⁴ Honerâ, Saulo e jâmbomac ware fisiwec, iguc mana taraocte ruc bapa ñic sorec-jopawec. ⁵ Eme Dawidi e jahac faharerâ Saulozi teuj âtepec mâreñ ñonden ira rawec. Ehuc Saulo e momori jañere micne moc Nera ñokâ-ticne Abenehec mâreñ ñonden wena jaha fopie i honewec. Saulo e momori guru jañe orâñ bârâñ ecnerâ fohapie ñonden-ñejicko fowec.

⁶ Eme Dawidi e Hitigic Ahimelec â Zeruja ñokâ-ticne Joabere hahac Abisai jahe wio-jacterâ muwec, "Mozi nohec Saulore teujko hunacmu?" Wiome Abisaizi muwec, "Noni gohec hupemu." ⁷ Iguc mume Dawidi â Abisai jahe gafeo Saulore momorifâc jañerâo hupic. Eme Saulo e sându-ticne qizecnao wireme domame momori jañere ñondenjo guñ fowec. Ehame Abene â momori gâcne jañe e orâñkerâ forambij. ⁸ Forapie Abisaizi Dawidi zinguc âzâcnawec: "Damenj zi hâcne Anutuzi kisâge megao râekac. Eme irec mana-naretec sânduzi arec jajahec mi âeckehuc arec mocjaha sawa mâreñhec râñkeme âke kindegnepe." ⁹ Iguc mume Dawidizi dâñ zinguc bâtikiecnawec: "Go e mi bâsirowezemec. Wofunji wokemañ ruacnewec ñic e mo ñiczi ba bâuac ecnehuc kiñ tâmiric juocmu?" ¹⁰ Iguc murâ dâñ zinguc zuhuckerâ muwec: "Wofun e jukacte e jahac qaocmu. E damen-ticne maickeme hâmoocmu me zikao rahuc ira sipirickeocmu. ¹¹ Wofunji wokemañ ruacnewec e menanezi ba bâuac mi ecnepemurâ Wofun e jahac qatara-narekac. Irece nâhâc qizecnaopece sându â opâ zopo-ticne domakac i sawa rorâ ranac." ¹² Iguc murâ Dawidizi sându â opâ zopo qizecnaopece domawec i rome wisepic. Ñic moczi moc qârerâ hone manac eejaete i moc mi embij. Jañe Wofunji ejareme guñqâñqâñ fofârembij hâcne.

¹³ Eme Dawidi e wâc fotâcnerâ ocnigucnao tiki botâñko taic jâmbâñ ferâ domawec. Ehame ñogonden-ñejicko sawa sâko fowec. ¹⁴ Eme Dawidi e momori â Nerâ ñokâ-ticne Abene wira-jarehuc muwec, "Abene, go dâñ mi bâtikiecmu me?" Iguc mume Abenezi dâñ bâtikiehuc muwec, "Go mozi

gicwofuŋ wiracnekic?" ¹⁵ Abene e iguc mume Dawidizi zigu azâcnawec: "Go gahacnere gic muekic me? Israe guruo go igucne moc jingopien me? Go gic moczi gicwofunge sipirickeocte fisiha wemocte mi songakmec?" ¹⁶ Go wiac emec i mi sâckekac. Jâmbomac jâmbân, ŋe Wofuŋzi wokemaŋ ruacnewec e mi songakembienŋe zengoma hâmocte biŋe efâren-gopien. Honenin, gicwofuŋte qizeckopec sându â opâ zopo-ticne domapirec i weni?"

¹⁷ Eme Saulo e Dawidire dâgmarac mana tararâ muwec, "I Dawidi gokâ-nane go gahac me?" Eme Dawidizi muwec, "Bomboŋ-nane, no nahac hâcne." ¹⁸ Iguc murâ zuhuckerâ muwec, "Bomboŋ-nane, go kiŋaŋgicge no wemocte nu jâpec enarehuc jukic? No wemo wiac epo? Wemo wiac moc epe sâqorewec?" ¹⁹ Irec gicwofuŋ-nane, go zi hazec râerâ kiŋaŋgicgere dâŋ manazemec. Wofuŋ e jahac râsi ronarecmurâ âkendânguwecko ine taha bacnepie maname sâckezejec, â gic jaŋere mamanao fuakacko ine sâweczi jaŋerao fozejec. No Wofuŋte gurufâc jaŋehac mocjaha mi jupemurâ damenŋ zi nu jâpec enarehuc muengopien, 'Go rarâ nemu gâcne kiŋaŋ qajarec.' ²⁰ Eme irec socnane i mâreŋ furunao â Wofuŋ zâŋe biŋe-ticne mi fokacko mi hoŋkezo. Israe gicwofuŋ e fitic moc basaocte warejec me gic moczi tikio hapâ qaocte wosaŋen gie baekac irec sâc warejec jukac."

²¹ Iguc mume Saulozi muwec, "No wiac epe sâqorekac. Dawidi gokâ-nane, go risiec, go zoaŋ zira juju-nanere manatec wiac furi sâko ejecte no mocwâc mi bâzâicupemu. Manakic, no mutuc gie bahuc wiac esifucke-jâmbâŋkepo hâcne." ²² Eme Dawidizi dâŋ bâtikiecnahuc muwec, "O gicwofuŋ, sânduge zi. Gicmotec jaŋeraonec moczi wefurâ ro bahu fâoc." ²³ Wofuŋ e gic buc buc tiŋe â jaug fârihec jaŋe okacne jareekac. Wofuŋ e zoaŋ zira menaneo râecgujec. Eme Wofuŋzi wokemaŋ rua-garewec go ba bâuac sâcne mi egarepemu. ²⁴ Manakic, no zoaŋ zira gore jujure manape furi sâko ejec, iguc jaha Wofuŋzi nore jujure maname furi sâko ezejec. Ehuc hume sererenkonec bataracnuzejec." ²⁵ Iguc mume Saulozi Dawidi zigu azâcnawec: "O gokâ-nane Dawidi, jambuŋzi gorao fozejec. Go wiac tâpirihec jaha ehuc zoqac sasanaghec juzokic." Iguc mume tarama Dawidi e hata zuhuckerâ rame Saulozi hae-ticnao risiewec.

Dawidi e Filisa gic jaŋere ŋondenŋko juwec

27 Dawidi e maŋnezi zigu muwec: "No zi juku damenŋ moc maickeme Saulore meo omaezipohec. Irec no Filisa mârenŋko wiserâ rape sâckezejec. Eme no Sauloraonec wisehape Israe mârenŋko basacnu-bipiezejec."

² Iguc murâ gic 600 ehec jumbiŋ jaŋehac faharerâ Gati gicwofuŋ, Maackare gokâ Akisi erao rambiŋ. ³ Erâ Dawidi â ŋonân jahec-ticne Ahinoam, Jesere haeonec e â Abigai, Nabalire hozec, Karamele haeonec e, erâ gicfâcne â wiacfâc-jenic sasawa jaŋe Akisihec Gati haeo jumbiŋ. ⁴ Eme Saulo e Dawidizi Gati haeo wiserâ rawec irec biŋe manarâ basahuc juwec i behewec.

⁵ Eme Dawidi e Akisi zigu azâcnawec: "Go honecnutec sâckekacko ine mârenŋ zira haeg moc naretec ira sâcne juzapo? Kiŋaŋ qaqage no wemocte zira gicwofuŋ haeoa gohec jupemu?" ⁶ Iguc mume Akisizi Zikilaga hae râcneme juwec. Irec damenŋ zi Zikilaga hae i Juda gicwofuŋ jaŋere hae ewec gekac jaha. ⁷ Eme Dawidizi Filisa mârenŋko jara 1 â mosa 4 juwec.

⁸ Eme Dawidi â gicfâcne jaŋe gicguru zigu râsi ejarembiŋ: Gesuri,

Gizeri â Ameleke. Eme gicguru i jaje hâcne juwicnaoa mâreŋ rune erâ Suru mâreŋkonec raku Aigita mâreŋko miccekac ira jurambij. ⁹ Eme Dawidi e mâreŋ i imackehuc ɲic me ɲokac moc mi akic-jopa jujec. Erâ lama, bulimakao, dongi kamele â ɲaqi qoruc wiac rocjoparâ Akisirao risie jujec. ¹⁰ Eme Akisizi wiocne jujec, “Ƴoaŋ zi wena jaha zika qambieg?” Iguc wiocneme Dawidizi zɲuc mujujec: “Judanjic Negebe mâreŋko jungopieŋ jaŋerao,” me “Jeramec ɲic Negebe mâreŋko jungopieŋ jaŋerao,” me “Keniŋic Negebe mâreŋko jungopieŋ jaŋerao.” ¹¹ Dawidi e jahacne ɲic me ɲokac moc akickerâ Gati haeo mi bacjopa warewec. E ɲicfâcne jaŋere fuŋne. tanɲekzacte hâwickeme Filisa mâreŋko juwec sâc mâsi iguc hâcne ehuc juwec. ¹² Eme Akisi e zɲuc manahuc Dawidirao roweckewec: “Dawidi e Israe ɲicfâcne jaŋerao mumusoriŋ bâfuawecte norao zuhuckerâ nore ɲic erâ jusananɲeocmu mecne.”

28 Eme dameŋ ira Filisa ɲic jaje Israe ɲic jajehec qaqac eniŋte momo-rifâc-jerɲic hetumaŋ-jopambij. Eme Akisizi Dawidi zɲuc âzâcnewec: “Go ɲicfâcge ɲoŋe māmâc zikao ranaŋmu iguc manapaŋkezemec.” ² Iguc mume Dawidizi dâŋ zɲuc bâtikiecnecnewec: “Sâcne, kiŋaŋɲicge e weniguc jaha eocmu i honezemec.” Iguc mume Akisizi muwec, “Sâcne, go sahaç soŋaŋ-nane raŋqa raŋqa jucmurâ âkendâŋgupemu.”

Saulozi Eŋdoro haeo faŋfaŋ ɲokac moc iqickewec

³ Samue e hâmome Israe ɲic jaje ki mamakuc eku Rama hae-ticnaoa duckembij. Eme Saulo e faŋfaŋdâŋ mumu ɲic â qangecɲic jaje mâreŋ ira mi juniŋte mujarewec. ⁴ Ehamé Filisa ɲic jaje tumagne-fârerâ fisi Sunem haeo teuŋ âtembij. Eme Saulo e wâc Israe ɲic hetumaŋ-jopame fisi Giliboa tikio teuŋ âtembij. ⁵ Eme Saulozi Filisa momori honec-joparâ mâreteç hâwickeme qarac qarac qawec. ⁶ Ehuc Wofuŋ mu wioc ecneme Wofuŋzi okacne guŋko me qâsâio me porofete jaŋere micko mi bâtikiecnecnewec. ⁷ Eme irec kiŋaŋ qaqafâcne zɲuc jazawec: “Ʋoŋe faŋfaŋdâŋ mumu ɲokac moc bâfua-narepie no erao rarâ mu wioc ezepec.” Iguc mume kiŋaŋ qaqafâcne jaje âzâcnerâ mumbij, “Faŋfaŋdâŋ mumu ɲokac moc Eŋdoro haeo jukac.”

⁸ Iguc âzâcnepie Saulo e ɲaqi qoruc omane heme hume hawarine heti-kieme ɲic jajahec rocjofame rambij. Raku ɲafeo faŋfaŋdâŋ mumu ɲokac erao fisimbij. Ehuc Saulozi muwec, “Go faŋfaŋdâŋ muhuc no nahac ɲic hâmokicne mocte zâŋe mupe e bârisie-narezemec.” ⁹ Iguc mume ɲokaczi muwec, “Go Saulozi wiac ewec i mana-fârekic. E faŋfaŋdâŋ mumu â qangecɲic jaje mâreŋ zira mocwâc mi juniŋte muwec. Eme go wemocte hâmopemurâ juju-nane doc bakomec?” ¹⁰ Mume Saulozi Wofuŋte maio mujomirecnehuc muwec, “Wofuŋ e jukacte wiac zirec bâbâtiŋzi gorao mi fisiocmu.” ¹¹ E iguc mume ɲokaczi muwec, “Mo ɲic hefârepe wefuocmu?” Wiome muwec, “Samue jowa wefu-narec.” ¹² Eme Samuezi fuame honerâ ɲokac e owackehuc Saulo zɲuc âzâcnewec: “Go wemocte eatucnumec? Go Saulo hâcne.” ¹³ Mume ɲicwofuŋzi ɲokac âzâcnerâ muwec, “Mi hâwicguoc, wemo wiac honekic?” Iguc wiome ɲokaczi âzâcnewec, “No nemu moc mâreŋmaŋkonec wefume honekopac.” ¹⁴ Mume zɲuc muhuc wiocnewec: “Hawari-ticne wenigucne?” Eme ɲokaczi muwec, “Ʋic raŋqa moczi wefukac, erâ ɲaqi zora moc rojukac.” Iguc mume Saulozi zɲuc

mana tarawec: I Samue. Ehuc fodaperâ zâŋe maine mâreŋko hetutuckerâ dape qâhâŋ ewec.

¹⁵ Iguc eme Samuezi zīguc âzâcnewec: "Go wemocte qâsifuc qanarehuc jowacnu wefumec?" Mume Saulozi dâŋ zīguc bâtikiecnawec: "No hume serereŋ sâkore maŋnao jukopac, Filisa ŋic jaŋe nohec zika qangopien â Anutuzi wâc râpecnuwecte dâŋ okacne moc porofete jaŋere micko me guŋko moc mi nazakac. Eme irec goki wiac weniguc jaha epemu i nazacmurâ hefârecgupac." ¹⁶ Eme Samuezi muwec, "Wofuŋ e râpecgurâ kisâge ewecko go wemocte no wio-narekomec?" ¹⁷ Wofuŋ e nore micko dâŋ muwec irec sâcko hâcne egareekac. Ehame Israe uucmaŋ i gore meonec rorâ qomâge Dawidi râcnekac. ¹⁸ Go Wofuŋte mic reŋkehuc kimbeŋ sâko-ticnere fârine Ameleke ŋic jaŋerao mi bâfuameŋte Wofuŋzi dameŋ zi wiac igucne hâcne egarekac. ¹⁹ Erâ Wofuŋzi go gahacne â Israe ŋicfâcge ŋeŋe Filisa ŋic jaŋere meo râec-ŋopaocmu. Eme go â ŋokâfâcge ŋeŋe tomâcko nohec juniŋmu. Eme Wofuŋzi Israe momori jaŋe wâc Filisa ŋic jaŋere meo râec-jopaocmu."

²⁰ Eme Saulo e Samuezi dâŋ muwec i manarâ hâwicke sâqoreme izia mâreŋko rândiŋke qarâ fowec. E gafe 30aŋ nânâ moc mi nâwecte betan-kewec hâcne. ²¹ Eme ŋokac e Saulorao fisirâ hâhâwic âkohec fome honerâ zīguc âzâcnewec: "Manakic, kiŋaŋ naruge no dâŋge manarâ micge reŋkepemurâ juju-nane qaisockepac. Ehuc mumec irec sâcko epac. ²² Irece go wâc kiŋaŋ naruge nore dâŋ manazemec. No nânâ piticne mac moc râe-garepe nâqignerâ hata zuhuckerâ razemec." ²³ Âzâcneme qikiŋnehuc muwec, "Mi nâpemu." Eme kiŋaŋ qaqa jahecne â ŋokac jaŋe mâmâc 30qac ecnepie dâŋjeŋic manarâ mâreŋkonec faharerâ ŋeŋeo ŋewec. ²⁴ Eme ŋokac e bulimakao moteche wokemaŋ sâkohec moc domacnewec i picpac jaha qarâ hezuwec. Erâ poroŋ uucne gâcne rorâ jârickerâ goreŋ tâmiric rikewec. ²⁵ Eme i Saulo â kiŋaŋ qaqa jahecne hejareme nârâ gafe ijaha fahare rambiŋ.

Filisa ŋic jaŋe Dawidire manjahec embiŋ

29 Filisa ŋic jaŋe momorifâc-jeŋic Afeke hao hetumaŋ-jopambiŋ â Israe ŋic jaŋe Jesere hao opâ zâŋe heririŋko teuŋ âtembiŋ. ² Eme Filisa momori jaŋe micnefâc-jeŋic jaŋehec gurune gurune rahapie Dawidi â ŋicfâcne jaŋe Akisihec zâhec jumbiŋ. ³ Eme Filisa momori micne jaŋe zīguc mumbiŋ: "Hebiraio ŋic zi jaŋe zira wemocte warengopien?" Iguc mupie Akisizi zīguc jazawec: "Zi Dawidi, Israe ŋicwofuŋ Saulo ere kiŋaŋ-ŋic. E nohec juhame jara 1 â nâfocne ezo ekac. E ware fisiweckonecteaŋ juwarehuc kiŋ bahac-ticne moc mi bâfuaekopac." ⁴ E iguc mume Filisa momori micne jaŋe ere aaric-jopame mumbiŋ, "Ŋic e soretec hae mâreŋ râcnemenko risieoc. E nâŋehec zikao mi razajec, e zikao rahuc ŋerisierâ râsi-nâŋec ezackohec. Ŋic zi e weniguc erâ bombon-ticnehec maŋ zuzuhuc bâfuaocmu? I ŋicfâc-nâŋec zi jopahuc sawa eocmu. ⁵ Dawidi zirec hâcne gae zīguc hehuc wombiŋ:

'Saulozi ŋic 1 tausen jopawec

â Dawidizi ine 10 tausen jopawec.' "

⁶ Eme irec Akisizi Dawidi hefârerâ zīguc âzâcnewec: "Wofuŋ e jukacte go wiac fâretin jaha efâremeŋ. No manape go zikao mâmâc sâcne rarane ekac. Go norao fisimeŋ dameŋ irecnec juwarekuhapene miŋecgac fisikac

ira wiac moc mi esifuckemeg i no manakopac. Erâ ine ñic fekicne jañe gore manapie mi sâckekac. ⁷Go Filisa ñic fekicne manjenic mi sipirickehuc aimuñ jaha hao risiec.” ⁸Iñuc mume Dawidizi Akisi dâñ bătikiecnewec: “No wemo wiac moc epo? No fuñkerâ kiñañ qagare warehuc jukopac dameñ irec mañnao wemo wiac moc esifuckepe honemegte ñicwofuñ gore kisâfâc jopapemurâ sâcne mi rapemu?” ⁹Iñuc mume Akisizi dâñ bătikiecnehuc muwec, “No honecgupe Anuture aġelo iñucne bahacmâc ekomec irec mañjahec mi ekopac. Mâc, Filisa ñic fekicne jañe goki jañerao zuhuckerâ zika mi qacmurâ zoqac engopieñ. ¹⁰Eme irec go fekicnegere kiñañ qaqañac go gahacnehec warembieñ jañehec furic uupictea faharenzepieñ. Erâ hao botâgne bawahame izia ranzepieñ.” ¹¹Iñuc mume Dawidi e Filisa ñic jañere mâreñko risieocte furic uupictea ñicfâcne jañehec hata fuñkembieñ, â Filisa ñic jañe ine Jesere hao fembieñ.

30 Eme Dawidi â ñicfâcne jañe raku zoañ gie bapa jahec â moc eha Zikilaga hao fisimbieñ. Â Ameleke ñic jañe Negebe mâreñko râsi fisirâ Zikilaga hao i imackehuc zoczi turuñkepie zawec. ²Ehuc ñokac sasawa fekicne wahakicne qâricne bacjopa wisembieñ. ³Eme Dawidi â ñicfâcne jañe hao fisirâ hao zoczi zawec â ñokac naru motecfâc-ñeñic bacjopa wisembieñ i honembieñ. ⁴Honerâ Dawidi â ñicfâcne e jahacnehec jumbieñ jañe mâretec kioku ki basarâ betañke-fârembieñ. ⁵Dawidire ñonâñ jahec Ahinoam, Jesere haeonec â Nabalire hozec Abigai, Karamele haeonec jahe wâc mâmâc bacjofa rambieñ. ⁶Eme ñic jañe otâ ñokâfâc-ñeñic jañere zâic busâqoc sâko manarâ Dawidi qânâzi hezo mupie mâretec mezackewec. Erâ e sifu Wofuñ Anutu-ticnerao hâbi-ticne rowec.

⁷Eme Ahimelec ñokâ-ticne taha bapa Abiata âzâcnerâ muwec, “Taha bapa ñaqi i baware-narec.” Mume Abiatazi taha bapa ñaqi i Dawidirao barawec. ⁸Eme Dawidizi Wofuñ mu wioc ecnehuc muwec, “No ñicguru zi bâfuac-joparâ jopa jâpec sâcne ejarepemu me?” Wiome Wofuñzi dâñ ziguñc bătikiecnewec: “Go jâpec-jopa rac. Erâ bâfuac-jopa-jâmbâñkerâ ñokac naru motec mocwâc bârisiec-jopacmu hâcne.” ⁹Iñuc mume Dawidi â ñicfâcne 600 e jahacnehec jumbieñ jañe faharerâ raku Besoro opâo fisirâ ñic ġâcne ira hetarac-jopapie ñembieñ. ¹⁰Ñehapie Dawidi e jahacne â ñic 400 jañe zuhuckerâ râsi jâpec-jopa rambieñ, â ñic 200 jañe ine boc betañkembieñte Besoro opâ fotâcnenieñte eipierâ ñembieñ.

¹¹Eme râsi jâpec-jopa rambieñ jañe Aigita ñic moc tuhuo bâfuarâ Dawidirao jowa rambieñ. Ehuc nânâ opâ râcnepie nâwec. ¹²Erâ jâmba poroñ dâkâne moc â waiñ hândâñ makene jajahec râcnembieñ. E ñafe zoañ jahec â moc nânâ opâ moc mi nâhuc juwecte jañe wiac i râcnepie nâñieñewec. ¹³Eme Dawidizi ziguñc wiocnewec: “Go more kiñaññic â hao wenirec?” Iñuc wiocneme muwec, “No Aigita ñic, erâ ine Ameleke ñic mocte kiñaññic. Zoañ gie bapa jahec â moc juwicnao huc bacnume bomboñ-nanezi behecnurâ rawec. ¹⁴Nâñe Kereti ñic jañere Negebe mâreñ imackember, erâ Judañic jañere mâreñ dâkâne i mâmâc, erâ Kalebere Negebe mâreñ i wâc iñuc jaha. Erâ Zikilaga hao i zoczi turuñkepene zawec.” ¹⁵E iñuc mufâreme Dawidizi wiocnerâ muwec, “Go sâcne ñicguru i jañerao jowacnu racmu?” Wiocneme dâñ ziguñc bătikiecnewec: “Wiac go mi qâhâmocnucmu â bomboñ-nanere meo mi râcnucmu i Anuture maio mupañketec jañerao sâcne jowacgu rapemu.”

¹⁶ Eme jowame rarâ honec-jopame ocna Filisa mârenko â Juda mârenko wiac rombiŋ irec nâ zeri â gae wongân sâko ehuc siŋsoŋ nowac gowac ehuc domambiŋ. ¹⁷ Eme Dawidi e furic râehame funkerâ jopahuc juha hae ŋaferâ furewec. Â ŋic 400 jaŋe sawa ine kamele faio ferâ wisembiŋ. ¹⁸ Eme Dawidi e Amaleke ŋic jaŋe wiac sasawa rombiŋ i rofârewec, erâ ŋonân jahec-ticne jahe wâc bârisiec-jofawec. ¹⁹ Wiac rombiŋ sasawa, kâcŋene â piticne, naru me motec, moc mi sifuckembiŋ. Dawidizi sasawa bârisiec-jopa-fârewec. ²⁰ Dawidi e lama bulimakao sasawa i mocwâc bârisiec-jopawec. Eme ŋic jaŋe i jowac-joparâ bânîe rahuc mumbiŋ, "Wiac 3i Dawidire."

²¹ Eme ŋic 200 jaŋe betanŋerâ Besoro opâo ŋembiŋ jaŋe Dawidi â ŋicfâcne risiehapie hatao bâfuac-jopaniŋte rambiŋ. Eme Dawidi e manfun-jeŋicko fisirâ zoaŋ biaŋ mujarewec. ²² Eham Dawidihec ŋic jumbiŋ i jaŋeraonec ŋic gâcne sâqocne â hehesicne jumbiŋ jaŋe Dawidi 3iŋuc muhuc âzâcnembiŋ: "Ŋic nânâcnehec mi rambiŋ jaŋehc wiac bârisieŋ-gopeneg i moc mi jarenzepeneŋ. Jaŋe ŋokac naru motecfâc-jeŋic sawa rocjoparâ ranzepieŋ." ²³ Iŋuc mupie Dawidizi muwec, "Âgo bureŋ, ŋoŋe Wofunzi wiac nâreŋec i iŋuc moc mi ejâmbânkenzepieŋ. E akic-nâpohuc ŋicguru râsi fisi-nârembiŋ jaŋe nânâcne meo râec-jopajec. ²⁴ Irec ŋoŋe dâŋ muggopieŋ i mozi maname sâckeocmu? 3ikao rahuc wiac hureocmu irec sâc jaha mafa soŋaŋ ŋeocmuzi hurezeŋec. Jahe sâckoa hurezepirec." ²⁵ Eme dameŋ ira hâcne funkerâ Dawidizi mumupaŋ â sâcmutâc râewec i dameŋ 3iŋuczia Israe ŋic jaŋerao fokac jaha.

²⁶ Eme Dawidi e Zikilaga haeo fisirâ râsi jaŋeraonec wiac rowec i tucne Juda micne âgofâcne râe-jarehuc 3iŋuc jazawec: "Ŋoŋere wiac piticne râekopac 3i Wofunŋe kisâfâc jaŋeraonec rokicne." ²⁷ Wiac i hae biri 3iŋuc ira ŋic jurambiŋ jaŋerao râeme rawec: Bete, Negebe mâreŋte Ramoti â Jatiri, ²⁸ Aroe, Sifamoti â Esitemoa, ²⁹ Rakali, Jeramee hae gâcne â Keni hae gâcne, ³⁰ erâ Horima, Borasaŋ â Ataka, ³¹ Heboron â hae mâreŋ gâcne Dawidi â ŋicfâcne jaŋe ŋe qatara embiŋ sâc i mâmâc.

Saulo â ŋokâfâcne jaŋere hâmoc binan

(Bin 1, 10:1-12)

31 Eme Filisa ŋic jaŋe Israe ŋic jaŋehc qaqac eku Israe ŋic jaŋe wisepie Giliboa tikio qâhâmoc-jopambiŋ. ² Eme Filisa ŋic jaŋe Saulo â ŋokâfâcne jâpec-jopa raku bâfuac-jopambiŋ. Erâ Filisa ŋic jaŋe Saulo â ŋokâfâcne jâpec-jopahuc kikeo kikeo ejarembiŋ. Ehuc Saulore ŋokâfâc Jonatan, Abinada â Malikisua qâhâmoc-jopambiŋ. ³ Eme râsi jaŋe bâŋiŋ-kehuc Saulo kikeo kikeo boc ecnehapie tepeŋic gâcne jaŋe bâfuarâ 3âpâ murumbiŋ. ⁴ Murupie Saulo e maro babaju-ticne 3iŋuc âzâcnewec: "Sahac tofa-jeŋic mi hezucicne 3i jaŋe fisi âke hâmocnuhuc mu ruruc enaren-3ipiŋte go sânduge rorâ âke hâmocnuc." Eme maro babaju-ticne e hâwicke sâqoreme wiac iŋucne eocte mi afeckewec. Irec Saulo e jahacne sându rorâ âkendângehuc micnao hewâcnewec. ⁵ Eme maro babaju-ticne e Saulozi hâmome honerâ iŋuc jaha sându-ticne rorâ âkendângehuc micnao hewâcneme mâmâc jaha hâmopic. ⁶ Iŋuc ehuc zoaŋ ira Saulo e jahacne â ŋokâfâcne â maro babaju-ticne erâ ŋicfâcne jaŋe hâmo-fârembiŋ. ⁷ Eham Israe ŋic wâneŋ ŋifecnao â Jordâŋ ocniŋucnao jumbiŋ jaŋe Israe momori jaŋe wisembiŋ i honec-jopambiŋ, ehuc Saulo â ŋokâfâcne hâmombiŋ irec

biŋe manarâ hae-jenŋic behe-fârerâ wisembiŋ. Wiŋepie Filisa ŋic jaŋe fiŋirâ ira ŋeŋe juju embiŋ.

⁸ Hae fureme Filisa ŋic jaŋe qâŋqâŋ jaŋere ŋaqi qoruc wiac hetara-jarenŋte fiŋirâ Saulo â ŋokâfâcne 3 Giliboa tikio hâmocne fohapie honec-jopambiŋ. ⁹ Honec-joparâ Saulo e qizecne qâtâcnehuc maruku-ticne hetaracnembiŋ. Iŋuc erâ kiŋaŋ sorec-jopapie Filisa mâreŋ sâckerâ rahuc nemufâc-jenŋic â ŋic ŋokac sâko jaŋerao biŋe biaŋ barambiŋ. ¹⁰ Eme Filisa ŋic jaŋe Saulore maruku i Asitaroto nemure ufuŋko râembiŋ â qâŋqâŋ-ticne ine Bete-Saŋ haere sacko niŋgiŋkepie domawec. ¹¹ Ehame Jabesi-Gileade hae rune jaŋe Filisa ŋiczi Saulo wiac ecnembiŋ irec biŋe manambiŋ. ¹² Manarâ ŋic tâpirihec jaŋe ŋafeoa raku Saulo â ŋokâfâcne jaŋere qâŋqâŋ Bete-Saŋ haere sacko domahapie batarac-joparâ Jabesi haeo bacjopa risierâ 3ocko rikec-jopambiŋ. ¹³ Erâ siec-jenŋic qânuŋsuckerâ Jabesi haeoa kaŋaŋ kaŋaŋ jâc fuŋnao duckembiŋ. Iŋuc erâ 3oaŋ gie bapa 7 nânâ sowa jumbiŋ.